

本齋藏本

晉東宣初經

漢劉向中祿李壽

乾隆庚申秋季鐫

豫東宣防錄

本衙藏板

叙

嘗論人所以任天下之重而
成天下之務者惟誠與敬焉
而已誠則無所虛假而遇事
必盡其力敬則無所苟且而
涖事必盡其心有一於此事

五不集玉峰公先受知於

世宗憲皇帝屢擢江蘇方伯江蘇賦

繁政冗公特濟以清慎勤恪

用是士庶歡騰謳歌溢路達

時旅官在京每從親友慰問

間得悉公甘棠之蔭固已心

竊嚮往矣雍正甲寅

世宗顧念東省漕黃交錯思得老成

歷練大臣統理之爰

命公總督河南山東兩省河務公視

事之後不憚煩勞遍行相度

凡泉源通塞與河流淺深隄

宣陽錄序
以完缺無不躬親體察隨處
指授所屬或濬或疏或修或
築遂使漕艘遙行無滯而濱
河共慶安瀾達常於邸報中
見公所上奏疏愷切周至又
側聞在朝諸耆舊大臣談及

公所設施無不同聲推服私
心愈益欽仰而恨無緣得一
識面以快生平適己未冬達
以諫議欽承
恩旨視漕東省并因公原奏所請

兼

命協查河務乃得從公來往河干
朝夕親承言論並見公規畫
庶務每有興修疏濬必召所
屬諄切誠勉示以程式條理
愍々愍々視公事不啻已事
又以前因憂勞河務夜常不

寐

今皇上龍飛御極眷注弥隆

特賜參藥遣醫馳視公雖當靜攝

而一遇要工即力疾命駕不

肯片刻稍延蓋公之誠以任

事敬以處事洵有奉於至性

至情而非強飾於文貌者是
以見諸規為形諸奏牘布諸
行移文告莫不愷摯周詳而
不同泛然循分供職者僅僅
聊應典故也先是臺莊逸壯
上至臨清綿亘千里雖春冬

例有疏濬而常患未能一律
公設為經制凡廣狹上下自
丈而尺而寸而分悉有一定
準則標誌渠埝間不容絲毫
欺隱故年來清渠愈深河流
較前逾暢歲已未黃水盛長



兼天雨霖潦連旬如注其勢
險甚公乃率監司聖臬陳君
等卧憂危堤指揮堵禦雖雨
透重衣濕蒸茵褥畧不少為
退避由是崖隄得無恙而
河不為患此又公誠敬所昭

公爾忘私之寔驗也庚申春
季各屬請以歷年所上奏議
編纂成集垂示將來公辭之
不獲勉徇衆望刊梨以行於
世達惟公之規制精詳可以
隨事取則以之誠敬懇至難

以彷彿相符世之觀是錄者
必先如公之誠敬在中而後
因時制宜隨事善法其規制
庶幾乎任天下之重而成天
下之務不難矣

時

乾隆庚申三月上巳後九日
舊治年家眷晚侍生蓉湖侯
嗣達書於濟寧之南池公廨



陽穀書院藏書
宣陽金序
蘇勤齋中三自土

河東總督河道白公河干奏議
若干卷將登諸棗梨命叔琳以
一言識於簡末叔琳自承乏山
左獲托公宇下已四載於茲而
弟叔璣亦曾任中州河道同為
屬吏凡公之嘉謨碩畫所以保
蒸黎而酬

主眷者皆親炙而知之寔詳烏敢以
不文辭謹拜手濡毫而為序曰
古大臣佐時翊運為邦家柱石
功業爛然光昭史冊代不乏人
惟勤勞水土以治河顯名者指
不多屈我

國家歷簡名賢寄平成之績位高

而任重其事特難而公之節制
者控帶齊梁環拱

畿甸所關係為尤重東省運道綿
亘千餘里資泉源之利層層灌
輸自南而北地勢高下懸殊惟
賴搏節蓄洩各得其宜歲轉萬
邦玉粒達之

天庾而曹單當黃流之衝長隄卧
虹在在皆險工急汎經理更不
容少暇河南大河懸注兼以衛
淇丹沁賈魯諸水左右潏滙以
張其勢南北兩岸日事修築而
傾圯無常尤稱難治自公蒞東
以來舉數千里險夷之形洞然

如指諸掌若者宜䟽若者宜塞
因天時而酌緩急逐地勢而權
重輕一心運量動中機宜與凡
工役之調遣物料之盈縮靡不
預籌而熟計之振綱挈領既獨
見其大燭照數計亦不遺其細
崇論宏議往往乘時入

告恙上協

廟謨下孚輿望公復鎮之以清嚴居之以廉靜凡諸擾民而未除者恙廓然去之鼓舞勸相文武皆樂為用人忘其勞而工以集是以金隄鞏固永無昏墊之虞河東兩省之民獲保全其家室古

語云有非常之人而後奏非常之效不信然歟往年黃水侵蝕經公指畫得以無患而精誠感格引河天開人驚以為神已未夏霖潦連旬幾至潰決公不避炎蒸親自督率晝夜不輟豫省立奏救寧而曹單之間恙稟受

方畧並獲安堵

皇上嘉乃丕績下

詔褒美又令習河工者聽公指授以
王其成倚任之殷如此公之殫
精竭慮致力於河防者不可悉
數茲之存諸奏牘者特十之一
二耳然展而讀之有因有創因

則循古人之成法不事更張而
達權通變神明於法之中故雖
蹈前規而無膠固之患也創則
偉略卓識灼然於利害之原故
力排群議而不顧獨持定見而
不疑初非好為異同也良法美
意坐而言之起而行之其德業

所被豈獨豫東兩省蒙無疆之
福哉雖昭垂於後奉為百世之
楷模可也而叔琳於此更有為
公韋者自昔名臣奏議類皆經
世大猷而功德所施或者未竟
其用後之人讀其書論其世未
嘗不掩卷嘆息今公遭逢

聖主一德一心明良之遇超軼前古
豐功駿烈一一皆見諸寔事

九重之眷倚弥隆佇見進奠川敷土
之經綸為調鼎持鈞之大業霖
濟所及將遍八紘則又不特為
公幸而且為天下蒼生幸也

乾隆四年歲次己未嘉平月山

東等蒙承宣布政使司布政使
屬吏黃叔琳拜識



我

國家誕膺

天命撫綏萬方懷柔百神高卑永奠河伯
效靈慶安瀾者數十載歲挽東南
之粟數百萬石舳舻相接漕度無
愆豐功駿烈皆三代而後所未有
盖由

聖聖相承睿謨宏遠而大吏之宣力分猷

者類多偉傑閎通公忠體國後先相望故有以建無前而垂永利非偶然也去年夏法奉

命承之

河干周覽兩河形勢竊歎昔之治河與漕易今之治河與漕難而於豫尤難隄防起於後世然不過遙為之備即今太行堤去河尚十餘里自愚民規小利便耕鑿往

往於河壩為曲防以自障後人遂因而連續增培之於是乎河之去堤近者至以丈計歲日填淤內視益高河一屈伸遂與堤薄不得已而束芻選杙以與河從事勝負之數未可知也昔之善治水者曰不與水爭地今欲退守尺寸得乎此司河者所蒿目而無可如何者也

河自龍門而下束之兩山之間出
滎陽廣武乃得平地其勢益逞奔
放恣肆捲地替天而豫充濱河州
邑適當其衝以土壤則疎惡也薪
惟藁秸而無萑葦則材不良也卒
徒選於淮徐則士不習也歲支水
衡錢不敵南中十之一二則財用
窘也此充豫之難也漕渠自清口

達於津門北會漳衛南匯諸湖而
汶合諸泉中為樞紐恃牖以節宣
前人之規制備矣後之人或妄為
更張則其弊立見是治漕而兼以
救弊也夫之額無增而沙之積於
兩涯者日高水之源不益而荆揚
之舟制益濶其私載日益多往返
之限日益迫此漕渠今日之難也

制府白公屏藩江左

世宗憲皇帝知公於河事甚悉由南河移
節豫東

今上即位圖任舊人倚眷彌懇自先朝
迄今凡所奏議無不報可即餘人
所條上事沙河工皆

命公折衷公為平心酌其當否議乃定
積有卷帙今年春所屬咸請其稿

付之梓法乃得受而卒讀其言
徐委備周盡事理使人尋味不
夫以公處夫事之甚難數年以
來從容調劑未嘗更易舊章以自
標異亦未嘗興大役動大眾致煩
司農之仰屋里閭之追呼而河流
順軌糧艘利涉綱舉目張事半功
倍蓋公所慎密者在克勤小物

故銷患於未萌而人不覺 公所
綢繆者在先事圖維故節縮財用
而事無不舉其設官分職因地制
宜驅策群力隨才器使又皆一本
至公無我之心以為權衡而行其
賞罰故人樂為之用此 公所以
經緯咸宜措置優裕立言立功皆
可以垂之不朽也乎雖然尤有進

於此者夫天下事惟處其甚難而
才愈見亦惟處其甚難而心獨苦
自法從 公遊每見 公退食之
餘危坐一室而心繞河干思慮所
及輒形之文告件繫條舉羽檄交
馳其巡歷於外酷暑嚴寒犯露霧
霜雪冒赤日黃塵不稍懈雖極危
險必叱馭而前每群吏進謁反覆

告誡語輒移時或既出復命之入
嘗曰吾教子不如教所屬之諄且
切也先是公以河事積勞往往
竟夜不寐去歲天霖雨河勢特漲
公往來督察夙疾轉劇因封章
求引退

上知公勤勞過甚

特頒溫綸

遣醫賜參

公感激涕零力疾視事或
謂公宜自愛惜公瞿然指其
心曰吾所恃以報

國厚恩惟此耳敢自暇逸乎嗟乎古
所稱憂國如家知有君而不知有
身者公復何愧焉今公之功
名儻之琬琰公之書懸之國門
天下耳目所共睹記若公之勞

心焦思殫智畢憲惟此憂勤惕厲
之衷以上結

主知而默邀神祐者蓋此書之所不能
載法從事之久知之者獨深敢揭
之於篇以訓於有位而亦因以自
警焉非僅云序公之書也

乾隆五年歲次庚申天中節前一
日山東運河兵備道屬吏安平陳

法損首拜撰



豫東宣防錄目錄卷一

雍正十三年

恭報接印受事日期

恭賀

景陵瑞芝

賀鎮筓等處瑞穀

請建蓋營房及生息銀兩提貯道庫

遵行耕藉

遵例自陳

請修築運河堤工

請運河千總管轄河兵

恭報接到

勅書日期

請募夫長夫工食銀兩分案報銷

請豫省河營按月堆積土牛

請將各廳存貯料物變價貯庫

恭報劉家庄天開引河

請動項分給長夫不敷工食并裁革溜夫

覆部駁楊椿

恭報秋汛安瀾

豫東宣防錄卷一

總督河南山東河道提督軍務都察院右副都御史臣白鍾山

恭報接印受事日期

題為恭報微臣接印受事日期仰祈

睿鑒事竊臣於雍正十三年正月初三日在江南副總

河任內接准吏部咨文內開為補授尚書事文選

清吏司案呈吏科抄出本部題前事等因於雍正

十二年十二月十三日題本月十六日奉

旨魏廷珍補授兵部尚書漕運總督員缺着顧琮補授

直隸河道總督員缺着朱藻調補河東河道總督員

缺着白鍾山補授江南河道總督印務仍着高斌暫行署理欽此為此合咨前去欽遵查照施行等因移咨到臣欽此署江南河道總督臣高斌於雍正十三年正月十七日抵淮安府山陽縣地方臣隨將江南河道總督關防委員賁交高斌暫行署理臣即於正月二十日自清江浦起程將交印日期恭疏

題報在案今於正月二十六日行至山東濟寧州地方准河東河道總督調補直隸河道總督臣朱藻差委署兗州府運河同知事沂鄒海贛同知范昌

治濟標中營署中軍副將楊鐸賁送

欽頒總督河南山東河道關防一顆

王命旗牌十桿面副

聖諭廣訓漢字書一本

御製朋黨論清漢書二本連四紙裱的一張

上諭一卷恭錄

上諭一套硃字

上諭清漢二本

御製人臣儆心錄二本

上諭清漢書四本

御賜瑞穀圖二幅

上諭一本

御賜大義覺迷錄一部

御賜駁呂留良四書講義八本

欽頒大清會典一部及現存未用火牌九張并書吏文

卷等項到臣臣隨恭設香案望

闕叩頭謝

恩接受即於是日到任除河工一切修防應行事宜容

臣悉心敬謹辦理應具

題者即行具

題至

欽部事件照例展限完結外所有微臣接印受事日期

理合恭疏

題報伏乞

皇上睿鑒施行

恭賀

景陵瑞芝

題爲

天眷

聖德普天咸慶昇平地應嘉符

景陵屢彰上瑞恭疏慶

賀以抒下忱事欽惟我

皇上

堯仁溥懋

舜孝光昭

不顯丕承四海咸歸于冒佑

維懷維保萬方共樂夫生成是以

化洽神人疊著休徵於禹甸

恩周草木屢臻嘉應於

景陵芝秀九莖仰本深而枝茂榮敷四度欽積厚而流長

粵攷圖經斯爲盛美仰惟

聖祖仁皇帝

神猷永煥

大德難名

武烈文謨既獨隆于亘古

深仁厚澤復普被乎羣生我

皇上聖治協于敷華道統隆于繼述

紹聞像在措施一本心傳對越思成播告咸遵

祖訓惟純孝感通乎微顯斯精誠貫達於

天人元旦立春恰值四寅之交會甘霖瑞雪預占百穀之

蕃昌乃至邊塞殊方仰賴

廟謨睿筭旌旗日耀露布星馳

天威遠振於龍堆

聖化廣敷于鴈磧四溟清宴共慶年穀之豐登萬里遐

陬又喜橈櫓之盡掃蓋

聖祖以純天者裕後我

呈上以法

祖者合

天故

昊蒼之眷佑加隆

景陵之洪庥疊見煥金柯於六軍奏凱之日益昭

聖祖赫濯之靈燦玉朶於萬寶告成之時愈彰

聖治光昌之盛臣生逢

盛世幸遇奇祥額手拜颺與羣工而胥慶齊心舞什

兆庶以騰懽成頌有道之

聖人千八百國共祝無疆之

聖壽億萬斯年臣曷勝踴躍歡欣之至謹繕疏恭

賀伏乞

皇上睿鑒施行

恭賀鎮筵等處瑞穀

題為

聖德無遠弗届邊徼上瑞同臻敬敘嵩呼恭疏

賀事欽惟我

皇上

德參兩大

仁覆萬方

敬

天而屢迓

天庥甘雨和風共慶升恒之會

勸民而悉遂民隱普天率土咸歸

胞與之中

至治光昌芝草醴泉亘古之奇祥治至

太和翔洽嘉禾瑞穀頻年之秀實更多其在上年尤爲
大有春麥與秋禾並茂直隸及各省全豐巷舞衢
歌比戶享盈寧之樂出作入息兆民遊熙皞之大
頤茲南服苗疆一入版圖無復蠻煙瘴雨之舊西
陲屯地甫經耕耨依然綠疇紫陌之鄉玉露橫阡
黃雲被野或雙穗三穗或四五六穗或一本而十
餘岐或一穗而五六叢在邊徼固未有之奇觀即

圻甸亦希逢之上瑞既庶既富力田實務本之先
資多黍多稌足食尤籌邊之重計况甫經嚮化卽
著奇祥纔爾開疆各形繁祉兩地同昭瑞應皆由
聖澤涵濡一時並集嘉徵益見

天心眷佑儲精恒足耕鑿相安蒨屋柳營軍旅之糗糧有
脩深林密箐苗民之樂利無疆如此休嘉皆爲實
用登諸史冊豈等尋常臣幸際

昌期欣逢

盛事職司水土未獲隨鵷序諸臣颺拜

虔延心切歡欣竊欲先遐方衆庶嵩呼

萬壽從茲東西南朔悉荷生成侯甸要荒咸登衽席輸忱恐後千百國欣蓂莢之長春嚮化爭先億萬年慶苞桑之永固矣臣曷任踴躍懼忤之至謹恭疏題賀伏乞

皇上睿鑒施行

請建蓋營房及生息銀兩提貯道庫

奉為謹陳河標營伍事宜仰請

昨訓事竊查濟寧地方雖非省會但係南北水陸通衢糧艘經行要道所設河標官兵有巡防汛地稽查匪類催償漕糧之責必得人材壯健技藝嫺熟軍裝甲械堅利整齊庶以仰副

皇上慎重要區增設營制之至意臣職司河務管轄河標修防工程固為首重而親標營伍亦宜整飭督率將脩操練兵丁分等次以定優劣立規條以明賞罰練習教訓不敢稍懈茲管窺所及尚有應行

籌酌之處敬爲我

皇上陳之一河標營宜在城操防也河東河標原設兵丁一千九百二十一名除分防河汛外其應存城兵丁止城守一營兵四百六十八名雍正九年蒙

皇上特旨添兵一千名共應存城兵一千四百六十八名自應名名在城不時操練巡防方有實益今查新舊兵丁內有本係城外關廂民人即在關廂居住者有本係鄉居民人離城七八十里及百餘里外鄉村居住者各兵散處村庄不但入城操演往

來跋涉不便而且城鄉間隔傳呼刻難齊集臣到任時察詢情由據各營云從前添兵時因未議建營房兵丁無處棲止只得聽其在家居住等語臣伏思

皇上爲沿河要地每年增給餉銀二萬餘兩添設千兵豈可任其四散在家致有存城之名而無存城之實殊非仰體慎重地方添設兵丁之

聖意查新舊兵一千四百六十八名內除各官親丁隨糧並公糧外實兵一千三百九十五名查有城內及城外關廂居住兵丁共八百九十五名現有房

屋居住均毋庸議其在四鄉遠處居住之兵丁共五百名應請照江南河標並漕標增添新兵之例每兵一名蓋建營房二間共應蓋給營房一千間所需工料銀兩查山東濟寧州並河南祥符等州縣有收存

恩賞兵丁息銀共一萬一千餘兩係賞給盈餘因無需用之處現存在庫請即於此內動支令地方官擇地建蓋工竣核實報部如此則兵丁既得棲止操防無往來跋涉之累而於城池倉庫巡防益加嚴密矣一生息銀兩宜歸道庫也河標營兵與豫省

河兵均蒙

皇上洪恩各賞銀六千兩營運生息以濟緩急凡在兵丁感沐

皇恩泰養咸各刻骨鏤心此項

恩賞銀兩河標係濟寧州承領營運河兵係沿河祥符等十六州縣分領營運自雍正七年至雍正十一年年底所收息銀河標除給賞外現存銀五千七百四十四兩零俱貯各州縣庫但各兵赴州縣請領既多不便即令預期提至道庫亦不免遲延時日且此項

非係州縣正項錢糧該管道府無稽察盤查之責亦恐日久漸至侵那虧缺臣查豫東兩省現在俱有管河道庫應請將現存銀兩悉行提貯道庫以後各州縣所得息銀按季起解庶免請領提解之繁更可杜州縣虧那之弊實於兵丁公帑均有便益再查現存此項息銀一萬一千一百七十八兩如蒙

恩允動建營房此外仍有餘存本年所收息銀亦有盈餘可否仰懇

聖恩再賞給河標四千兩共足一萬兩之數並交濟寧

州同前領帑銀一例營運則生息更覺充裕給賞之外所有盈餘銀兩又可備營中一切公用各營兵丁更沐

聖主格外洪恩於無既矣以上二條均關河標營伍事宜臣愚昧之見是否有當伏乞

皇上訓示遵行

遵行

耕藉

題為恭報微臣遵行

耕藉日期仰祈

睿鑒事欽惟我

皇上

德溥堯天

仁周禹甸

平成永慶閭閻蒙樂利之休

康阜興歌億兆沐盈寧之福乃猶

勤宣本務恒念稼穡之艱

敬授人時歲修

耕藉之典

三推禮重於

帝畿百爾遵行於邦域普天率土共體重農貴粟之

宸衷白叟黃童感戴

敬

天勤民之

聖主涵濡

治化出作入息相率勤勞感沐

太和耕九餘三不忘節儉奇祥駢集比戶可封臣忝
任河防實司水土謹遵吉日肅奠

農師合庶職以扶犁率羣黎而播種煙開繡隴仰見
麗日光華雲護青疇喜值惠風和暢宛州乃禹跡
所經平成基重濟水為四瀆之一灌溉攸資洵是
太平有象允矣熙皞成風臣惟疏濬河渠衛護畝
畝亟乘天時而施人力將蓄水利以助田功宣力
皇興與二省屬寮同祝山河之奠定敷揚

聖治合兩河黎庶共欣年穀之順成所有微臣遵行
耕藉日期緣由理合恭疏

題報伏乞

皇上睿鑒施行

遵例自陳

奏為遵例自陳不職仰祈

聖主睿鑒事竊臣係正藍旗漢軍修鑑佐領下人現年五十歲由官學生于康熙四十四年十二月內考授本旗漢軍都統隨印筆帖式康熙四十七年二月內補授戶部雲南司筆帖式康熙五十四年正月內調本部山東司筆帖式康熙六十年十二月內推陞廣東肇慶府高要縣縣丞康熙六十一年正月內吏戶二部

題留奉

卷一
旨照伊所請准留在部辦事雍正元年正月初四日奉
旨戶部筆帖式白鍾山人明白同范岱前去協理河工
事務遇有河道同知缺出即行補用欽此雍正元年

三月十五日前河臣齊蘓勒

題補江南淮安府山清裡河同知雍正四年十二月
內前河臣齊蘓勒

題補江南淮揚道雍正五年正月二十九日吏部書
領引

見奉

旨白鍾山補授淮揚道欽此雍正九年二月二十六日

奉

上諭江蘇布政使員缺著淮揚道白鍾山補授欽此

雍正十二年七月初一日奉

上諭江蘇布政使白鍾山授為南河副總河專司河務
欽此雍正十二年十月二十一日准吏部咨開一件

為飭查交代事江寧縣前令黃光夏虧空案內催
追雍正三年以後役侵民欠米豆限滿未完應將
督催之布政使白鍾山照例罰俸三個月查白鍾
山已陞江南副總河應照例于現任內罰俸三個
月雍正十二年十一月初四日准戶部咨為奏銷

康熙五十七八九六十六一雍正元二三四五六七八九等年等事揚州松江太倉江寧鎮江通州常州等府州雍正十年歷徵九年分蘆課初叅未完四分以上之蘇州布政使白鍾山照例降俸一級戴罪督催停其陞轉查白鍾山已陞江南副總河應照離任官例于現任內罰俸一年雍正十二年十一月十三日准吏部咨開一件為據揭題叅事署陽湖縣印宜興縣革職知縣李維虧空案內應追各役名下未完銀兩一案收滿未據追完應將布政使白鍾山已陞江南副總河照例于現

任內罰俸三個月又一件為縣令虧空等事吳縣革職知縣冉琪虧空未完銀米一案限滿未據通完應將布政使白鍾山已陞江南副總河照例於現任內罰俸六個月查有紀錄二次應銷去紀錄一次免其罰俸雍正十二年十月十三日准吏部咨開一件為遵

旨具奏事原任四川夔州府知府胡期恒名下應追隱匿夔關稅銀一案一年限滿應將督催不力之布政使白鍾山照例罰俸三個月查白鍾山已陞江南副總河應照例于現任內罰俸三個月雍正十

二年十二月初四日准吏部咨開正十二年十一月十七日奉

旨白鍾山着給與僉都御史銜欽此雍正十二年十二月二十二日准吏部咨開一件為詳報署縣等事武進縣革故正署知縣陳印宜思榮虧空錢糧案內經承楊年相陳允寧等應追銀兩限滿未完應將布政使已授江南副總河白鍾山應照例于現任內罰俸三個月又督催不及一千兩一案未完應照例再罰俸三個月戴罪督催查白鍾山已授江南副總河應于現任內再罰俸三個月雍正十

二年十二月二十四日准吏部咨開一件為據詳題叅事金山縣革職知縣黃鶴鳴虧空未完銀米一案限滿未完應將原叅督催之布政使白鍾山照例罰俸六個月查白鍾山已陞江南副總河應照例于現任內罰俸六個月有紀錄一次應銷去紀錄一次免其罰俸雍正十三年正月初三日准吏部咨雍正十二年十二月十六日奉

旨河東河道總督員缺着白鍾山補授欽此雍正十三年正月初八日准吏部咨開一件為敬籌查追等事金壇縣前任革職知縣孔尚鑑虧空錢糧限滿

未完應將督催之布政使白鍾山已陞江南副總
河照例於現任內罰俸九個月雍正十三年二月
二十四日准吏部咨雍正十三年二月初六日奉
旨白鍾山着加與副都御史銜欽此欽遵在案伏念臣
一介庸材生逢

聖世仰蒙

皇上天恩自雍正元年由筆帖式奉

旨命往河工以河道同知補用十年之間歷任司道副

總河至河道總督無一非出自

特恩擢用亦無一非仰邀

不次超遷且未一歲而再膺重職甫半載而兩奉

加銜陟方岳之崇班荷宣防之重寄

隆恩異數世所希逢在臣之受

恩為至深臣之圖報為至難雖竭駑駘畢生之心力亦

不足以仰答

聖恩于萬一豈敢于蒙

恩委任之初輒思循例引退况臣行年五十筋力未衰

正可任奔走之勞更何敢生求閒之念顧豫東兩

省黃河地處上游運河介直隸江南之中所關實

為緊要蒙

皇上厯念運道民生設官分任動帑修防誠欲使黎庶
蒙樂利之休河岳有奠安之慶責任綦重必倍加
敬慎詳察全河形勢斟酌修守機宜先事綢繆因
勢利導庶幾緩急合宜永保安瀾以仰副治益求
治安愈求安之

聖意臣才本庸愚識尤淺陋任事以來夙夜惴惴雖犬
馬惟知戀

主而效力實難負山茲當京察
大典何敢戀職自容伏乞

皇上即賜罷斥另簡賢能則菲才不致苟安而河防得
有攸賴矣臣不勝惶悚待

命之至為此具本謹具奏

聞

請修築運河堤工

奏為奏明修築運河堤岸緣由仰祈

睿鑒事竊臣自豫省料理黃河兩岸工程回濟因東省
運河大挑已竣南來重運糧船卸尾北上水勢工
程必得親身查看催僨而德州哨馬營大工據報
完竣亦應會勘核

題臣隨於二月二十八日自濟起程沿河查勘查運
河廳屬魚臺汛內運河西岸土堤一段兩頭緊接
排榛龍尾埽工從前因此段土堤尚屬完固整齊
未經估做埽工今已數載又經去年伏秋水大風

浪撞擊甚覺卑矮殘缺此處內湖外河攸關緊要
若不早為修築將來湖水長發勢必從此奔注運
河湖河相連兩頭埽工必致冲刷坍卸臣因諭令
廳汛作速估修務與兩頭龍尾埽工一律高寬以
資捍衛據估工長一百五十六丈應築頂寬二丈
底寬五丈高一丈除舊土外需用土三千餘方又
捕河廳屬陽穀汛內阿城閘上運河東岸緯道一
段長二百三十餘丈逼近民居地甚窄狹糧船往
來拉緯不便曾於雍正九年

題修排椿龍尾埽工歷經四載雨淋水浸并蒿穢湯

損車馬蹂躪以致蟄陷坍卸前據該廳詳請重修
臣親至其地細看埽料柴草年久腐爛土往下坐
椿破擠出向外欹斜但起出驗看尚未朽壞仍屬
可用今將舊椿悉行拔起重加簽訂深入土內十
分穩實內用官柳密編籬笆再用細土填築夯硤
堅實一律高厚糧船便於捧挽民居亦可衛護
柳笆堅固較柴草更可經久據估頂寬一丈底寬
二丈五尺高八尺除舊土外估需土三千一百餘
方又上河廳屬聊城汛內運河西岸南龍灣地方
土堤一段逼近東昌府城該處地勢低窪河形又

係兜灣頂冲每遇伏秋水發外則運河水溜衝激
內有坡水浸泡堤根甚為險要臣率道廳相度形
勢必得加築裡月堤一道既可為大堤重門保障
又可使坡水不致直注大堤於運道民生均有裨
益隨令該廳估築據估工長一百餘丈應築頂寬
二丈底寬五丈高一丈需土三千五百餘方以上
運河三工所需土方臣飭令該廳等將本管各汛
長夫抽調赴工星夜挑築工完將各夫所挑之土
即抵作應積土方之數其潑水夯硤需用人夫每
方酌給工價銀二分飭令層土層硤夯築堅實簽
試不漏以收實益此夯硤銀兩臣飭管河道於上
年節存八束料價銀內動支緣係動用官柳額夫
毋庸請撥錢糧是以未經

題估理合據實

奏明除飭乘時上緊儉築完竣將動用官柳積土及
節存銀兩造冊報部外臣隨至德州與山東撫臣
岳濬會勘哨馬營工程完畢於三月十一日自德
起程回濟所有臣查勘運河修築堤岸緣由并赴
德回濟日期謹繕摺具

奏伏乞

呈上聖鑒

請運河千總管轄河兵

題爲請令管河弁員管轄河兵以省添設事諛臣等查得調任河臣朱藻請將山東運河河兵四百名添設千總一員把總三員督率修防經部覆准奉旨俞允欽遵在案臣等伏查河兵有防守湖河修做埽埽工程之事自不可無端汎干把稽查約束第查運河廳汎現有濟寧衛管河千總二員捕河廳汎現有東平所管河千總一員均無管轄兵丁亦無徵屯領運及應管地方公務惟督率軍夫在諛衛所境內運河挑挖淤淺而濟寧衛千總二員止輪

年經管河道二十五里東平所千總一員止管河道一十二里衛務既不管理河道又屬無多雖一年內有兩三月撈濬一二十里河道之事實多閒曠之時前項河兵與其又行添設千把管轄多費俸餉似不若即以運河廳汛河兵二百一十名歸併濟寧衛管河千總每員各管一百五名捕河廳汛河兵九十名歸併東平所管河千總管轄該二廳所屬河道工程一切修守事宜俱令各該千總董率辦理仍各管本衛所河道該千總等均歸山東管河道管轄以本汛原有之河弁管轄本汛之

河兵事屬至便以汛少事簡之弁員歸併管束河兵之營務亦屬甚易至應設泇河汛把總一員奉部令于豫東河營弁兵內揀選拔補今查有東昌衛收併平山衛千總一員係專管河道並無徵屯領運等項衛務所管河道僅長二里軍夫七名半亦無埽壩工程實屬冗員應請裁汰其該千總所管河道軍夫歸於該衛守脩就近兼管此所裁東昌衛現任千總宋尚志請即改為泇河汛千總管束河兵毋庸另行拔補并可免該弁赴部另補至千總所需俸餉即以所裁東昌衛千總俸餉移給

至運捕泲三汛千總四員統歸山東管河道管轄
其千總俸餉每年造報奏銷仍照舊歸山東巡撫
衙門會

題如此則河兵既有需管之員而三汛千把又可不
必添設俸餉銀兩均可不必動撥增給似于營制
經費均有實益再查山東管河千總除濟寧衛東
平所東昌衛千總四員外尚有德州衛千總二員
分管南北兩岸河道各長八十九里且零星間斷
與州縣河道夾雜所管河道既遠汛務又繁必須
需員經理原設千總二員應令照舊管理但查各

衛所千總均係專管河務有督率修防簽椿下埽
等事必得熟悉工程之弁員撝補方為有益仰懇
聖恩嗣後管河千總缺出准予豫東兩省河營內揀選
熟悉工程之員考驗拔補庶于河工得收實用矣
臣等謹會同河東督臣王士俊合詞恭疏具

題伏乞

皇上睿鑒勅部議覆施行

恭報接到

勅書日期

題為恭報微臣接到

勅書日期仰祈

睿鑒事雍正十三年五月十七日據提塘官高朗齊捧
欽頒總督山東河南河道提督軍務臣坐名

勅諭一道到臣臣隨於本日率同文武官員叩迎道左

恭設香案跪聽宣讀望

闕叩頭謝

恩祇受訖伏讀

勅諭開載事宜仰見

皇上奠安河瀆綏輯兵民

睿謀宏遠

聖訓周詳臣惟有悉心殫力欽遵辦理以冀仰副

聖主委任之至意除即刊發騰黃移行文武衙門並所

屬官并一體欽遵外所有微臣接到

勅諭日期理合恭疏

題報伏乞

皇上睿鑒施行

請募夫長夫工食銀兩分案報銷

奏為請定報銷挑河工程之限期清工帑以速案件

事竊照河道一切工程俱應于工竣之日驗工計

帑核實報銷庶工程不致草率錢糧不致浮冒今

查山東運河大挑小挑夫工歷係次年七月內

題銷如雍正十一年冬間大挑至雍正十二年正二

月內已經完竣必待至雍正十三年七月始行銷

算所挑之河久經開放其是否如式有無虛冒無

可查驗設遇河臣新任或經手道廳陞遷更易更

無可詢之人殊難稽核臣因查所以隔年報銷之

故蓋緣大小挑夫工有額設淺鋪等長夫有現募酌補等人夫二項其現募人夫係按日支給工價至於長夫各有本身額設之工食並不另給挑河工價是以必俟長夫一年工食支完始將募夫挑河工價一并彙銷但長夫工食自有收支工食本案

題報何必將現募人夫所挑河道所支工價牽入彙題以致稽遲歲月工帑均難查核臣於本年正月二十六日到任時雍正十二年小挑尚未完工臣督挑一竣即飭山東管河道驗看工程清釐工價茲

據該道開報募夫一千四百五十二名共給工價銀二千九百五十二兩六錢又給過各夫器具銀二千八百七十二兩一錢逐一清釐今歲尚有堪用器具值銀九百四十二兩等情前來臣隨飭令作速造具清冊報銷并令將查出堪用器具交與各廳加謹收存以為下年挑河之用即于下年應發器具銀內照數扣除以後每年照此清查留用以省糜費在案臣查大小挑工完之日即行驗勘核查易於清理即如此項器具堪用竟有三分之一小挑尚且如此大挑更屬可知若不早為稽查

上久夫散必致遺棄無存甚或私行藏匿次年重費錢糧臣請嗣後東省運河大小挑除額設長夫仍於收支工食本案報銷外其現募人夫所挑河道工價務即勘校確實于工完三個月內造冊題銷則工帑得以隨時清楚而案件亦不致懸擱如蒙

上上恩允所有雍正十二年小挑工程臣即催該道造冊到日校

題合併陳明臣謹繕摺恭奏伏乞

上上睿鑒施行

請豫省河營按月堆積土牛

題為請分弁目協防之汛地以端責成定兵夫積土之成規以收實效事竊照河營弁目責在修防沿堤兵夫端供力作必一員有一員之專責一人有一人之實用方於河防有裨臣等荷蒙

聖恩任以豫東河務到任以來留心稽察弁目協防與兵夫積土尚有應定章程之處敬為我

皇上陳之一協防目兵宜加懲勸以專責成也豫省黃河南岸原設千總二員把總二員北岸原設千總二員把總二員東省黃河同知所屬原設千總一

員把總一員嗣因千把所管河堤有一百餘里至一百五十一百九十餘里不等不無鞭長莫及之慮設遇水長工繁之時未免顧此失彼是以歷任河臣俱照標營外委千把之例于本汛千把外添委効用目兵協防在案但協防効用目兵未分汛地亦無應得處分仍不免置身局外怠惰苟安是有協防之名而無協防之實竊思本汛千把經管河道堤工既係綿長若不添委協防則巡查修守勢難兼顧若止令協防而不定以責守則因循推諉亦屬無益臣等請將河營現有協防之効用目

兵亦照標營外委千把報部之例派定堤河汛地責令巡防修守將協防千把姓名併分防汛地報部如分防汛地內有疎忽之處即將協防千把指名叅處如果巡防勤慎著有勞績即拔補經制千把庶勸懲立而責任端巡防密而工程固矣一兵夫積土宜定章程以收實效也臣等查豫東兩省黃河全賴長堤以為保障而修防堤工首在運土往往一時需用不惜重價購買設遇雨水盛行之際或地勢低窪之處即多用帑金亦無土可取甚費周章從前堤上建設堡房令堡夫常川居住挑

積土牛以備不時之需立法甚善但不限應積之方數則堡夫未免多寡不均不定償積之處分則廳汛亦不免催償不力臣等查南河兵夫積土經江南總河大學士臣嵇曾筠

題定堡夫除寒暑兩月免積外其餘每月每堡夫二名積土十五方每名按月如數挑積將挑積之土每月造報彙算交代若不能如數挑積嵇汛文員罰俸一年該管廳員罰俸半年倘或挑積不及一半即將嵇汛文員降職一級暫留原任戴罪償挑該管廳員罰俸一年河兵除挑伏秋三汛在埽壩

力作外其霜降後計算兩月日期亦照堡夫例每二名積土十五方入備弁交代項下若有缺少照文員分別查叅議處等因遵照在案臣等請將豫東河兵堡夫應積土方自雍正十三年八月為始亦照南河之例將從前積過土牛作為舊管以後按月責令如數挑積如挑不足數將該管廳營汛官查明分別叅處若廳營汛遇有陞遷離任造冊交代如有短少叅處賠補如此則該管文武員弁知有處分自必竭力償催而兵夫知有應積定數亦不敢以舊作新牽扯朦混設有需用可不致跑

筐買土多費帑金如積久土多凡堤工卑薄之處
止須量給潑水行礮之費即可增培高厚不必用
銀買土在兵夫不過平日舉手之勞而河堤已收
有脩無患之實工程錢糧均有裨益以上二條臣
等來往河干細察熟籌謹就愚昧之見據實

題請仰懇

皇上睿鑒勅部議覆施行

請將各廳存厰料物變價貯庫

奏為查明東省年遠厰料據實奏

開仰祈

睿鑒事竊照東省運河各汛存厰料物器具等項每年
俱於歲報案內同做過工程用過錢糧一併造冊
報部臣因收貯年久不用恐致毀廢可惜隨飭管
河道逐一查驗是否堪用據實造報去後今據管
河道王鴻勳覆稱查得運河廳屬濟寧上河廳屬
堂邑臨清等處舊存鉄錠扣椿木松木鉄錘鉄鉗
鉄鑊刮板三齒鉄鉗俱各實貯並無虧缺短少但

查驗木料短小且俱重蛀折裂鑊器銹敝均不堪
應用又查加河廳屬縣縣捕河廳屬東平州
東平所上河廳屬城堂邑博平清平下河廳屬
夏津武城恩縣德州德州衛等處舊存草霖木料
雲梯木間閘板間耳竿木鈎竿指竿槍挑托板橋
木由子木鉄鈎鑊鑊鑊鑊及小船等項俱毀失無存
因歷年久遠從不取用其自何年何案工程內置
辦存貯以及何年何員任內毀失官役屢更實無
從追問請着落現任之員賠補等情臣查前項存

貯料物器具俱係報部現存之項事關帑料豈容
虧少遺失查定例倉庫錢糧惟交代出結之員是
問今滕沛等汛毀失料物器具現任廳印汛於交
代時並不留心清查即接受交代自應照例着落
按數置備賠補惟查前項料物器具並非常用之
物如仍存而不用恐日久復致毀失殊為可惜應
令按件照時估價追銀貯庫以充工用如各官遲
延不完嚴行叅追其濟寧等汛現存各項已俱銹
敝朽腐俱不堪用如再收存愈加損壞應將鑊器
於修閘時銷毀鉄鈎應用木料速行照時變價庶

不致有名無實所有東省年遠廠料毀失緣由臣既經查出不敢容隱謹據實奏

聞至此案歷年朦混造冊及率轉各官均應查明

題叅但相沿年久其確係何年何任毀失捏造無可究結且事在雍正十三年九月初三日

恩赦以前可否免其查叅伏乞

皇上諭示遵行

恭報劉家庄天開引河

題為

聖誠昭格

天賜引河恭疏

題報仰祈

睿鑒事諛臣等會看得黃河曲折兜灣之處即成阻滯頂冲之險工惟在逢灣取直開挑引河則河流暢順而工程穩固然非河頭有吸川之形河尾有建瓴之勢雖費千萬帑金募千萬夫役積時累月亦難成功從末有不煩疏鑿而天然自成引河者查

山東單縣汛內諸望大壩挺立河心對岸大灘南
北廣濶五百四十餘丈東西順長五百八十餘丈
大河圍繞東西不能直達形勢如環壩工遂成頂
冲向來最稱險要每歲多動帑金倍用料物加謹
修防始保平穩今年六七月內汛水盛長忽開引
河一道自灘南西劉家庄前經惠崗寺魏家庄至
東劉家庄前計長五百八十餘丈初流尚淺深不
一迨至八月初旬水勢奔流自西至東條貫直注
河頭寬一百餘丈深八九尺至一丈一二尺不等
河身面寬五六十丈不等深一丈二三四尺不等

河尾面寬五十餘丈深一丈七八尺不等大溜全
歸新河自成吸川建瓴之勢舊河口門淤墊僅寬
四五丈深尺許及數寸不等已無兜灣頂冲之患
似此至險至要之工不勞一夫之力不費旦夕之
功天然自開引河五百八十餘丈水勢順軌壩工
鞏固文武官弁兵夫百姓莫不踴躍歡騰稱為
上瑞此實由我

皇上屢念河防

敬誠昭格是以

天賜引河特彰瑞應自此化險為平安濶永慶臣等職司

河務欣覲

嘉祥歡忭之餘彌深敬謹茲據山東管河道王鴻勳
詳報前來相應會同河東督臣王士俊山東撫臣
岳濬合詞具

題并繪圖註說恭呈

御覽伏乞

皇上睿鑒施行

請勅公項分給長夫不敷工食並裁革溜夫

奏為欽奉

上諭事竊臣准工部咨開欽奉

上諭山東省挑挖運河每年有派幫民夫工食銀五萬
三千四百餘兩於乾隆元年為始一概革除其挑挖
運河等項工程需用銀兩着該督撫核實奏明於公
項內酌量動用報部核銷等因移咨到臣欽此欽遵
臣隨行山東管河道遵照革除嚴飭各州縣不得
私行徵派并大張告示遍行曉諭臣往來河干日
觀濱河百姓感沐浩蕩

皇仁歡呼載道呈懇代

題叩謝

天恩情詞激切實出至誠除會同山東撫臣岳濂恭疏具

題外臣欽遵

恩旨將挑挖運河等項工程需用銀兩逐細確核查東省革除派帮民夫工食銀兩不必照數動項撥用內有必需動用者三款一小挑之年添募人夫并給買器具約共銀三千餘兩大挑之年添募人夫并給買器具約共銀一萬七千餘兩此係挑河濟

運必需之項應遵

諭旨於山東司庫存公銀內動用一找給淺溜兵閘等長夫工食銀一萬四千一百餘兩此項係因額設工食不敷經前調任河臣嵇曾筠

題明於帮貼項下找給今應同長夫額設工食在於州縣地丁銀內一併支給但查長夫內有運河廳屬溜夫二百七十七名原為重運糧船過閘提溜而設查各閘俱有閘夫糧船各有水手皆可提溜此實係虛設之役雍正七年經調任河臣嵇曾筠查出將此項工食銀兩提貯河庫冬間酌發一半

挑挖濟寧塘河餘存一半修築蜀山昭陽等湖堤并幫築運河堤岸動用今挑河等項需用銀兩欽奉

恩旨准動公項所有此項溜夫額設工食連閭銀二千九百八十五兩零應請裁減以為找給各夫不敷工食之用其幫貼銀六百八兩零毋庸另行動項找給是長夫工食內除去此項每年止需添給不敷工食銀一萬五百餘兩應照此數于地丁銀內動給一運河搶修工程每年約用銀二三千兩不等此係伏秋水長之時搶護堤岸緯道必需之項

應與歲修一例動用司庫地丁銀兩以上三款均係必需之項應請嗣後于正項公項內分別動用仍分案核實

題銷造冊報部查核再查前項派幫民夫工食銀內除大小挑并找給長夫工食及搶修等三款動用外尚有餘剩係作節省提解河庫留為緊要工程之需今分派幫銀兩荷蒙

聖恩革除嗣後河庫無提解節省之項遇緊要工程隨時勘估

題請動項興修所有奉革幫貼銀內必需動用銀兩

豫東卷一
并應勦款項臣謹遵

旨酌核理合恭摺具

奏臣愚昧之見是否有當伏乞

皇上訓示遵行再查江南豐蕭碭三縣每年共派幫貼銀二千兩係在東省運河幫貼銀五萬三千四百餘兩數內今已遵

旨革除此外有銅山縣協濟大挑夫四十名沛縣協濟大挑夫四十名並非派幫銀錢應請照舊力役如印河各官藉端私派幫貼查出即行

題叅又查東省曹州今改荷澤縣并曹縣城武金鄉

單縣定陶等六縣共幫貼黃河徭夫工食銀七千二百一十七兩零向係印河各官陋規及胥役甲長侵蝕分肥於雍正五年經前調任河臣嵇曾筠查出

題明除撥舖堡壩夫工食外餘剩幫貼銀六千八百四十五兩零留為東省黃河各工搶修之用此項不在運河幫貼數內而與運河幫貼事同一例應否革除

隆恩出自

聖裁臣未敢擅便合併

奏明伏乞

皇上睿鑒施行



覆部駁楊椿

題為據實查明擬定成規事該臣等會看得豫東二
省黃河工程需用楊椿一項經調任河臣朱藻將
購買道路遠近分別定價造冊具

題奉部以某廳某汛的係于某州縣購買楊椿道路
若干詳細分晰仍據實核減另冊妥議具題到日
再議等因遵即轉行去後嗣因限滿未據分晰造
冊詳報經臣等將承查遲延職名咨叅聽部議處
在案今據河南管河道安鳳彩河北守道馬騏雲
會詳稱楊椿一項民間不過田園隙地所植非若

江廣等處杉木深山茂林蓄植繁多且豫省各工節年採伐現在堪用之樁更為稀少不能端在一處聚集採辦致不敷用查上北上下南二廳向係在洛陽濟源等縣採辦洛陽與濟源相對其所產楊椿運至上北河廳屬原武汛一百五十里陽武汛二百里封邱汛二百五十里運至上南河廳所屬滎澤汛一百五十里鄭州汛二百里陽武汛南岸堤工夾在中牟工段之內即以中牟縣而定計程二百五十里又下北下南二廳向係在鞏縣孟縣孟津等縣採辦鞏縣孟津與孟縣斜對在洛陽縣

之下其所產楊椿運至下北下南二廳屬祥符汛二百五十里陳留汛三百里白陳留至蘭陽河道無多亦計三百里儀封汛三百五十里又沁河黃河歸河三廳向係在溫縣偃師等縣採辦偃師與溫縣兩相對過又在鞏孟之下其所產楊椿運至沁河黃河二廳屬武陟汛五十里運至黃河廳屬滎澤汛北岸一百里運至歸河廳屬考城汛三百里商邱汛三百五十里虞城汛四百里河流曲折後連維艱所定里數有多無少俱遵照成規按里定價庶辦運適中道里無過遠之虞且分有定屬

椿價亦無牽泥之弊至購辦椿木運脚原統入買價之內並無絲毫浮冒萬難再減今將價值運脚分晰造冊詳送伏候

題覆等情又據山東管河道王鴻勳詳稱東省堤岸黃河廳屬曹單二汛需用楊椿向係在曹單曹州城武定陶金鄉等州縣採辦曹縣距曹汛各工五六十里距單汛各工一百一二十里至一百三四十里不等曹州距曹汛各工一百六七十里至二百三四十里不等距單汛各工二百二三十里至二百八九十三百里不等定陶縣距曹汛各工一

百二三十里至一百六七十里不等距單汛各工二百二三十里至二百八九十里不等單縣距曹汛各工一百一二十里至一百三四十里不等距單汛各工五六十里城武縣距曹汛各工一百一二十里至一百三四十里不等距單汛各工一百六七十里至二百三四十里不等金鄉縣距曹汛各工二百一二十里至二百八九十里不等距單汛各工一百六七十里至二百三四十里不等若各州縣城北各鄉辦運則又倍遠夫黃河水性上下遷徙無定而採用楊椿東西參差不一擬將曹

單等六州縣距工道路裏多益寡折中計定以為永久成例如曹汎各工所用楊椿於曹縣地方採辦者以五十里為則曹州採辦者以二百里為則定陶縣採辦者以一百五十里為則單縣城武二處採辦者均以一百里為則金鄉縣採辦者以二百五十里為則如單汎各工所用楊椿于單縣本汎採辦者以五十里為則金鄉城武二縣採辦者均以二百里為則曹縣採辦者以一百里為則定陶縣採辦者以二百五十里為則曹州採辦者以二百五十里為則即以所定折中之道里核計脚

價永為成規嗣後報銷之時的係何處購買及相距黃河工程若干里數逐一註明冊內稽核至購辦楊椿運脚原統入買價之內俱係據實開報並無浮冒難以核減今將運買價脚分晰造冊詳送各等情前來臣等覆核無異除將原冊送部外相應會同河東督臣王士俊河東總督兼管河南巡撫印務臣王士俊山東撫臣岳濬合詞恭疏

題覆伏乞

皇上睿鑒勅部議覆施行

恭報秋汛安瀾

題為恭報秋汛水勢情形事據署河南懷慶府黃河
同知事沁河通判張允杰呈稱所屬武陟滎澤二
縣境內黃河北岸水勢自六月二十日立秋起至
九月初九日霜降止陸續共長水二丈九尺二寸
共消水二丈一尺三寸除長落相抵外淨長水七
尺九寸一切埽壩工程竭力修守俱各保固平穩
又據署開封府上北河同知事懷慶府糧捕通判
夏錫貴呈稱所屬原武武封邱三縣境內黃河
北岸水勢自六月二十日立秋起至九月初九日

霜降止陸續共長水二丈九尺七寸共消水二丈一尺五寸除長落相抵外淨長水八尺二寸一切堤埽工程加謹修防俱皆保護平穩又據署開封府下北河同知事兗州府管泉通判吳廷清呈稱所屬祥符陳留蘭陽儀封四縣境內黃河北岸水勢自六月二十日立秋起至九月初九日霜降止陸續共長水三丈二寸共消水二丈一尺六寸除長落相抵外淨長水八尺六寸一切堤埽工程加謹修防俱各保護平穩又據護理開封府上南河同知印務中牟縣知縣魏士健呈稱所屬滎澤鄭

州陽武中牟四州縣境內黃河南岸水勢自六月二十日立秋起至九月初九日霜降止陸續共長水二丈九尺七寸共消水二丈一尺五寸除長落相抵外淨長水八尺二寸一切堤埽工程加謹修防俱皆保護平穩又據署開封府下南河同知事効力州同張廣居呈稱所屬祥符陳留蘭陽儀封四縣境內黃河南岸水勢自六月二十日立秋起至九月初九日霜降止陸續共長水三丈二寸共消水二丈一尺六寸除長落相抵外淨長水八尺六寸一切堤埽工程加謹修防俱各保護平穩又

據署理歸德府管河通判印務祥符縣南岸土簿
趙允昌呈稱所屬商邱考城虞城三縣境內黃河
南岸水勢自六月二十日立秋起至九月初九日
霜降止陸續共長水三丈八寸共消水二丈一尺
八寸除長落相抵外淨長水九尺一切堤埽工程
加謹修防俱各保護平穩又據署懷慶府沁河通
判印務開封府蘭陽縣縣丞今陞廣西荔浦縣知
縣王璋呈稱沁河水勢自六月二十日立秋起至
九月初九日霜降止陸續共長水三丈三寸共消
水二丈三尺五寸除長落相抵外淨長水六尺八

寸一切堤埽工程俱各修平穩又據署山東曹
州府黃河同知事勛力廕生胡在禮呈稱所屬曹
單二縣境內黃河北岸水勢自六月二十日立秋
起至九月初九日霜降止陸續共長水三丈八寸
共消水二丈一尺八寸除長落相抵外淨長水九
尺一切堤埽工程俱各竭力修防相機搶護得保
平穩各等情到臣據此該臣等會看得今年入秋
以來黃沁兩河水勢疊次增長臣等住宿堤岸上
下往來督率道廳印汛等官凡遇迎溜頂冲汕刷
蟄陷處所相機搶護敬謹修防各工俱獲平穩且

于東省單縣汎諸望大壩堯灣險要地方天然自開引河一道全河暢達化險為平益彰

聖朝懷柔之德念徵

天神順應之庥今據豫東二省各廳呈報秋汎水勢自六月二十日立秋起至九月初九日霜降止黃河自武陟以至虞城單縣陸續淨長水七尺九寸至九尺不等沁河陸續淨長水六尺八寸各處埽壩工程俱各修築穩固至山東運河水勢通暢足用回空糧艘逆行無滯業於八月二十六日全數催出山東境南下訖所有秋汎已過黃運工程平穩情

形臣等謹會同河東督臣王士俊河東總督兼管河南巡撫卬務臣工士俊山東撫臣岳濬合詞恭疏

題報伏乞

皇上睿鑒施行

龍東宣陽金卷一

七

豫東宣防錄目錄卷二

乾隆元年

奏覆淮揚運河毋庸挑濬

奏請揀發人員

恭謝蠲免東省幫貼銀兩

請添上游料物

奏請移封曾祖父母

奏請豫省南北兩道各件分辨

請脩臺莊等九閘

題覆磚板閘稅歸併臨清大關

奏請

陞見

請將豫省船兵歸汛脩防并添協辦守備

請留城守營新馬兵

恭報自京回署接印日期

奏請次子白永淳隨任

豫東河防末議三條

請動河標息銀積貯穀石

估計阿城等四閘

恭報秋汛安瀾

豫東宣防錄卷二

總督河南山東河道提督軍務都察院右副都御史臣白鍾山

奏覆淮揚運河毋庸挑濬

奏為遵

上據實陳奏事竊照御史常祿奏請挑濬淮揚運河一案經王大臣議覆交與河臣會同督撫漕臣悉心詳酌妥議具奏並請

勅交九卿並通曉河務諸臣及淮揚現任京職如各有所見令據實陳奏以備

皇上採擇等因奉

古是欽此欽遵臣准工部咨文悉心詳酌查淮揚一帶
河高地窪地勢本然相懸如可大加挑濬使河身
深於平地則河道既極深通而挑河之上即以增
培堤岸又極高厚堅固誠於運道民生有益第查
淮郡清口乃清黃交會之區全賴以清敵黃俾黃
水順流東下以達於海不致奪河入淮為運道民
生之患然黃水每慮其強淮水恒恐其弱是以洪
澤湖水向以七分出清口敵黃以三分歸運河濟
運前河臣齊蘇勒尚慮淮水不能暢出敵黃復於
清口東西建束水大壩二座收束淮水以助其勢

至今黃水並不倒灌入淮運道亦無淤阻此清強
於黃之成效也從前靳輔為河臣時正河防大壞
黃水內灌運河淤塞漕艘阻梗必須開挑是以緩
漕移闕大興工作後張鵬翮任總河時運道尚未
一律深通是以擇淺間段挑濬今河道已深漕運
無阻惟因淮安高寶地處窪下將運河大加挑濬
如不深於平地則仍不免河高而地窪如深於平
地則河身太低淮水建瓴直瀉歸運必多其出清
口者必少力不足以敵黃勢必致黃水倒灌入湖
歸運不但所挑之運河不久仍即淤墊糜費數十

萬帑金而黃水倒灌向來出口敵黃會流歸海之
七分淮水既不能涓滴出口又加以黃河萬里奔
騰之水勢與淮水合併南趨汎濫四出恐淮安高
寶一帶受害不可勝言此王大臣所議疏濬之後
河身既低黃水保無沖入等語誠為深思遠慮之
計不可不慎也臣思黃水倒灌入運之患大而難
治運河河高地窪之險小而易防設遇運河水漲
則淮安以北有文華寺閘開放歸文華寺河達白
馬諸湖又有永利閘開放歸漁濱河淮安以南有
興文閘平河橋涇河閘黃舖閘孫家閘開放俱歸

射陽湖寶應以南有朱馬閘狼兒閘永安閘子嬰
壩閘界首閘六漫閘頭閘二閘高郵以南有琵琶
閘南關大壩五里中壩車邏壩火燒閘抬關滾壩
頭二閘金灣三閘金灣壩俱可開放歸入射陽湖
正等湖達運鹽串場車路等河又南有芒稻河閘
亦可洩水入江是清口至瓜洲閘壩不下數十處
節節可以開放宣洩俱有容納歸宿之所即遇運
河水漲不患宣洩無地是以雍正五年有人條奏
請濬運河經前河臣齊蘇勒遵奉

諭旨會同督撫臣

奏請停止在案迨雍正八年運河水勢異漲開放閘
壩水即消落淮安高寶城郭居民依然無恙此臣
在淮楊道任內所身經而目擊者臣竊以為淮安
高寶地本低窪其患不在淮而在黃不在黃強於
淮而在弱淮引黃使之倒灌入淮至於不可阻遏
也第文華白馬漁濱等湖河為淮水歸宿之地運
鹽串場車路等河為宣洩淮水之尾閭均關緊要
今運鹽串場等河仰蒙

皇上厘念地方民生

睿慮周詳特頒

恩旨令每歲募夫挑挖將來尾閭永遠深通宣洩自必
迅利其餘湖河并各閘壩歸入湖河經由之處亦
必一律寬濶深通庶運河之水由閘壩開放順軌
安流直達湖河不致旁溢民田始為萬全臣離南
河已久其湖河現今有無淤淺及經由各故道有
無應行挑濬之處臣未能深悉已將臣之愚見密
商江南河臣高斌公同悉心詳酌定議具

題請

旨遵行緣係奉

旨事理謹將微臣愚昧之見據實具

奏伏乞

皇上睿裁訓示

奏請揀發人員

奏為懇

恩飭發人員以備委用以重河防事竊照豫東黃運兩河工多汎遠修防在在需人而黃河兩岸計共長千有餘里呼吸變遷平險無定廳汎各員尤關緊要必學習之人多而後可擇銜缺相當者以委用之必銜缺相當之人而後可擇諳練工程者以委用之庶有裨於河防而亦無越次遷就之事臣查豫東河工自雍正八年奉

旨將候補通判錢泰等十一員

命往河工委用學習今經數載除丁憂事故回籍外或已

題補或已委署俱久經用完而在外投工効力人員又多係州同縣丞雜職等項遇有黃河同知通判緊要員缺竟無銜缺相當堪以勝任之員委署甚費躊躇不得已於現任廳汛官及効力州同州判內擇其熟諳工程勤慎辦事者酌量委調倘將來再有缺出現在効力既無同知通判職銜人員而州同州判內在工年久諳練之人又已無多員缺幾乏人署理竊思河工務在得人而人才貴於習

練臣謹仰懇

皇上恩賜

勅下吏部於候補候選同知通判知州知縣內揀發十員令其來工學習俟明悉河務遇有同知通判員缺照例

題明委署則河工得人臣亦獲收臂指之助矣臣更有請者河營脩升埽司埽壩工程必得通曉水勢熟諳修防之人庶下埽簽椿緩急合宜工程既得鞏固料物亦不致虛糜臣初奉河東總河之

命南河大學士臣嵇曾筠等念及河東募補河兵多係土

著民人究未能如江南河兵嫻習埽壩因咨送南
工目兵四名來東經臣咨明兵部工部覆准留工
差委在案今歲伏秋兩汛黃河各工深得其力但
係目兵止可拔補把總其有守條千總缺出仍乏
人補用查南河營弁甚多懇乞

聖恩准令江南河臣將熟諳椿埽之河營現任經制千
把選撥四員赴東既可資其力作兼可令其教習
兵丁如果實心實力修防教習遇有守條千把缺
出容臣

題咨委用臣因河防起見恭摺

奏請是否可行伏乞

皇上聖鑒

恭謝蠲免東省帑貼銀兩

題為

聖主

恩施浩蕩萬民感戴難名懇請

題達叩謝

天恩事欽惟我

皇上

大德膺圖

至仁育物

高明博厚量本合乎乾坤

教養生成治更隆于義吳當重熙累洽之後士食
德農服先疇會光華復旦之期歲慶豐年人登壽域乃猶

勤求民隱輿情每樂於

上聞

詔誡臣工膏澤必期于下究

蠲租賜復如甘雨之應必及時

戒賦輕徭若和風之施不擇地維茲東省河道一千二百餘里向有民間幫銀五萬三千有奇蓋緣漕運攸關亦因民生重繫合數郡以蓄水洩水河濱鮮

旱澇之虞間一歲而大挑小挑漕粟幸轉輸之遠其初本民修民築計田畝以出夫其後遂官催官徵入庸錢而貼役相沿既久吏已安於催科輸納爭先民亦忘其竭廩原夫庶民尚子來之義况自衛其田疇古制有力役之征矧未歸之府庫仰蒙主愛養黎元惟

憲官吏藉端苛徵必至小民倍多苦累

特頒

恩命與直隸等省幫貼夫錢一概革除

准予帑金必挑浚諸河夫役工價悉令動給贍

天望日難名

帝德之高深擊壤歌衢莫罄民情之感頌歡聲雷動和氣雲興臣來往河干宣揚

聖德目覩茅簷部屋喜溢千村親聞白叟黃童嵩呼

萬歲太平有象羣鼓舞於熙熙皞皞之天悠久無疆共

歌咏于蕩蕩平平之世茲據山東管河道會同山

東布政司詳據濟兗等屬士民戴萬年等感戴情

切籲請代

題叩謝

犬恩前來臣謹會同山東撫臣岳濬恭疏具

題伏乞

皇上睿鑒施行

請添上游料物

奏為欽奉

上諭事竊臣於乾隆元年五月二十六日接到大學士

鄂爾泰張廷玉字開乾隆元年五月十九日奉

上諭聞河工向設搶修之項例於本年八月估計咨部
次年四月題銷每估報丈尺以後即或汎水長發亦
不准再咨以致承脩各員懼有賠累徃徃不肯預備
殊非慎重河防之意可密寄信于南北總河令其悉
心酌量飭令屬員廣貯物料以備不虞如本年有餘
即留為下年之用仍嚴行查察毋得聽其浮冒虛糜

國帑如此則有備無患似于河防有益總在伊等實心辦理欽此寄信到臣臣跪讀之下仰見

皇上睿謨廣運

聖慮周詳一日萬幾猶

念切河工

頒旨訓示臣身任修防敢不實心實力籌酌辦理以期工程穩固帑不虛糜上副

聖衷臣查豫東兩省河工今歲需用料物臣于上年七八月間林楷登場之際預令各道查照歷年需用之數酌量購辦運貯又將豫省額設南北兩岸應

存上游料物勒令照額買補足數今歲三汛之用但五月間據陝西寧夏府報到兩次共長水七尺五寸查近今數年寧夏報水不過三四尺今歲水勢較大不可不為預防臣欽遵

諭旨悉心酌量按各廳工程之多寡飭行各道發帑添辦料物存貯緊要處所以期有備無患一交七月新料又可登場採辦更易可以無慮此添辦料物如無需用之處即遵

旨留為下年之用臣仍不時嚴行查察斷不敢聽任屬員因有多餘料物將不應修做之工捏險混冒虛

欽定四庫全書
河東宣防錄卷二
糜帑金至南北兩岸工程臣已飭令道廳營汛員
弁及兵夫人等不論平陂險易處處防守無分風
雨晝夜刻刻巡查復派委効力多員分段巡防臣
親駐河干上下往來查勘調度督率修防仰賴
皇上聖德昭孚河流順軌現在各工俱屬平穩誠恐上
厪

聖心謹將工程平穩料物充足緣由恭摺

奏覆再臣更有請者豫省向有上游料物一項係于
酌辦歲搶料物之外脩貯上游如遇新生緊要之
工即行撥運順流而下可濟急用于工程最為有

益查東省黃河綿亘二百四十餘里工長汛險從
前並無脩貯上游之料遇有緊要工程臨時購辦
未免周章即豫省黃河南北兩岸計長一千餘里
近又有孟縣小金堤民修工程荷蒙

聖恩歸汛修防所脩上游料物止原撥銀一萬兩亦似
覺尚少臣請東省照豫省之例撥存公銀一千兩
豫省再撥銀二千兩辦料脩貯上游如撥運動用
仍于各工本案核實報銷買補歸款如無動用之
處即留于下年先儘動用易換新料脩貯以免久
貯折耗霉爛歲歲如此用舊存新則帑金仍不致

糜費而料物又可無缺乏之虞實屬有備無患
愚昧之見是否可行伏乞

皇上訓示遵行

請移封曾祖父母

奏為叩陳下情仰祈

恩鑒事欽惟我

皇上乘乾御極布德推恩凡內外滿漢大小臣工俱蒙
恩賜封贈此誠

聖主錫類之深仁

教忠之曠典也臣一介庸愚荷蒙

世宗憲皇帝逾格生成歷次超擢仰沐

高厚之恩愧乏涓埃之報犬馬微忱耿耿夙夜茲恭遇

皇上仁恩周浹臣又得遂榮親之願揣分捫心惟有愈

深感激倍切悚惶更何敢以烏鳥下情上陳

天聽但念臣幼失父母祖父又已早世臣孤弱無依惟賴臣八旬以外之曾祖父文炳撫養婚娶送入宮學讀書朝夕督課望臣成立豈臣考授筆帖式而臣曾祖父已不及見矣臣曾祖父養育臣於孤苦零仃之日而不及見臣於服官食祿之時此臣所以每受

主恩遷官授職身愈榮而愈抱痛於隱裏也伏查

恩詔內開二品三品封贈二代又查雍正八年十月內

奉 旨 曾祖父

旨總督未加尚書銜者着為正二品侍郎及外省巡撫俱着為從二品欽此欽遵在案臣蒙

聖宗憲皇帝隆恩由布政使授為南河副總河又由副總

河陞補河東河道總督今欽奉

恩詔應請封二代臣已照例開具出身供狀移送本旗並咨明吏部核題在案臣竊幸祖父母父母已得邀沐

恩榮惟臣曾祖父於例不得請封臣身受

封典寸心實難自安伏見我

皇上孝治天下凡請將本身

封典移封祖父父母者無不蒙

恩允准臣仰懇

皇上天恩

勅部將臣本身妻室

封典移封曾祖父母則臣之曾祖父得受

寵章之

寵錫光及重泉而臣獲遂烏烏之私情感深五內矣為

此恭摺具

奏伏乞

皇上睿鑒施行

請豫省南北二道各件分辦

奏為豫省管河道員工程既經分轄錢糧案件亦宜
分管分辦以濟工需以速公務事竊照黃河水勢
浩瀚所恃兩岸堤埝捍禦常汎水漲發安危呼吸
之際全賴夫料應手及時搶護其辦料催夫需用
銀兩刻難緩待如候轉展領發有失機宜貽悞匪
細至于裁於二節估報校銷及河營俸餉一切題
咨事件均有定限倘或遲逾重則分賠輕亦叅處
俱應依限催辦臣查豫省南北兩岸河道工程錢
糧從前俱係管河道經管雍正五年間添設河北

道一員將北岸黃運工程令其分轄維時添設之初章程未定凡工程需用錢糧仍赴管河道衙門支領河北道衙門一切案件亦由管河道彙冊會轉查管河道駐劄南岸省城河北道駐劄北岸武陟縣相去三百餘里中隔黃河非可朝發夕至如遇咨題事件兩道往返會稿已需時日設有文冊一處未協即兩處俱被耽擱是以豫省兩道事件每多遲滯至歲搶料物例應八月內發辦今必俟管河道向藩庫領出然後知會河北守道始赴管河道衙門支領轉發較之南岸各廳不免發辦稍

遲再如伏秋汛內遇有險要工程急需銀兩辦料募夫亦必轉展支領倘緩不及濟所關甚鉅再如河營兵餉堡夫工食並

恩賞兵丁生息銀兩各兵夫赴管河道衙門請領更不免紛紛跋涉曠日悞工況河北道所管北岸工程管河道無從查考其動用錢糧管河道亦無從稽核不過將銀兩收發冊籍彙轉殊無益於工帑徒稽緩夫事機臣請嗣後北岸除河北道所屬應解堡夫工食並生息銀兩俱令就近起解河北道衙門收支外所有歲搶及一切工程需用銀兩并懷

河營官兵俸餉俱令藩司徑發河北道收支不必由管河道轉發其估修報銷各項文冊亦照南河淮揚淮徐二道之例各自造送臣衙門查核

題咨不必由管河道彙轉如此則錢糧既得應手案件各有責成不致遲延推諉實於公務有益是否可行伏乞

皇上聖鑒訓示遵行

請脩臺莊等九閘

奏為謹陳東省運河閘座情形分別緩急次第興脩仰祈

睿鑒事竊照山東運河南自江南邳州交界起北至德州桑園鎮止綿長一千二百餘里水無來源濟寧迤南係開放獨山昭陽微山等湖水接濟尚屬充盈濟寧迤北止有汶河之水一綫濟運全賴石閘四十八座層層闔束收蓄水勢以資浮送糧船查各閘從前原係陸續建置其中有上下河路長短不齊者如上閘河路僅十餘里而下閘河路長至

數十里上閘所放之水流遠勢微必得於中間建草壩以束之又有地勢高低相去甚懸者每一開閘勢若建瓴若任其暢流則一瀉無餘必得于放船數十隻之後下倒板以停蓄之此又在因地隨時酌量調劑而總以閘座為關鍵必閘座堅固完整而又啟閉以時蓄洩得宜庶可以利輓輸而速漕運臣前查勘大挑工程見有閘牆裂陷者其時南來重運漕船已經入境不及興修當即面諭廳印各官多用油灰勾艤務必膠粘堅固并令於漕船經行之時厚用草蓆填粘不使涓滴滲漏一面

飭令管河道逐閘細查如近年已經重脩現係完固者即令閘官小心看守如有灰縫開濶而牆石並未動損者即令廳印各官及時補葺其有傾欹裂陷必須拆脩者確估工料預為籌畫以免遲悞今據查有臺庄丁廟南陽利建邢庄阿城荆門梁鄉土橋等共九閘俱係建置年遠傷損齟裂應行拆修而阿城荆門梁鄉土橋四閘坍塌尤甚斷難再緩等情臣查以上各閘如一時並脩不惟工費浩繁而灰石木料亦難購運承脩之員亦難得如許人員派委况重運漕船往來接續必九月後方

可與五二月內即須完工早則回空未過遲則重
運已臨止此數月之期豈能全行拆脩完竣自宜
分別緩急次第脩葺查葦莊等五閘雖有傷損走
縫之處無碍啟閉且在濟寧迤南湖水泛用尚在
可緩惟阿城荆門梁鄉土橋四閘坍損過甚且在
濟寧迤北倘遇汶水微弱全在閘座束水濟運尤
關緊要必應急脩據估荆門阿城二閘共需銀一
萬四千六百餘兩梁鄉土橋二閘共需銀一萬二
千八百餘兩查核估冊尚有與成規不符應行減
除及舊石內可以選用應扣節省者現在駁減但

候核估具

題部覆之後再行咨取銀兩發辦料物恐不及拆脩
又耽一年漕運攸關不得不預為辦理謹將閘座
情形及分別興修緣由恭摺具

奏伏乞

皇上恩准將應修阿城等四閘需用工料容臣先動司
庫銀兩及時委員採辦運貯工所一俟回空過完
即便築壩興工臣一面按照成規核實

題估其餘臺庄等五閘或止須量為修葺或必應拆
修臣于冬間水落之時親詣逐細確勘再行據實

奏

開請

旨遵行至阿城等聞臣已嚴飭將裂損之處掛簾貼席設法啟閉資送漕船不致失漏水勢今查重運漕白糧船五千七百三十六隻已於五月初八日全數過濟其過臨清者亦有三千八九百隻查上年係閏四月十一日過濟今歲糧船較上年多三百餘隻過濟較早三日並無遲滯合併陳明伏乞皇上睿鑒

題覆磚板關稅歸併臨清大關

題為請將臨清兩關併一省費通商以廣

皇仁事諒臣看得臨清磚板關一關徵收短載紙價稅銀自

本朝設關之始係差專差監收順治十八年歸併中河分司管理至康熙十七年間經前河臣靳輔具題請裁中河分司將關座稅務歸併濟寧河道管理遵循至今每年自開河之日起至河凍止河道徵收稅銀批解戶部交納造冊詳報河臣衙門具

題考校今山東撫臣岳濬

奏請歸併臨清大關徵收部覆可否歸併于閘座河道有無妨碍之處令臣會同撫臣詳議具

題臣查磚板閘與臨清關原相距不遠從前臨清關監督卽圖

奏請歸併前河臣張鵬翮因東省運道全資汶水臨清閘座為漕運咽喉以時節宣有裨漕運若改歸臨清關監督止預收稅不顧閘座啟閉必致有悞漕運是以

題請仍令該道管理今臨清關已交撫臣收稅撫臣有催償漕運之責自無止顧收稅不顧閘座啟閉

之事如將磚板閘稅務歸併臨關凡商民船隻一抵臨清即令先赴大關納稅然後抵閘跟隨糧船打放過閘則無漏稅之弊至磚板閘座仍責令管河廳汛閘官按照漕規以時啟閉其商民船隻不得以已經上稅即越漕啟板先行致洩水勢則於河道漕運可無妨碍臣謹會同山東撫臣岳濬合詞恭疏具

題伏乞

皇上睿鑒勅部議覆施行

奏請

陞見

奏為微臣戀

主心殷仰懇

天恩准臣

陞見以抒下忱事竊臣蒙

聖主天高地厚之恩任以河防重寄豫東二省黃運兩
河各長千有餘里攸關運道民生臣才識庸愚膺
斯重任夙夜兢兢每思趨叩

關廷跪請

聖訓庶幾欽遵奉行得免隕越以上報

聖主奠安河岳之

盛心下盡臣職於萬一前因伏秋大汛工程緊要臣木
敢遽為

奏請而犬馬戀

上之私一載以來依依莫釋今秋汛已過各工平穩現
在應修工程俱已修做明年應備料物臣已乘新
料登場物多價平易於採辦之時飭行各道一一
發辦其應題應咨事件臣已悉心辦理

頃咨此時河工正當無事之際且自濟寧至京師不

過千里程途甚近伏懇

皇上天恩准臣

陛見臣即於霜降後單騎赴京叩覲

天顏跪領

聖訓不但微臣犬馬之私忱得以少慰而豫東兩省河
防仰蒙

皇上訓示永慶安瀾運道民生均荷

聖慈于無既矣至河東河道總督關防可否于河南山
東兩撫臣內

欽定一人就近暫行管理以便料理日行事件臣戀

主心殷恭摺

奏請伏乞

皇上俯鑒下情

恩賜允准臣不勝激切待

命之至謹

奏

請將豫省船兵貽汎修防并添協辦守脩

奏為豫省黃河汎遠兵單請裁船兵以資力作酌僱
水手以司駕運收實用以重修防事竊查黃河水
性湍急遇有險要工程全在兵夫齊集工料應工
晝夜搶護晷刻不停方保無虞而僱募之人夫止
可搬柴擡土其捲埽釘椿守纜看樞以及鑲柴壓
土全在習慣之河兵江南淮揚淮徐二營共設河
兵九千有奇豫省黃河南北兩岸上自武陟下至
虞城綿長一千二百餘里豫河懷河二營共止河
兵一千二百名已屬汎長兵少況此內又除守脩

千把坐糧并援補分防把總巡查料廠看守柳園
遞送公文等項外止七百九十六名又除撐駕浚
柳船兵三百四十名實在力作河兵止四百五十
六名以一千二百餘里之工程僅有此四百餘名
之河兵平日既不能按汛派撥一遇工程險要工
在南岸則撥北岸之兵協濟工在上岸則撥下汛
之兵協濟如北岸下汛續報險工又須另撥甚費
周章且紛紛調撥不但隔河隔汛奔赴遲悞且當
汛水漲發之時巨浪洪濤所向之處即極堤圯塌
安危呼吸兩岸千有餘里水勢遷徙無定工程平

險靡常在在俱宜修防處處需兵力作即使酌量
抽調在撥兵之處已不無顧此失彼之慮而調到
之兵工程浩大仍尚不敷用或合力搥埽而乏人
簽樁或齊上雲梯而乏人看樑忽東忽西手忙脚
亂一兵而身兼數役既倍多勞苦況工多兵少亦
恐踈緩貽悞臣自到河東兩經伏秋三汛目觀其
艱難踳已久因思浚柳船隻人皆可以撐駕不必
定用河兵且撥運料物為日亦自無多不必長年
逐日撐駕與其令能力作之河兵駕船而置之空
閒之地曷若改歸本汛而資其脩防之用則不待

增餉而已多三百四十名力作之河兵不必添兵而已可助一千二百餘里之工役至于浚柳船六十二隻每隻止需催募長夫一名在船看守歲給工食銀八兩遇有需用運料之時再照柳船每隻五名浚船每隻三名之數添催水手撐駕每名每日給工食銀五分所需工食銀兩毋庸請動錢糧即在臣

奏明節省八束秣稽銀內動支報部核銷其原派船兵三百四十名悉令各歸本營派防調遣則脩防不致乏人而兵丁亦得以收實用於河工河營均

有裨益再臣更有請者脩防工程力作雖在弁兵而指示做法則在守脩豫省河營並無叅遊都司僅有守脩二員分管南北兩岸堤河工程各長六百餘里平時脩防均須諛脩查看稽察當伏秋大汛工程險急之時更須諛脩住工搶護乃以守脩一員而責其上下六百餘里一時並到勢既有所不能如止令專守一處而將各處工程一任弁兵脩做則下埽簽樁先後緩急少不如法不惟糜費帑金亦且貽誤工程前任河臣曾將在工諳練手總委令協辦但未分定汛地亦無應得處分仍不

免置身局外臣思河道綿長守備一員實難兼顧如請添設守備則有建蓋衙署增設俸餉之繁白不若照舊添委協辦之為便然止令協辦而不定以責守未免因循推諉查河營協防千把經臣奏請派定汛地責令巡防脩守經部議覆奉

上允准欽遵在案所有豫河懷河一營請各添協辦守備一員照協防千把之例派定汛地責令經管工程如所管汛地內有疎忽之處即行指名叅處如果巡防修守勤慎無誤工程穩固遇有河警守備缺出

題請補授照例送部引

見恭候

欽定如此則責任既專自必各顧考成倍加凜慎而汛地既分諉備亦無鞭長不及之慮臣因豫省黃河汎遠工長守備一員分身無術細察熟籌謹就愚昧之見恭摺

奏請是否可行伏乞

皇上睿鑒訓示遵行

請留城守營新馬兵

奏為遵

旨詳議具奏仰祈

睿鑒事竊臣於乾隆元年八月二十八日准兵部咨開
江南河道總督高斌將江南河標新兵酌請裁留
具

奏欽奉

硃批着該部行文各直省凡有新設之兵應行裁汰者
俱照如此詳議具奏候旨欽此仰見

皇上慎重營武體恤戎行之至意臣查濟寧河標中左

右城守四營舊額馬步兵一千九百二十一名內
中營馬步兵四百八十五名左營馬步兵四百八
十三名右營馬步兵四百八十五名城守營步兵
四百六十八名自雍正七年添設河臣分任南北
河道將四營官兵歸于河東河臣就近管轄雍正
九年欽奉

世宗憲皇帝諭旨酌量增添廷議以河東河標兵丁祇可
分防河汛其在城守者僅濟寧衛一營實屬不敷
添設新兵一千名四營共兵二千九百二十一名
雍正十三年前河東督臣王士俊

奏請撥給充鎮標兵五百名於四營新兵內均勻成
撥比因城守一營防守城池倉庫及各項差遣之
處甚多且舊兵全係步守而無馬戰營制尚未完
脩經臣會同前督臣王士俊

題請於中左右三營內共撥給馬戰兵六十六名歸
城守營差防部覆准撥奉

旨依議欽遵在案前因御史蔣炳條奏請裁額外添募
兵丁部議將河東河標撥存新兵五百名裁汰奉
旨徐徐辦理不必急遽臣欽遵

聖諭再四悉心斟酌將籌畫辦理事宜并此項馬兵可

卷二
否存留之處條細咨部今奉

諭旨臣復詳加籌酌查陝河東河標應裁新兵五百名
內中左右三營雖各有分防汛地並催儲漕運護
送錢糧逃盜等項差使然每營舊兵四百八十餘
名足供差防所有新兵三百六十八名應請陸續
裁汰以省冗費至城守一營分防汛地與三營相
等而護送差遣之處較多且濟寧為南北咽喉重
地該營有城守之責尤關係要轄設步兵四百六
十八名委不敷用且舊兵全係步守亦於馬二步
八之營制未符況定例千把必於馬兵內拔補該

營並未設有馬兵其步兵內有差防勤勞弓箭可
觀者無由拔補有志上進之兵丁未免因此退阻
應請將該營新馬兵六十六名照舊存留止將新
步兵六十六名陸續裁汰不但差防敷用亦于營
制允宜而步兵得以拔補馬戰上進有階自必益
加奮勵實于營伍地方均有裨益至應裁新兵凜
遵

聖諭徐徐辦理務令新舊兵丁均無失所其因新兵添
設之千把暫令管束操演俟各兵陸續開除頂補
可以裁減調補之時再為酌調臣謹遵

臣詳議具奏是否允協伏乞
皇上睿鑒訓示遵行

恭報自京回署接印日期

題為恭報微臣回署接印受事日期仰祈

聖鑒事竊臣荷蒙

皇上天恩允臣赴京

陛見臣不勝踴躍即於乾隆元年九月二十日恭將

欽頒總督河南山東河道銀關防一顆同

王命旗牌十桿面副

聖訓圖書併現在未用火牌及書吏文卷等項遵

旨送交山東撫臣岳濬暫行管理一面具疏

題報一面星馳北上於乾隆元年十月初一日至京

叩覲

天顏脩領

聖訓恭遇

皇上親送

世宗憲皇帝梓宮安奉

山陵臣恭摺奏懇隨

駕叩送欽蒙

恩旨准其隨往不必隨鑾進京即由彼處回任欽此臣

於乾隆元年十月十九日遵

旨由涿州一路回任于十月二十七日抵濟十一月初

二日准山東撫臣岳濬將

欽頒總督河南山東河道銀關防一顆

王命旗牌十桿面副

聖諭廣訓漢字書一本

御製朋黨論清漢書二本連四紙裱的一張

上諭一卷恭錄

上諭一套硃字

上諭清漢二本

御製人臣儆心錄二本

上諭清漢書四本

上諭二本

御賜駁呂留良四書講義八本

欽頒大清會典一部并現存未用火牌十六張及書吏

文卷等項差委曹州府桃源集同知高翥纓撫標

右營遊擊劉興國賫送到臣隨恭設香案望

闕叩頭謝

恩祇受到任視事訖所有微臣回署接印受事日期理

合恭疏

題報伏祈

皇上聖鑒施行

奏請次子白永淳隨任

奏為叩懇

大恩事竊照旗員子弟年十八以上俱應在旗習學雍正十年十二月內奉

旨伊等子弟中有可以助其父兄辦理事務或另有情節不能相離者准其奏聞請旨道府等官不能自達督撫代奏欽此欽遵在案伏念臣三世單傳並無伯叔兄弟臣生三子長子永清係州同職銜向在南河効力雍正十二年臣任南河副總河時

奏請迴避欽奉

硃批白鍾山係副總河伊子白永清不必迴避仍回南河
効力後不為例欽此今臣長子永清現在南河其在臣
任所者次子永淳今年一十八歲三子永治今年
一十三歲臣蒙

聖恩委任河防豫東二省黃運兩河工程錢糧事務繁
多且河道綿長奔走往來動經月餘而伏秋大汛
更當駐守河干一切文移事件俱沿途查辦必得
親信子弟跟隨助理三子永治尚屬童稚惟次子
永淳粗知事務仰懇

皇上天恩准留於任所則臣既得少資幫助且可就使

教導習學臣父子頂戴

聖主天高地厚之

隆恩于生生世世矣謹恭摺具

奏伏祈

睿鑒

豫東河防末議三條

奏為謹陳豫東河防末議仰祈

睿鑒事竊臣荷蒙

聖恩任以宣防重寄自顧才識短淺夙夜兢兢惟有凜遵

聖訓悉心籌畫殫力修防以期工堅帑實仰副

皇上厪念河道民生之

盛心所有兩河修防一切事宜除經臣陸續具奏遵

旨辦理外今將臣管窺所及有裨河防者敬為我

皇上陳之一東省管河千把宜設守備以專董率也臣

查河道工程力作雖在弁兵而指授做法則在守
備江南向設有淮徐淮揚河營守備一十餘員豫
省黃河南北兩岸亦已設有守備二員惟因汛遠
工多力難兼顧臣已於請改豫省船兵案內

奏請協辦守備分汛巡防在案至東省黃運兩河共
有千把總八員河兵六百名並無守備管轄既于
營制未協且無專管之員約束調度恐千把末弁
猝遇險工手忙腳亂下埽發椿先後緩急少不如
法即至悞工費帑所關匪細臣請東省添設河營
守備一員令其管束黃運兩河千把兵丁駐劄黃

河緊要地方往來巡查董率脩防仍聽山東管河
道管轄庶千把兵丁既得專員約束不致怠惰偷
安而椿埽一切又得熟諳之員指示修做可資穩
固實於工程有益一堵塞支河宜分勤惰以示勸
懲也從來河不兩行最忌旁流分洩豫東黃河兩
岸堤外沙淤老灘土本虛鬆每遇汎水漲發漫灘
而上其低窪處往往刷成支河引溜注射大堤若
不於冬春水落歸槽灘地乾涸之時及早築壩堵
塞堅實則一經水發即由支河分流四出蜿蜒瀾
漫汕刷堤根旁溢灘地為害甚鉅從前堤工漫決

多由於此且黃水挾沙而行勢分則溜緩溜緩則沙停支河日刷日深正河日淤日高尤為河工之隱患臣自蒞任河東目覩情形即嚴督廳印汛官將各支河進水之處悉行堵塞斷流兩年以來不惟堤工穩固而灘內佈種田禾亦俱漸深埽工自少臣思堵塞支河實為河工要務但不請定議叙議處之例則因循怠緩草率貽誤之員無以示懲而實力督率堵塞如式之員亦無以示勸臣請嗣後如有支河未經堵塞或堵塞不實者將該管廳印汛官題叅議處其堵塞如式並無坍塌者酌請

議叙則各員自必凜惕踴躍實力填塞雖汛水漲盛皆循正河而行大堤無汕刷之虞河道永安瀾之慶矣一黃南北兩岸宜撥防險銀兩以資儲備也臣查河工每年請撥歲搶脩銀兩俱有定額間有新生大工例應另行題估發帑是黃河水性靡常呼吸變遷當伏汛秋水漲發之時設遇工程險要即當星夜搶護刻不容緩所用人工業土以及蠟燭火把等項均需銀錢即時給發購募應用而跑筐買土並壓土搬柴尤須按筐計束多給現錢庶幾民情踴躍可濟急用如必俟移咨撫臣檄

豫東河防金卷一
行藩司始行撥解到工勢必失機宜從前嵇曾
筠為副總河曾因豫省北岸工程險要飭行管河
道于收存應解南工河銀內暫行動借五千兩收
貯武陟縣庫名為防險銀兩遇有險工即將此項
動用甚為得濟查豫省南岸與東省黃河均屬汛
遠工多自應倣照此法一律撥貯庶為有備無患
第起解南工河銀亦關工需未便久稽可否仰懇
皇上天恩准於河南司庫存公銀內撥銀一萬兩以五
千兩分貯南岸鄭州并歸德府庫以五千兩分貯
武陟封邱縣庫并於山東司庫存公銀內撥銀二

千兩分貯曹單縣庫令該司道查明與正項錢糧
一同盤查如該府州縣陞遷事故離任接任官查
明交代加謹收貯非有搶護緊要工程不得擅動
設有要工動用亦必按數歸還照舊收貯其要工
所用帑料仍照例另行題估題銷庶此項銀兩永
遠儲備不致動缺而倉猝遇險不致束手無措實
於河防大有裨益以上各條就臣愚昧之見敬陳
末議是否可行伏乞

皇上睿鑒訓示遵行

請動河標息銀積貯穀石

奏為謹請河標積貯穀石以濟兵食事竊照河標營兵駐劄濟寧南北水陸通衢居民繁庶家鮮蓋藏每歲秋成之後米穀糶賣者多糧價必平及至春間青黃不接之時米穀漸少糧價必昂歷來如是州民有常平捐積等穀糶三借三之例賴以接濟惟營內兵丁並無儲積倉糧可以資其食用不得不稱貸貴糶迨領餉到手加利償還約費賤時二斗之價僅得一斗之糧家口少者尚或可支多者未免拮据臣管轄河標深悉情形細思熟籌惟有

設倉貯穀春借秋還於倉儲無虧于兵丁有益臣
近見廣東廣州鎮臣黃錫申奏請建設營倉積穀
濟兵經大臣議覆奉

旨准行在案雖河標非係沿海營分而兵丁艱苦情事
相同查河標現有

恩賞兵丁生息銀兩約計現存及續收至年底止共有
三千七百餘兩如於此內動用採買穀四千石設
倉存貯無庸另動正項目前正在收成之後穀數
無多易於買積此項穀石責令城守營都司經管
河標副將盤查稽察每年春間糧價昂貴之時詳

明借給秋收照數還補免其加息穀少之年核計
穀價米豆兼收則河標四營兵丁自此可無貴糴
艱食之虞而春借秋還年年出易不致浥爛耗折
之慮頂沐

皇恩於億萬斯年矣至應設倉廩查有四門城樓俱係
空閒高燥寬敞儘足收貯亦毋庸另行動項建倉
止須量為修葺所需工費有限亦於息銀內動用
同買穀實用價銀一併造冊報部查核再生息銀
兩雖經山東布政司鄭禪寶議請撥給充鎮銀二
千二百兩以脩給賞尚未准有部覆如准撥給餘

存尚多設有不敷于河營生息銀內通融濟川合
併陳明臣因營伍起見恭摺

奏請是否可行伏乞

皇上聖鑒訓示遵行

估計阿城等四閘

題為敬陳東省運河閘座情形分別緩急次第興脩
仰祈

睿鑒事諛臣看得山東運河南自江南邳州交界起北
至德州桑園鎮止綿長一千二百餘里水無來源
全賴石閘四十八座層層關束收蓄水勢必閘座
堅固完整而又啟閉以時蓄洩得宜庶可以利輓
輸而速漕運臣前行據管河道查有臺庄丁廟南
陽利建邳庄阿城荆門梁鄉土橋等共九閘俱係
建置年遠傷損蟄裂應行拆脩當查臺庄等五閘

雖有傷損走漏之處無碍啟閉且在濟寧迤南湖
水足用尚在可緩惟阿城荆門梁鄉土橋四閘坍
損過甚且在濟寧迤北倘遇汶水微弱全在閘座
束水濟運尤關緊要必須急脩業經臣將閘座情
形分別興修並請動司庫銀兩及時委員辦料貯
工一面按照成規核實

題估等情具奏欽奉

皇上俞允在案臣即欽遵咨明戶部工部並咨山東撫
臣行司先撥銀一萬五千兩移解管河道庫查收
委員領辦木石等料茲准部覆動支司庫銀兩給

發承修之員辦料募夫脩築如式堅固以利漕運
其動用銀兩照例據實確勘造具估冊具題查核
等因隨即檄行管河道確估造冊去後今據山東
管河道副使王鴻勳詳稱遵即照漕規例據實確
估查荆門閘估需工料銀五千八百八兩七錢三
分三毫七絲九忽六微阿城閘估需工料銀五千
二百五十三兩四錢三分二毫四絲八微梁鄉閘
估需工料銀五千九百八十四兩八錢四分九厘
九毫五絲二忽四微土橋閘估需工料銀六千二
百六十九兩九錢七分八厘五毫七絲二忽八微

以上四閘通共實需銀二萬三千二百一十六兩九錢八分九厘一毫四絲五忽六微其所選舊石及各項工料錢糧俱已從實核定較前估減銀四千餘兩並無絲毫浮冒相應造冊詳送核題等情前來臣覆加確核無異除原冊送部查核外相應具

題伏乞

皇上睿鑒勅部動撥山東司庫銀兩以便俟回空糧船過完之日即行築壩興修工完核實報銷至堦庄丁廟南陽利建邢庄等五閘或應量為修葺或必

應拆修容臣於冬間水落之時親詣逐細確勘再據實奏

聞請

旨遵行合併陳明臣謹會同山東撫臣岳濬江南河臣

高斌合詞恭疏

題估伏乞

皇上睿鑒勅部議覆施行

恭報秋汛安瀾

題為恭報秋汛水勢情形事據署河南懷慶府黃河
同知事山東兗州府管泉通判吳廷清呈稱所屬
孟縣武陟滎澤三縣境內黃河北岸水勢自七月
初一日立秋起至九月十九日霜降止陸續共長
水三丈八寸共消水二丈二尺一寸除長落相抵
外淨長水八尺七寸一切埽壩工程竭力脩守俱
各保固平穩又據開封府上北河同知許珮璜呈
稱所屬原武陽武封邱三縣境內黃河北岸水勢
自七月初一日立秋起至九月十九日霜降止陸

變共長水三丈一尺二寸共消水二丈二尺三寸
除長落相抵外淨長水八尺九寸一切堤埽工程
相機脩防俱皆保護平穩又據開封府下北河同
知胡相呈稱所屬祥符陳留蘭陽儀封四縣境內
黃河北岸水勢自七月初一日立秋起至九月十
九日霜降止陸續共長水三丈一尺六寸共消水
二丈二尺五寸除長落相抵外淨長水九尺一寸
一切堤埽工程俱竭力修防保護平穩又據署開
封府上南河同知事署儀封縣知縣武錫彤呈稱
所屬滎澤鄭州陽武中牟四州縣境內黃河南岸

水勢自七月初一日立秋起至九月十九日霜降
止陸續共長水三丈一尺二寸共消水二丈二尺
三寸除長落相抵外淨長水八尺九寸一切堤埽
工程加謹修防竭力搶護獲保平穩又據署開封
府下南河同知事効力州同張廣居呈稱所屬祥
符陳留蘭陽儀封四縣境內黃河南岸水勢自七
月初一日立秋起至九月十九日霜降止陸續共
長水三丈一尺六寸共消水二丈二尺五寸除長
落相抵外淨長水九尺一寸一切堤埽工程加謹
修防俱各保護平穩又據署歸德府管河通判事

効力知州孫浙呈稱所屬商邱考城虞城三縣境內黃河南岸水勢自七月初一日立秋起至九月十九日霜降止陸續共長水三丈二尺共消水二丈二尺七寸除長落相抵外淨長水九尺三寸一切堤埽工程加謹修防搶護俱保平穩又據懷慶府沁河通判張允杰呈稱沁河水勢自七月初一日立秋起至九月十九日霜降止陸續共長水二丈一尺二寸共消水二丈四尺除長落相抵外淨長水七尺二寸一切堤埽工程俱各搶修平穩又據署山東曹州府黃河同知事効力廕生胡在穗

呈稱所屬曹單二縣境內黃河北岸水勢自七月初一日立秋起至九月十九日霜降止陸續共長水三丈二尺共消水二丈二尺七寸除長落相抵外淨長水九尺三寸一切堤埽工程俱各竭力修防獲保平穩各等情到臣據此該臣會看得秋汛綿長脩防尤宜謹慎今年黃沁兩河伏汛水勢本大入秋以來又疊次增長臣凜遵

聖訓親督屬員加意謹防並廣貯料物堆積充盈有脩無患臣復上下往來督率道廳印汛等官凡遇迎溜頂冲汕刷蟄陷之處相機搶護其桃伏秋內做

豫東宣防錄 卷二
過工程加謹修防仰賴

皇上聖德懷柔

河神默佑南北兩岸工長一千二百餘里在在穩固
今據豫東二省各廳呈報秋汛水勢自七月初一
日立秋起至九月十九日霜降止黃河上自孟縣
下至河南虞城山東單縣陸續淨長水八尺七寸
至九尺三寸不等沁河陸續長水七尺二寸各處
埽壩工程俱各修防穩固臣竊以今年為
皇上御極建元之歲而豫東地居天中千里河防三汛
安瀾實以彰

聖主大德厚福萬年清晏之休臣身司水土不勝歡忭
至東省運河水勢足用回空糧艘過行無滯業于
九月初八日全數催過濟寧南下訖所有秋汛水
勢已過黃運工程平穩情形臣謹會同河南撫臣
富德山東撫臣岳濬合詞恭疏

題報伏乞

皇上睿鑒施行

豫東宣防錄目錄卷三

乾隆二年

請添募夫挑河

奏覆無庸分沁入衛

奏獨山湖石工改土堤

奏汛兵毋庸更替

奏請脩葺南旺分水口

神廟

請臨河州同縣丞等官審管泉務

奏請開河毋庸另立水則

請定越漕啟板廳員處分

請將臨清軍橋等夫一例挑河

奏覆東省辦賑一案

謹籌東省被災州縣應辦事宜

請東省各工分別緩急辦理

奏東省運河各夫閏餘銀兩起解道庫

奏武城縣估挑引河

估計南陽利建邢庄丁廟四閘

恭報秋汛安瀾

豫東宣防錄卷三

總督河南山東河道提督軍務都察院右副都御史臣白鍾山

請添募夫挑河

奏為奏明添夫挑河以速工程以待新運事竊照東省運河綿長一千二百餘里中有濟寧汶上臨清三處塘河因承汶泗諸河山泉之水挾沙而來水去沙停日積月淤是以每年一小挑間年一大挑調集各廳汛額設兵淺等夫計夫派工按工限日分段挑挖務令深通以濟漕運三處塘河挑畢再撥各夫疏浚長河每年十一月望後兵部發到清

字告示張掛曉諭停止往來差船然後築壩興挑
次年二月望後春冰已泮地氣上騰山泉將發之
時始開壩放水漕艘通行此運河一定之成規歷
來相沿之舊例也乾隆元年冬屆小挑緣三秋雨
少泉流微細濟汶兩處塘河並汶鉅嘉魚濟寧州
衛等汛長河淤沙淺澁之處較多經臣勘明
題請募夫挑挖在案按照舊例應于二月望後挑竣
開壩臣於十二月十五日在鄭州時接閱邸報並
准江南河臣來咨知因淮揚河道奉

旨挑浚乾隆二年糧船回空趕早一月過完漕臣以空

船趕早南下必得重運先期北上

奏請將南來糧船定限二月內全數過淮等因臣思
過淮既速則抵東必早隨即飛飭山東管河道嚴
催各廳汛將應挑河道星夜僨挑速行完竣毋致
糧船抵境守候耽遲今據山東管河道王鴻勳詳
稱兩月工程責以一月僨竣酌補並添募等夫應
挑土方原係按名分土計日給銀不過多為催募
尚可通融惟額設長夫應挑土方既不能令一夫
而挑兩夫之土又不便將各夫應得之工食抽扣
另僨而令其長年力役枵腹從事再四籌畫惟有

請動帑銀多添募人夫庶挑挖迅速不致阻滯南
漕而回空得以起早淮揚運河可以從容挑浚等
情臣查轉輸漕粟

國計攸關挑浚淮揚運河民生所繫東省為漕運咽喉
自宜設法加緊僱挑以待新運未便拘泥往例
查該道估報加捕上下四廳挾扣土方較計夫工
程限尚不致貽誤毋庸請帑另募惟運河廳屬河
道綿長淤沙倍多額設長夫實在力作之一千六
百一名承挑土六萬七千八百六十餘方今除原
係每名各挑土四五分者令其三夫合挑土二方

外尚有汶上塘河餘土六千九百八十三方長河
餘土一萬一千九百三十五方零按十日計算每
日需夫二千八百三十七名零濟寧長河餘土六
千一十四方亦按十日計算每日需夫九百二名
一分共需夫三千七百三十九名零每名每日給
銀六分共應給銀二千二百四十三兩八錢零其
需用器具每名給銀二錢共應給銀七百四十七
兩九錢零臣竊思新運漕船不日入境東省運河
必得及早挑挖完竣如俟開邱後

題估發帑興挑必致遲誤臣仰體

皇上履念國計民生至意隨一面批令該道及時暫動
庫存帮貼節省銀兩分發附近沿河州縣星夜分
投照數催夫赴工上緊挑挖一面添委多員逐段
催儻臣復上下往來身親督察勒限正月二十日
開壩較之往年先期一月南來糧艘一入東省運
河即可通行無阻至查上年山泉甚微秋間無雨
三冬無雪現在南旺諸湖水勢微弱恐驚蟄以前
泉水尚未湧發重船經臨不足以資浮送臣當相
機添築草壩節節收束水勢並飭撥剝船預備盤
運務期重運糧船飛輓北上俾回空及早南下以

便淮揚挑河建閘斷不致片刻停滯上厘

呈奏除將開壩日期咨會漕臣並俟開印後將需用人
夫催價銀兩細加確估造冊照例繕疏具

題外所有東省運河動項增夫儻挑先期完竣緣由

謹先恭摺

奏明伏乞

皇上聖鑒

奏覆無庸分沁入衛

奏為勘明沁衛情形據實奏覆仰祈

睿鑒事竊照安徽布政使晏斯盛條奏謹籌河淮全勢
摺內有沁水仍分入衛作滾水壩于武陟境內以
資節宣以殺黃河水勢一節臣等准工部咨即一
面行河南管河道廳並懷慶衛輝等府確查沁水
入衛故道並令相度武陟建壩處所勘估詳報一
面訂期會勘據該道府廳等將沁水不便入衛情
形條晰剴切詳覆前來臣等隨同赴衛輝一帶逐
細履勘武陟至衛輝並無沁水入衛形跡詢之老

年上人僉云明時係因沁河決開堤壩橫流脩武獲嘉新鄉一帶突出衛河原無故道康熙六十年吏部尚書張鵬翮同巡撫總河尋查即無河形今又丁餘年委無稽考等語臣等將沁衛兩河細加丈量沁河寬一二百丈不等衛河寬八九丈至四五丈不等衛小沁大勢難容納至原奏武陵建壩之處查武陵境內沁河長一百九十餘里悉係沙底虛鬆不能簽椿下石難以建壩臣等查沁水由山西穿太行山入河南境至懷慶以下俱有大堤障護今如建壩分沁必究開大堤另開河道始能

引沁入衛但大堤一開是自撤屏障沁水穿堤奔注黃水隨之而入一往無阻不惟分沁而且引黃其可慮者一再衛河淺隘不能容受沁水又必得開闢寬深查衛河兩岸民田廬墓不可勝計兼有汲新濬三邑城垣遷徙為難濬邑境內尚有一十八里山根石底又為人力難施其可慮者二再衛沁合流水勢浩瀚非常又必得堅築高寬堤岸查新洪等縣近依太行諸山山水發時全賴衛河歸宿若因束沁築堤則阻山水歸路勢必橫流為害其可慮者三伏思導河分水攸關運道民生非計

後身宜改鑄 卷三
出萬全不敢輕試查沁水歸黃衛河歸運其來已久即導沁入衛之議元明以來屢議屢止亦非一次其載在史冊志乘彰彰可考者如元世祖至元十四年衛輝路總管董文用因漕司議通沁入衛文用言衛郡浮屠最高者纔與沁水平若引之使來豈惟無衛將無大名長蘆矣必不可開事遂寢又查明萬曆十六年漕臣楊一魁請因沁河決口之便引沁通衛科臣常居敬言衛輝府治地既卑下河復窄隘狂流灌注容受為難獲嘉已成巨浸新鄉亦若浮孟府城去河不遠冲決之患殊為可

虞且沁水沙多善淤一入漕渠淤墊閘座指陳利害議又寢止我

朝

聖祖康熙六十年吏部尚書臣張鵬翮奉

旨查勘黃沁兩河情形奏稱武陟沁河西北高而東南窪沁堤內平地較沁河涯低一丈從此而東地勢愈低且此處沙底虛鬆將來建閘築堤難以堅固若引水時從高直下建瓴之勢恐牽動全沁灌入內地黃河隨躡其後又云引沁必由小丹河入衛此二河河身皆極淺窄勢難容受奉

音張鵬翮等查河回奏甚明極好即令照依所奏不得稍有更改欽此欽遵在案歷觀從前諸臣奏議利害較然如董文用言沁水高於衛輝浮屠則害在衛輝且及直隸大名長蘆如常居敬言沁水沙多善淤入漕淤閘昔有左驗考明嘉靖三十五年沁決入衛至臨清逆流上擁運河七十餘里泥沙沉積磚板二閘淤塞二千餘丈則害又在漕運如張鵬翮言牽動全沁黃河躡其後則黃河之水勢分溜緩下流勢必淤墊泛溢四出其患又在黃河而懷衛一帶為害更不可勝言矣夫使利多害少或利害相

半猶當審擇而慎處之況有害於城社民生有害于漕運而並有害于黃河是未可以違前人之成說改數百年之成規而漫為嘗試也抑臣等聞之明河臣潘季馴有言曰黃河防禦為難而中州為尤難自漢以來東冲西決未有不始自河南明河臣萬恭亦言河南沙鬆土踈大穿則全河由渠而正河必淤小穿則水性不趨過則平陸夫水專則急分則緩河急則通緩則淤由是觀之以原歸黃河之沁水改歸衛河穿渠則土踈之地不能保無奪河之患而順其水性仍歸黃河則力合流急不

無以水攻沙之功臣等詳察地勢博詢耆老歷考
前人論說分沁入衛之議有害無利斷不可行者
也除江南清口海口聽江南河漕督撫諸臣遵
旨勘議並將沁水難以入衛緣由咨會江南河漕督撫
諸臣外謹將臣等會勘沁衛兩河情形恭摺具

奏

奏為湖廣湖石工改土堤

查為湖廣昔險今平請改修土堤以節帑金以寓賑
卹事竊照東省魚臺縣獨山湖馬家三空橋等處
係糧艘經行緯道從前修做業工雍正八年湖河
異漲冲損九百五十餘丈調任巡撫臣岳濬因彼
時諫工坐當頂冲業工恐難抵禦

題請改建石工部議令河東總河勘估具

題嗣緣水佔堤根難以懸估咨部展限至乾隆元年
春間雨水稀少湖水稍落堤根已露據管河道詳
估臨河一面脩築土餞臨湖一面改築石堤共需

銀四萬四千八百二十餘兩時值拆脩石閘恐兩
工並舉石灰木料及承脩員役夫匠一時不能購
辦運用難免顧此失彼經臣咨部俟開工完日

題估在案臣復留心察視湖 水勢下移堤坦全現

從前頂冲險工已經平穩與撫臣岳濬議改石工
之時形勢迥不相同今臣經理運道又往來查看
悉心籌酌查獨山湖係蓄水之區素稱水櫃非江
南洪澤湖水勢浩大者可比諒工雖介在湖河之
間而南旺蜀山諸湖亦係內湖外河均係土堤經
歷年久屹然如故且諒工舊堤单薄被冲之後更

多殘缺數年以來亦無疎虞若乘此水涸土乾之
時着底帮築土堤倍加寬厚依法夯碾發試不漏
十分堅固足資捍禦卽于堤坡密栽柳株即遇水
長亦可擋護不致汕刷臨湖一面不必改建石堤
以致多費公帑也且地方興舉工役惟土工于貧
民最為有益今歲瀕河一帶地方春雨愆期二麥
未免歉薄貧民覓食維艱時方五月距秋成之期
尚早此時若舉行土工則附近無業貧民皆得赴
工力作以餬其口亦可寓賑于工是修築土堤工
程可資鞏固較之石工又省費甚多兼可接濟目

前窮黎臣已飭行管河道另將土工需用銀兩確估詳

題但核估造冊尚需時日謹將湖勢已平應築土堤緣由先行恭摺具

奏如蒙

皇上俞允臣即一面咨撥銀兩募夫興工一面據實

題估則堤工既得及時堅築而食力小民又得早計

皇恩實于河工民食兩有裨益是否可行伏乞

皇上聖鑒訓示遵行

奏汎兵毋庸更替

題為欽奉

上諭事該臣看得江湖為商民往來之地亦匪顯出沒之所向來安設塘汎每十里一墩五里一鋪每處撥兵五名駐宿巡防聯絡接應復令將江湖舡隻編號刻名給照稽查漁船依陸路保甲之法公首連坐所以安商旅而防盜賊者法至密也近因塘汎兵丁攜帶家口安土重遷致與地方奸匪熟識而地方官稽查船戶漁戶亦奉行不力上厯

聖懷特頒

諭旨令留心察訪整肅嚴明期收成效並令臣等將汛兵更替之法實心區畫善為經理仰見我

皇上睿慮周詳無遠弗届保護民生無微不至臣敢不悉心詳議以上副弭盜安民之

盛心伏查各省標營汛兵更替雖無畫一定期大抵皆係按月按季輪換其汛兵家口有攜帶者亦有不攜帶者行之既久誠應如

聖諭因地制宜自非不便於兵無益于地方仍宜各循其舊第江干湖上村落稀疎船隻往來奸良莫辨防範之法不外乎清船戶編保甲以及堵汊港謹

柵欄嚴夜巡而最要者尤在塘汛未事則巡查必極其勤有事則擒拿必極其力事後則追捕必極其速自可望盜息民安然兵丁之賢不肖正自不齊是則稽察不可不嚴賞罰不可不明或十塘或五塘設塘長一名令其稽查各塘汛兵有無奸匪來往并各兵有無離汛遠行或勤或惰據實呈報諛管備弁仍不時稽察如塘長通同容隱并將塘長責革其長江大湖素稱衝要之處更當派委叅遊都司大員或一季一次或一月一次差往遊巡汛兵有犯小者即行責處大者詳報究治督撫提

鎮各遵

訓旨復剴剴留心時時察訪明立規條嚴其賞罰凡遇
弁兵考核必先察其汛地有無盜案如遇失事必
照定例將防汛員弁叅處汛兵責革如失事疊次
則將該管營將以廢弛營伍特疏

題叅如船戶漁戶為盜州縣奉行保甲不力事發必
將州縣叅處如汛兵通盜營員不能覺察事發必
將營員叅處則稽察嚴而賞罰明盜賊潛消江湖
寧謐行舟安穩永沐

皇仁于無既矣至查臣河標中左右城守四營所管陸

路係濟寧近城週遭二百里汛兵巡查地方護送
餉鞘押解過往軍流逃盜等項人犯水路係運河
徑長三百里無廣袤數千百里之遠無長江大湖
之險無支河汊港奸匪出沒之地所設汛兵巡查
河路并催儲重空糧船護送各省織造及銀課銅
餉等項差船向係就近招募土著民人取具的實
保結入伍派防在汛演習弓箭鳥鎗弁目不時赴
汛考驗會操日期輪調赴操遇有事故遺缺一時
召募不得其人即於營中選擇勤慎老練者赴汛
頂補按月更換並不攜帶家口沿河兵民相安無

事現在就近派防土著兵丁十有三四輪流更換者十有六七互相稽察各有顧忌不致有匪類往來之事且汛地切近標營平日責令弁目不時遊巡至糧艘盛行之際與隆冬歲晚之時臣復派委備弁分地巡察不使有一處少疎一時少懈三年以來河路並無失事今如一概更替諛兵單身前往則不無內顧之憂若令携眷赴汛頻數更替又不免有往返搬移之苦似應遵照因地制宜之諭旨照舊駐防輪換為便也至運河內客載船隻係從地頭船牙立契催募俱有稽查河內並無漁船其

蓄水諸湖間有民人捕魚朝往暮歸非若江廣漁戶以舟為家者可比本籍居址俱編有保甲如地方官及鄉保牌隣稽查嚴謹自不致在外為匪緣奉

諭旨事理臣謹悉心詳議具

奏愚昧之見是否尤協伏乞

皇上睿鑒施行

奏請脩葺南旺分水口 神廟

奏為請修汶河祠廟以肅祀典以利漕運事竊照東省汶上縣南旺地方在運河之濱其地較南北獨為高亢古稱水脊汶水至此南北分流以濟漕運故又名為分水口蓋汶水之總匯東省之樞機明神感孚默佑之靈壤也舊有

禹王廟分水

龍王廟前明工部尚書宋禮祠凡三區

禹王廟建自明正德十二年卑陋湫隘我

朝

聖祖仁皇帝康熙十九年前河臣靳輔又改建而式廓之
龍王廟建于明初至天順年間主事孫仁重脩宋禮
祠係明正德七年允工部侍郎李燧之請勅建于
此皆一二百年于茲矣考

大禹治水充實為九州之一汶泗濟漯皆經

大禹所治神功明德萬世永賴固宜廟食于勿替

龍王為汶河之神分水濟漕屢彰靈應

世祖章皇帝順治三年封為延休顯應分水龍王蓋

聖朝懷柔山川百神之盛典也尚書宋禮奉命視河寸運
道久湮之後疏淤闢隘凡數百里而運道始通復

用老人白英計建壩戴村遏汶出南旺以三分歸

南七分歸北復疏泉渠建石閘設水櫃思深謀遠

而運道實無涸竭之虞至今東南數百萬漕粟歲

歲轉輸直達

天庾無海運之險無陸運之費者皆禮之功也

世宗憲皇帝雍正四年

詔封禮為寧漕公而封英為永濟之神蓋因河漕而祀之

者也今此祠廟皆歷年久遠門垣頽圯深棟朽壤
棟題剝蝕無以妥神靈而展誠敬伏查雍正七年
欽奉

世宗憲皇帝上諭往聖先賢祠宇令各該地方官守護若有應行脩葺之處動用本省存公銀兩委員料理欽此
又查雍正十三年十月內欽奉

皇上俞旨嗣後惟許將舊寺舊廟增修加葺或繕補功德之專祠可以伸虔恪之衆志即以廣福庇于民生俱經欽遵在案

禹王及宋禮等實為往聖先賢

龍王為山川之神皆有大功德于地方民生本

朝皆加有封號稽之禮經崇祀允宜所有祠廟年久傾圯似宜欽遵

上諭動用公銀委員修葺上年據司道具詳請修委員勘估嗣因前撫臣岳濬調任江西未及具題今臣等會同

欽差侍郎臣趙殿最等查勘戴村壩經臨其地目覩各廟日就頽敝若及今興修則木石蒿料猶可選用倘再遷延必致傾壞損失工料倍費臣等謹合詞恭摺

奏請伏候

皇上諭旨以便欽遵轉飭地方官確估詳題委員監修庶聖神賢哲並得垂廟貌于千秋而奠土利漕自

益昭靈貺于

聖世矣伏乞

皇上睿鑒諭示遵行

請臨河州同縣丞等官專管泉務

奏為請定管泉之汛員以專責任以裨漕運事竊查東省運河水無來源全賴諸泉輸灌以助河水而資輓運臣因上年夏秋雨少湖河水弱即於九月間飭行道廳疏濬各泉令其匯歸汶河并委効力人員將汶水歸入馬踏蜀山二湖各口門沙淤之處大加疏濬使汶水收蓄湖內築壩堅閉以待新運至日放入運河浮送糧船今歲挑河工竣又檄行道廳多派効力人員分往各處查勘泉源泉河但有淤積沙草并汶河沙灘淤阻之處立即督令

泉夫上緊疏濬務令泉河暢流入汶由汶歸運涓滴不致阻滯臣猶不放心復親往各處查勘指示挑挖現今泉流通暢河水充足入境漕船已通行無阻若驚蟄以後雷雨時行則諸泉湧發源源輸灌更覺充盈臣因思山東河道為漕運咽喉諸泉又為運河之根源必得汛員常管不時查看泉源泉河應疏濬者即行疏濬泉眼應斲砌者即行斲砌蔭泉樹木以及泉河柳株應補栽者即行補栽庶泉水時出不窮方於漕運永遠有益查雍正四年內閣學士何國宗等雖經請設管泉通判一員

今其巡查並令有泉州縣親率泉夫時加疏浚但有泉州縣共有一十七處地方約千有餘里每處有六七十泉及十餘泉不等星羅碁布並不匯聚一方通判一人既不能一時遍及又不便濬完一泉又濬一泉濬完一處又濬一處致滋逾時遲悞每年雖差効力人員分路查勘疏濬而効力人員又未能長年經管且遠往疏泉設有要工即乏人差遣殊多未便其有泉之州縣印官雖興行水利是其責任然有刑名錢穀庶務紛繁亦不能時時率夫住宿逐泉挑濬以致碩此失彼此泉源無專

管之員而疏濬未免有名無實也臣查有泉之十七州縣內東平濟寧魚臺汶上嶧縣等六州縣有管河丞簿但各有經管河道秋冬挑挖運河積土帮堤春夏催備重運防護堤岸難以兼顧其餘十一州縣並無河員今若每一州縣增設一員即有一十七員吏役又數倍此數亦似冗濫惟有府州縣經歷州同縣丞等官均屬閒曹儘可令其就近兼管各泉董率泉夫以收實益請將東平濟寧二州泉務令各該州州同管理汶上滕縣鄒縣泰安滋陽寧陽六州縣泉務令各該縣縣丞管理平陰

萊蕪肥城三縣令泰安府經歷就近管理曲阜泗水二縣泉務令兗州府經歷就近管理蒙陰縣泉務令沂州府經歷就近管理其新泰嶧縣魚臺三縣並無縣丞亦無府首領可令就近管理查新泰縣有上泗庄巡檢所管地方無多尚屬空閒可令管理該縣泉務嶧縣與滕縣接壤該縣泉務滕縣縣丞可以兼管魚臺與濟寧接壤該縣泉務濟寧州同可以兼管仍聽管泉通判管轄地方一切公務管泉各員俱免其差遣該州縣泉源泉河及蔭泉樹木沿河柳株俱責令各該員督率泉夫不時

查者疏濬栽植冬間泉夫協挑運河亦令各該員
管押在各該員本屬首領佐貳閒員以之專司泉
務辦理裕如而泉夫有專員約束不致閒曠其州
縣印官應改為兼管官令其稽查催儻管泉通判
仍照舊不時往來巡查如泉流暢達樹木繁茂有
益運道量加議叙倘因循怠惰泉務廢弛即將專
兼各官分別詳叅該通判如不實力巡查通同徇
隱一并叅處如此則官不添設而事有專責諸泉
源深流遠于運道實有裨益臣因運道起見目覩
泉河情形悉心籌畫敬陳愚昧之見是否可行伏

乞

皇上睿鑒訓示遵行

奏覆閘河毋庸另立水則

奏為敬陳東省閘河水勢情形請仍舊制以免謬誤
漕運事竊臣于本年九月二十七日接准工部咨
開漕臣補熙摺奏江西湖廣糧船于雍正二年改
造十丈為率請嗣後閘河之水務以四尺為要部
議行令各該總河飭令沿河官弁務將閘河水勢
定以四尺為準實力挑挖如重運經臨之時水勢
不足尺寸致有淺阻起剥苦累旗丁等事該總漕
即行查奏等因奉

旨依議速行欽此欽遵移咨到臣除即嚴飭沿河官弁

遵照外臣查沿河官弁原有挑河催漕之責如河道淤淺不行挑挖致阻漕船自應立掛彈章豈容稍事姑息第挑河在乎人力而雨水則由天時如責挑挖河深尺寸不足查叅咎有何辭至于水勢消長不常深淺無定實難責以一定之數南北運河理勢皆同而于東省開河無源之水尤萬萬難行者也查東省開河非若江淮河漢源遠流長者可比全賴山泉之水從石罅泥穴中尺疏寸導引涓涓之細流會于汶河出南旺分濟南北流經千一百數十里歷四十八閘而後南出江南北達

直隸其間層層灌輸晝夜不息無崑崙之源多尾閘之洩加以春夏天氣日燥風炎尤易銷燥其不能使此水有長而無消者勢也況地勢高下懸殊南旺分水之處南高于臺庄百十六尺北高於臨清九十足勢若建瓴是以前人設閘蓄水以防傾瀉但上閘閉而下閘啟則下閘受上閘之水自必倍深上閘之水洩入下閘自必較淺其不能兩閘俱深者亦勢也至于長河距上下各閘有十餘里者亦有三四十里至七八十里者以十餘里之水輸于三四十里七八十里之長河其必不能如十

餘里之深者亦其勢然也況河水原本山泉必山泉旺而後河水足倘遇春夏之交雨澤愆期源微流細水有去路而無來源其不能不淺者又時勢之必然也伏查我

朝

聖祖仁皇帝康熙四年河臣朱之錫疏稱今歲三春迄于孟夏天旱源微設法積水終覺艱澁及五月得雨之後于七月十二日止南漕過濟共四千四百三十八隻尾船八百餘隻于九月初五日過濟等語是河水必資山泉山泉必因雨澤自昔已然今年

天時與康熙四年大畧相同所恃疏浚泉源關東湖水樽節蓄洩先事圖維復嚴下捱牌倒板並依潘季馴偶淺急疏之法多築束水逼水草壩臨時竭力資送南漕重船並未停捱待雨亦未船舡起剥而五月二十日已全數過濟較之康熙四年早三四月不止矣是未可以天旱水微之年與雨多水足之年較其淺深亦未可以偶值天旱水微而即謂河淺大興工役也明矣且查漕船載米不得過四百石入水不得過六捺空船以四捺為度載在

大清會典並非不經部議一時私定之成規前河臣朱之錫疏載治河書內亦有閘河運船載正米不得過四百石入水深不得過六捺六捺者三尺也故船力勝米力水力勝船力若不務足船而徒搭運以省船河力安能運船而漕大困矣歸咎無源之河何益哉等語則是自有運河以來已定有此水則苟可以過六捺前人又何為而反覆叮嚀筆于書而傳於後也且查向來六捺水則遇天旱之年尚亦不足未聞阻漕誤運即雍正二年江西湖廣兩省船式改長以來已十有餘載亦未聞年年淺

阻年年起剝良以水源無多而節宣有制蓄淺得宜以水送舟以人役水故多不至溢而少不至涸蓋惜水正所以利運也今一旦以江廣兩省船式改長而欲改數百年之水則定制不知船雖改長水源並未加多江廣兩省船式雖改其餘五省糧船並未改長今不問船之輕重大小槩定以四尺為度則是二月頭帮入閘河起至五六月尾船出閘河止數月之久千一百數十里之遠總須一律四尺必將所蓄湖水早為開放以敷水則臣恐涓滴如金之水消耗於無用之時前去後空迨至江

廣重船到時水已告竭反無可接濟是因儲運而增水必致耗水而誤運矣况運軍驕惰之習積漸已久近年稍稍斂戢今定以四尺水則沿河官弁不足此數則聽漕臣查叅將來運軍必以水勢不足借端停泊逗遛沿途貿易關闕生事又從此而起沿河官弁方懼罪之不遑豈敢再為稽查催儲是強河員難行之事而啟運軍驕惰之習此尤臣之所不能不鯁鯁過慮者也或者謂水之消長不常河之淺深有定責河員以挑河宜無辭矣臣又查日有運河以來歷年六小輪挑者止有汶上之

南旺臨清之磚板濟寧之天井三處塘河並滕縣彭口凡四處長不過七八千丈折算不過四五十里東省運河綿亘一千一百四十三里有奇除此四處大小挑外尚有一千一百餘里並未嘗尺尺而疏寸寸而導夫豈盡惜費而憚勞哉臣蓋深思其故有不能通行挑挖者二有不可挑挖者二有不必過于挑深者一南旺等四處係運河關鍵淤沙倍積是以定有二年一大挑一年一小挑之例歷年遵照于冬間熬壩斷流調集額夫添募鄉夫按夫挑土計工限日開壩通舟所挑此四處河道

係視受淤之深淺自一二尺至七八尺不等總以去盡淤壅浮沙以見河底老土而止其餘河道尚不啻有數十倍之多夫役不能遍及期限不能趕副是以從不動帑募夫挑挖惟令額夫于挑完四處塘河之後各回本汛擇淺疏浚順勢切挑期于河道淺深一律可以行舟不使淤塞膠阻而已此自有運河以來歷年挑浚之定例蓋額夫無多限期又迫其不能通行挑挖者一也即使請發帑金責令瀕河數十州縣廣募鄉夫一齊下河挑挖或可于數壩開壩一二月限內完竣不致漕艘停泊

守候然挑河必先築壩將河內之水車乾方可興挑若倒塘放水則候一塘挑完再挑一塘人夫雖多無可用力耽遲時日有誤開壩若處處一齊築壩河內之水於何收蓄不但安山以北無湖之處兩岸民田不便放水即安山以南有湖之處湖內已蓄有山水水面已高于河河水勢難放入即使多方設法放入湖內水勢過大不能保其不決堤而出仍瀉入河甚或汎溢奔放淪及民間田廬其不能通行挑挖者二也南旺一帶上承汶河之水挾沙而來當伏秋水發之時開放東岸常鳴等八

斗門將浮沙掣入南旺湖內若河身過於挑深則斗門底高於河底勢不能掣沙入湖而河內之積淤更甚矣此不可過於挑深者一也運河雖為漕船而設而南北往來差民船隻亦俱隨漕通行運河河面本不甚寬若執水聚則深之說止將河泓挑深僅可容漕船啣尾而進一切差民船隻無路可通而全河之水盡歸河泓兩邊俱係乾灘亦且泊舟無地況河身愈深愈窄則兩岸壁立形似長溝漕船亦難掉頭迴尾而兩船不能並行設有差民船隻迎頭而來置之何地且東省糧船回空多

在四五月間入山東境其時江廣等省重運糧船正在北上兩船相值必致頂阻此不可過於挑深者二也若謂就現在河身挑挖則水隨地落徒見河身低陷未見河水加增前明直隸巡按蘇惟霖疏云山泉之脉止有此數河身高則高受低則低受深淺相隨水之多寡不係河身深淺譬如置一極深土缶而注以杯水豈能滿溢與甌盅何異此不必過於挑深者一也且東省河道綿長若通行挑挖河泓以面寬六丈底寬三丈深二尺長一千一百餘里計算即需帑金一二十萬即挑深尺許

亦需十餘萬而河泓尚屬淺窄山水發時濁沙居半下止一線河泓上載深廣丈餘之沙水勢必水從上過沙停於下而河泓兩旁一受鼓盪撞激又必立至坍卸淤平年挑年淤更甚于前查雍正元年

特命員勦帑十萬擇段大挑宜乎河道深通漕運迅速乃查是年天旱河水僅一二尺薄漕漲大有親督疏浚官民交困仍以束水起剥逐程前進尾帮直至八月初六日過濟近年重運俱于五六月內過濟較之雍正元年又早一兩月是重運漕船北

上全賴設法蓄水加意節宣分合借助通融籌筭接濟所當竭盡人力者在此而不在河道之通挑與否又其明証也臣查沿河官弁原以距築為事今見更定四尺水勢不足查叅勢必借口將所管河道與南旺等塘河一例大請帑金興挑此例一開歲需數萬金不止臣身任河防深知其徒費無益豈敢虛糜

國帑上負

聖恩至旗丁領運漕糈經年勞苦原宜體恤但糧船起剥並非常有之事亦非近今創行之事前河臣朱

之錫疏內有云因重運而積水因倍載而剝皆運河不得不然之勢可見從前已有起剝之例今止江廣兩省糧船載多船重偶遇天旱水微僅船剝運一年所費無多一船所費更屬有限與其因此費

國家將來無限之金錢歲歲挑河增水以希冀于不可必之雨澤山泉不若酌給起剝之費所省實多况旗丁原給有行月漕贈錢糧並負重潤耗等項銀米給與沿途盤剝食用已屬寬裕例帶土宜貨物向止六十石今蒙

恩賞至一百二十六石

皇恩不為不厚其所帶貨物裝載現成漕船省納幾重關稅即偶一起剝所費者少而所獲者多似亦不為苦累臣既恐司漕弁丁將來以水勢尺寸不足借端停泊生事反致遲悞漕運復慮沿河官弁因畏叅處請帑通挑而究之河可浚深水不加增徒費

國帑無益漕運是以細察水源地勢歷考前人奏疏議論確有見於數百年循行有效之成法一經更張則來流弊必致謾誤反覆籌思種種難行謹詳

附

奏明伏乞

皇上俯鑒東省開河實與各省運河不同

准照舊制不必另定水則其河道亦仍照大小挑舊
例挑挖南旺等四處塘河其餘仍令額夫于挑完
四處之日各將本汛擇淺實力撈浚不必緊請帑
銀募夫與挑間有一二段淤沙較厚之處照雍正
八年之例勘估段落丈尺

題請酌量添募挑挖其重運經臨之時如有浮淤停
淤之處該管廳印各官立即多撥人大依法撈剔

務期一律通順不致梗澁膠阻亦不得即令旗丁
起剥漕米設遇天旱水微悉力設法疏泉蓄水或
下倒板或做樁牌並束水草壩果係人力難施方
令糧船起剥先剥貨物俟貨物剥盡并剥米石倘
印河各官平時不疏浚泉源泉河任其湮塞阻遏
水勢臨時久不住宿河干竭力撈浚應做樁牌草
壩不行上緊建置河臣即會同漕臣撫臣奏究倘
押運官弁藉稱水勢不足挾制停泊或額外多帶
貨物以致船重難行又不肯將貨物起剥漕臣亦
即會同河臣撫臣奏究如此則旗丁既不苦累而

沿河官弁與司漕弁丁又不致藉端推諉重運漕船自可早達

天庾斷不致有阻誤之事矣臣非好為異同亦非敢畏勞省費實緣關係河漕重務不敢不據實具

奏伏乞

皇上睿鑒諭示遵行

請定越漕啟板廳員處分

奏為請嚴東省閘河之漕規以重漕運事竊照東省運河自嶧縣臺庄閘至臨清州南板閘共計石閘四十八座名為閘河水無來源全在樽節蓄積俾盈科而進以資浮送漕船是以建置諸閘權盈縮以定啟閉所謂以人役水也自有運河即置石閘自置石閘即定啟閉漕規蓋上下閘座互為闔闢勢同呼吸毋論天旱之年惜水如金之際涓滴不容走洩即河水充盈而上下地勢相懸啟閉稍不如法則建瓴直瀉深淺不均漕船即有膠滯之虞

是以定例重漕船盛行之時差民船隻俱令隨漕過閘不許越漕啟板所以蓄水勢而重漕運也凡有河閘之責者均應恪遵力行乃庸劣閘員竟有畏威勢而不敢不啟者亦有瞻情面而不得不啟者更有縱令閘夫需索銀錢而私啟者從前查有此等情事雖將閘官叅處而其弊究未能杜絕臣思廳員俱有管理閘河稽察屬員之責一廳所管閘座無多就近易于查察但未定有處分在廳員無關本身考成未免稽查不力臣請勅部將閘官越漕啟板洩水誤漕該管廳員失察徇隱

分別定以處分則廳員畏懼叅處自必勤加查察而閘官懼于查揭亦必不敢私行啟板實于河漕大有裨益再查過往人員多誤為閘官藐視勒措不肯啟板憤怒逼迫是以俗有軟關硬閘之語謂閘可以恃強硬過不知山東閘河無源定有啟閉漕規與別處運河不同萬萬不便越漕啟閘有悞漕運臣查南旺熬壩挑河之時從前亦恐官民等船逼勒開壩所以每年咨請兵部頒發清字告示張掛官民遵守並無違犯今閘河可否亦照南旺熬壩挑河之例將重運糧船盛行之時官民等船

俱隨漕打放不許逼勒開閘緣由頒發清漢告示
一張刊刻木榜監立各閘永遠遵行庶過往官民
皆知漕規定例如此非係閘官藐視勒稍自必凜
惕遵守不致有憤怒逼迫之事弊端可以永杜而
漕規得以整肅矣臣因漕船運道起見謹恭摺具
奏是否可行伏乞

皇上睿鑒訓示遵行

請將臨清軍橋等夫一例挑河并請巡漕御史協

查挑河事宜

奏為謹籌挑河事宜以收實效以利運行事竊照東
省運河為漕艘經行要道因河無來源必藉諸山
之水山水發時挾沙帶泥而來水過沙停每歲山
水必發一二次河內淤沙必積一二尺至數尺不
等如議大動帑金通行挑挖則自南至北綿長一
千一百數十里種種不便臣前于蒞陳東省閭河
水勢情形等事摺內已詳細

奏明在案通挑既勢有所不能淤沙又碍于僨運計

惟循大挑小挑之成規藉長夫募夫之力作悉心籌畫竭力經營多挑一日即多一日之工程多挑一段即少一段之淤沙庶可以收實效而利運
行臣自雍正十三年蒞任河東已經過大挑一次小挑一次留心諮訪加意酌籌如從前募夫所挑河道錢糧必俟次年七月內始行

題銷稽遲歲月工帑均難查核堪用器具日久夫散遺棄無存次年重費錢糧殊為可惜經臣

奏請工竣之日即驗看工程清查器具定限三個月內報銷工程得以及時查核器具亦得選擇留用

循行已經兩載頗有成效又熬壩日期往往俱在十一月二十日以後天氣愈遲愈寒冰凌愈積愈厚夫役鑿冰岸泥既苦寒慄且壩一日不開湖河之水亦多洩一日不無消耗水利經臣會同

欽差侍郎臣趙殿最等奏請改期於十一月初一日熬

壩奉

旨俞允在案今查挑河事宜尚有應行斟酌者謹為我皇上敬陳之一限期宜寬展也臣查從前係十一月二十日以後熬壩挑河二月下旬開壩限于時日難以寬緩是以各夫領挑河道限定六十日三十五

屆時必得增錢轉募跨夫以儉工程趕副限期每名每日所得工食六分內除去此銀大跨夫二項計每日止得銀四分及四分餘第不等臣細加體察銀夫必不可少跨夫可以減省與其日給銀六分而出錢跨夫不若寬期挑完日給五分省其添跨得沾實惠且每名日給五分較之從前四分已多得一分工食鄉夫實所樂從其餘剩一分銀兩又可為請展十五日夫食之用臣已於本年大挑案內具疏
題請如蒙

聖恩俯允則嗣後大小挑募夫工價俱照每名每日銀五分給發灝河力作貧民得免添跨儉工沾沐皇恩千無既矣一長夫宜變通也臣查運河各廳額設兵淺程開等長夫遇大挑之年俱撥赴南旺臨清並濟寧等處塘河協挑小挑之年運加捕上下各廳額設夫役亦俱一例協挑各處塘河俟挑完之日始回本汛挑浚未免忙迫臣查河道攸關漕運必得一律通暢方可以資輓運應請嗣後各廳額設長夫如本汛有應挑淤淺視段落多寡於沙厚薄或應全留或應酌留若干名俾在本汛挑浚其

多餘之夫再撥赴南旺臨清等塘河協挑廢無顧
此失彼之慮再查泇河廳屬滕汛之彭口素稱古
淺每年山水暴漲淤淤最厚工段又長乃大挑募
夫止三百名小挑募夫止一百名人力實屬不敷
查該廳屬泇汛撈浚水口噴沙工程尚少該汛大
挑募夫有四百名小挑募夫有二百名尚可減省
應將該汛大小挑募夫各裁去一百名加添滕汛
大小挑各募夫一百名則酌盈劑虛彭口要工不
必增帑添募而人夫已可敷力作矣一軍夫宜盡
一也臣查運河額次長夫工食俱經詞任河臣今

大學士臣嵇曾筠

題定每名歲給工食銀一十二兩外給器具銀八錢
惟德州衛軍淺夫八十名向不協挑塘河每名每
年止給工食銀七兩二錢又平山衛軍淺夫七名
半亦不協挑塘河每名每年止給工食銀七兩七
分六厘零又濟寧衛軍夫二十五名止力役半年
協挑塘河每名止給工食銀六兩食用不敷移向
該衛軍戶幫貼今幫貼奉

旨革除此項軍淺夫食用不敷援例呈請增給查該衛
等軍夫工食較之各處額夫委屬短少應請一例

增銀十二兩長年力作于大小挑時亦一例協挑
臨清濟寧塘河此外尚有臨清橋夫十八名向因
河道衙門徵收磚板開稅銀令其稟報船隻並不
挑河每名每年工食銀十兩八錢今磚板稅務已
歸大關此項橋夫應歸汛力作并下臨清大小挑
時一例協挑每名每年增給工食銀一兩二錢以
足十二兩之數又有六里石閘夫三十名亦不協
挑塘河每名每年工食銀十兩八錢查各閘閘夫
係因啟閉辛勤每名歲給工食銀一十四兩四錢
亦應請一例增給銀三兩六錢以足十四兩四錢

之數令其協挑彭口淤沙如此則各夫工食俱得
畫一雖此三項軍閘橋夫工食稍增而以之協挑
塘河即可省募一百六十名之鄉夫所省較多于
天役既無偏枯于工程亦有實益一器具宜整脩
也臣查東省河道綿長千有餘里省誌開載古淺
甚多如加河廳屬之彭口運河廳屬之小長溝磨
鏹溝上河廳屬之板閘口門下河廳屬之爛泥淺
窪南門窪北門等處或係濁流奔注水去沙停或
係土性疏散離卸河淤或由沙靡定東去西生或
凝聚無常上凝下滯雖預為極力挑挖仍須隨時

勘河廳置有刮板一二副缺唇一二具
臣取閱式樣于刮沙唇泥尚不如式已酌定式樣
令其改造臣請令管河道照式置備刮板四十副
缺唇一百具加謹收貯以備臨時撥發疏淤之用
又推牌板片為蓄水必用之物向例借之附近鋪
戶不但鋪戶不便亦且不能應手亦應置備六百
塊收貯應用以上各項所需工料銀兩無多有臣
清理年久廢壞器具變價一項可以動用不必另
動錢糧 舊查宜嚴密也臣查巡漕御史歷年係

十二月內

欽點派往正月中旬抵淮今經部議令一員駐劄濟寧
較之淮安更近到濟自必更早斯時東省尚在挑
挖運河人夫齊集之際南漕船隻尚未過淮該御
史與其在濟坐守曷若于所巡地方內河道協同
總河臣上下往來稽查督率如有淺流之處立督
加挑亦易為力況河道情形預為察勘熟悉臨時
亦可設法催催斟酌節宣不致緩急無序不惟有
益河工亦且有裨漕運臣請嗣後巡查山東漕運
御史

欽點之役即行起程早到濟寧與總河臣督察勘視大
小挑工程如有監挑廳汛各官不上緊督率兵夫
實力如式挑挖或瀕河州縣僱募人夫尅短工價
等弊即會同河撫諸臣指名

題參庶稽查更為嚴密于河漕均有裨益以上六條
臣因經歷三載細加籌畫雖率由不外乎舊章而
損益實關于切要是否可行伏乞

皇上睿鑒訓示遵行

奏覆東省辦賑一案

奏為謹

古確查辦理據實

奏覆事竊臣於乾隆二年閏九月初四日在曹縣黃
河工所接准吏部咨開吏部摺奏戶部侍郎臣趙
殿最等奏山東省平糶查賑辦理不善一摺奉
古依議着派白鍾山辦理欽此欽遵移咨到臣臣即一
面嚴飭山東司道開報應參職名一面檄行山東
管河道王鴻勳逐細確查並密遣効力人員及標
營武弁分往察訪復將趙殿最等原奏糧道廣壽

查賑城武縣飢民任意刑抹被衆圍罵扯轎毆後
情急哀告不分貧富濫賑一條密諭黃河同知胡
在穗就近查察并調河南署河北道開封府知府
張受長就便至城武縣親查確實詳報又原奏德
州平糶因回戶爭買民人將監糶吏目驛丞逐打
并糶價忽增忽減及被淹村庄并不查賑一條密
諭下河通判郭有寧及德州管河汛員就近查察
并提監糶吏目驛丞經管賑糶書役到案發管河
道訊問又原奏東平州老民老婦有開無領
恩賞冒濫一條飭令管河道王鴻勳赴州確查并以

過

恩賞花名印冊派委効力官四員分往四鄉按冊查照
去後今據缺道廳及各委員先後回覆前來與臣
差往密訪員并訪查回覆情由逐一查對俱屬相
同臣查糧道廣壽奉委城武縣監賑與未到縣之
前委員復查自七月初五日至初十日增刪未定
廣壽於初十日到縣復委多員于十一日查點限
當日回話倉猝傳喚各村貧民有前未入冊跟隨
求賑者即許添入有前已入冊因出外傭工乞食
不到者即聲言刪除民情惶急十二日廣壽復飭

城武縣復查增刪另造清冊遂往鉅野縣行至城武南魯集地方有鄉民約二三百人攔路求賑內有鳴鳳村張九器北小房村民王忠二名廣壽因其年老面准給賑餘俱未准旋即散去並無扯碎坐轎毆打跟役情急哀告之事此廣壽在城武縣之情事也臣查廣壽未委查賑既不能親身確查所委之員又止限一日勢不能挨戶查點以致委員止將應賑貧民傳集公所但以口說為憑將有地上藝業及雖無地土而年力少壯可以傭工者均行刪減核之該縣原報戶口計刪減八十八戶

其張九器王忠又不查其是否應賑即許添入致招民怨是廣壽雖無被衆圍毆役濫賑情事而任意增刪查賑未協咎實難辭又查德州平糶係四月初八日開倉在城內十方院及四鄉黃河崖徽王莊遙臨鎮四處設廠分委佐雜人員監糶十方院廠係委署吏目沈曰俞徽王莊廠係委驛丞張問德原定每人止許糶穀一斗每斗小錢一百文前署知州恩縣知縣張文燦詳明加錢二十文物議紛紜買者甚少四月二十七日仍減去二十文糶至六月二十一日停止此德州平糶之情事

也至閭戶爭買男婦各持磚石逐打吏目驛丞並
無其事惟查本年三月間糧道廣壽委庫大使李
器平糶道倉米穀人多擁擠買穀人等因守候多
時將沙土洒入厰內者有之又有生員索二瞎子
即索國櫓赴厰買穀因目失明撞確李器彼此以
藥隨經索二瞎之兄索國柱與伊親族起報並在
厰衆人解勸與李器服罪而散此庫大使李器監
糶不善訛傳逐打吏目驛丞之由來也臣查德州
平糶既在城鄉設有四厰印官一身自難兼顧而
每戶限定一斗閭戶亦難與販再四察查委無民

人因閭戶爭買逐打吏目驛丞之事雖加增穀價
不合輿情但平糶照市價量減係原任河東督臣
王士俊

題定之例諒州詳明增減並無侵隱別情應毋庸議
又查東平州原報八十以上老民六百三十八名
後因布政司駁查刪汰一百四十五名原報七十
以上老婦八百一十四名刪汰四百七名八十以
上老婦三百八十五名刪汰八十二名共刪汰老
婦四百八十九名或因年歲未符或因隣族不肯
具結或因本人口報與冊內年歲互異俱係應行

刪汰之人惟有八十以上老民張世美張有才鄭希賢馬國用何世王李月方武起八十以上老婦孫韓氏李霍氏九十以上老婦王楊氏年歲相符實屬遺漏前日在趙殿最前喊告者即係張世美一人倡首至查冊報已領

恩賞老民五百二十五名老婦七百二十二名委員查點內有老民四十二名老婦三十六名據本人及家屬供稱並未領銀或係胥役侵蝕今聞點始給鄉保轉交並自行暗送及尚未吐還者或係鄉保冒領自行承認或係親屬代領及隣人頂領或原

係捏造謊名本無其人或係一人而兩處報名俱經一一查出並據諛州兩次詳報戶書張端張希程李學易張由等民壯李坤山等鄉保孟仰曾冒領各姓名前來臣查

恩賞老民老婦銀兩自應確查按名給領何得假手書役鄉保以致遺漏頂冒侵蝕種種滋弊則疎忽遺漏與失察衙役侵冒之咎實不能為前任東平州知州馮元美現署東平州東阿縣知縣金鴻寬也至查原奏德州三里庄被泮三十餘戶止報八家尚有二三戶係地方冒領老王官店于家店李家

庄琵琶店小楊庄俱被水患並不查賑等語臣查六七月間查賑原係被旱貧民其趙殿最等到德州時係在前九月初旬其時秋禾被水地方尚未查賑安有遺漏冒濫之事此必係傳聞之誤又查原奏恩縣武城平原齊河德平沂水滕縣重責鄉地匿災不報臣查此數縣內沂水一縣夏麥收成五分以上秋禾收成有七八分並無鄉地報災亦無責打之事其餘六縣或已報旱災或已報水災並未隱漏應毋庸議所有查賑未協之山東糧道廣壽監糶不善之庫大使李器遺漏老民老婦之

東平州前任知州馮元美失察衙役侵冒

恩賞之現署東平州東阿縣知縣金鴻相應指名叅奏以聽部議書役張端等係因委員查點始行出首仍應照律治罪所侵銀兩着落張端等名下照追解領遺漏老民張世美等十名按名補給再查趙殿最等原奏平糶府州縣奉行不力查賑不善並老民老婦

恩賞浮冒等事俱係舉一處以例其餘臣于糶賑州縣逐一查察州縣平糶穀廠俱設有四五處及三四處不等並非止係城中一處至棍徒囤戶通同吞

役爭買再四查訪實無確切姓名証據其州縣查賑大抵俱係先分極貧次貧又於一戶口數內將強壯丁男可以謀食者刪減委係實情即府州縣亦各承認不諱至查登萊二府麥收豐稔原未報災查賑其武定曹充等八府屬實係被旱並非濫行賑濟且據各府開報賑濟穀數無多統計五十餘州縣賑穀不足二十萬石並無糜費一百萬石之多其無濫賑可知臣查應賑之戶既經查明自不應再減其口數但旱災地方賑務久竣且秋禾已收之處小民可以度日毋庸再行補賑其秋禾

又初水災之處統請于水災案內賑恤亦毋庸另行補賑至

恩見老民老婦銀兩通省州縣皆有此項其中不無如東平州書役鄉保親隣侵蝕冒領頂領之弊可否仰懇

皇上天恩

勅諭撫臣嚴飭各州縣於兩個月內自行查出有報應給領者給領應解繳者解繳如逾限不行查報該管上司即委員赴鄉按冊查點一經察出前項情弊即行嚴叅再臣更有請者秋禾被水貧民現經

撫臣遵照新定之例將極貧民人散給口糧一個月但時方初冬距來歲麥收尚遠冬秋之間貧民不免乏食臣仰體

皇上視民如傷之至意懇請再加賑兩個月口糧次貧民人一體查賑至被旱又被水之處兩季歉收春夏即苦拮据秋冬更屬可知較之被一次水災者尤覺艱苦懇

恩加賑三個月即於十一月起按月賑給其有地土不在應賑之內者酌量借給倉穀以濟賑濟之不及其有糧價昂貴之處即令該州縣開倉平糶確核

一定價錢寧比市價輕減不必隨時量增如本地倉穀已完即撥隣近倉穀濟糶或即令穀多之州縣于災邑隣近之鄉村開糶以平市價又可濟賑借之不及如蒙

皇上恩允懇請

勅下撫臣及藩司嚴飭州縣有司悉心辦理妥協務令民沾實惠則東省災黎自無一夫不得其所感沐浩蕩

皇仁於億萬斯年矣再據署河南河北道開封府知府張受長詳稱經過觀城縣城北一帶地方接連朝

城縣西北至東南各村前經旱災秋禾復被水淹
收成歉薄民多乏食等語臣查現奉

恩旨直隸山東勘不成災之地方格外加

恩或貸與社倉穀石或借給籽種銀兩

皇恩普被千古未有今查觀城縣未經

題報水災臣已飛行新任布政司確查如係勘不成

災即遵

旨酌量借貸毋致失所如竟係諛縣隱匿不報即將匿

災職名詳報查叅理合一併

奏明臣謹將遵

旨辦理緣由並查察地方情形謹據實覆

奏伏乞

皇上聖鑒施行

謹籌東省被災州縣應辦事宜

奏為謹籌東省地方亟應辦理事宜仰祈

聖鑒事竊照東省糴賑不善等事欽奉

諭旨派臣辦理臣因細察地方情形悉心酌籌所有現今亟應辦理事宜謹為我

皇上敬陳之一兩次被災州縣應徵漕糧宜請改折也臣查東省州縣今歲旱澇相仍通計兩季全收者僅十之五六地方所產米糧自較往年減小必得米糧多留于地方庶使小民不缺于食用臣思漕糧攸關兵精原應徵收本色但東省額徵漕糧被

災州縣已居大半臣不敢妄請緩征亦不敢堅請改折惟兩次被災之處春既被旱秋又被澇小民竭終歲之力無升斗之獲較之止被一次水災或一次旱災者尤為拮据伏查會典開載東省永折米每石改征銀八錢可否仰懇

聖恩將此兩次被災之濟陽禹城臨邑長清陵縣德州平原德平高唐恩縣聊城清平莘縣陽穀壽張朝城等十六州縣本年應征漕糧准照此例改征折色則小民既可免貴價糴買運送交納種種之耗費而地方留此十餘萬石之米糧民食又覺充裕

實于民生大有裨益臣細訪東省漕糧雖定限十月內開征而州縣催比多在十一月初旬如蒙

皇上恩允即懇

特頒諭旨令撫臣飛飭該州縣即行折徵則億萬蒼黎聞

命自天歡聲載道矣一被水州縣應徵黑豆宜請緩征也臣查五穀之中惟豆苗最畏水渰一經被水根葉朽爛非若高糧黍穀出水稍高者可比東省齊河等三十一州縣俱係七八月間大雨連綿以致秋禾為積澇所傷其時豆苗尚未長發被淹尤甚

即間有收穫顆粒亦不能圓滿民間辦納黑豆未
免艱難可否仰懇

皇上天恩准將被水州縣本年應征黑豆緩至來歲秋
成後帶征雖為數無多而被水小民目前不致竭
蹙輸將咸沐

皇仁于無既矣一本地國戶宜請嚴禁也臣查東省沿
河地方如夏鎮濟寧張秋臨清德州等處原為米
糧聚集之地但今歲疊經水旱米糧本自無多加
以紛紛搬運處處收囤米糧日少一日糧價日昂
一日濟寧近今數日內每石陡長銀二錢此時正

在秋收之後河路通行之時尚且如此若至冬間
本地米糧愈少而江南淮揚山東濟寧一帶又煞
壩挑河河路間隔外來米糧不能前來糧價又必
愈加騰貴不可不預為籌慮臣思隣省告糴自無
遏阻之理惟本地富商大戶挾其厚資囤積居奇
動盈千萬以致糧少價昂歉收之處小民買米維
艱臣請

勅下撫臣嚴飭地方官速行實力禁止則囤積者少米
糧自多市價自平雖富商大戶未遂謀利之心而
被災窮黎可免艱食之虞矣一民用制錢宜請疏

通也臣查歛收之處錢價必貴蓋緣錢糧緩徵富戶無用錢銀之事則以錢易銀者少倉糧平糶升斗必用錢文則小民以銀易錢者多奸猾錢舖即乘机兌換高槿錢價現近沿河一帶向來紋銀足錢一兩換大制錢九百文今止換七百七十八文五六十文不等小民質貨售變所得色銀折色加錢重重折耗尚不能足此數臣思錢文為民間日用之所必需今地方錢少價昂甚于小民不便臣請

勅下撫臣嚴飭平糶州縣將所糶錢文有未經易銀者

勒限全行發換俾制錢流通錢價平減庶可便民而利用抑臣更有請者臣屢准雲撫臣來咨每年解運京錢三十四萬四千六百三十二串零自本年三月起陸續運至漢鎮來歲二月間轉運至京臣思東省現在錢少價昂不便小民可否仰懇

皇上天恩酌撥數萬串令雲南湖北撫臣將已運到漢鎮並現今運到者先即撥運東省交與撫臣委員收貯沿河地方凡附近標營應支兵餉與夫奉旨興修工程應動錢糧雇募人夫之處即將此錢文搭放給發照數扣銀解部則地方內增此數萬錢文

價值自必平減而兵民得免兌換折耗更沽格
皇恩即或滇錢運到稍遲而奸商舖戶一聞將來有撥
到滇錢如許知無厚利可圖亦不致囤積擡價則
錢文漸多錢價漸平亦與小民有益以上四條臣
目擊地方情形如此仰體

皇上天心仁愛曲體民隱無微不至是以敬抒愚昧之
見據實

奏請臣言是否可採伏祈

皇上睿鑒諭示遵行

奏東省各工分別緩急辦理

奏為奏明事竊臣節次准到部咨議准戶部左侍郎
臣趙殿最會同臣等查奏山東運河應修閘壩等
項工程臣俱已遵照轉飭管河道並濟東道勘估
詳題臣復上下往來細心查勘通盤籌算若土石
各工一時並舉不但工費浩繁抑且難得如許妥
當人員派委承脩况運河以內止回空已過之後
重運未至以前約僅三月可興工役工多期迫亦
恐不能一齊告竣有悞運行轉多不便必得分別
緩急孰先孰後次第辦理方為妥協若其中尚有

可以取資舊料不必動帑或額夫可以力作不必另募并工程尚屬穩固可以減省者更當悉心斟酌深思熟籌以省糜費臣逐細確查如原

奏請修橋閘涵洞有柳林閘馬家三空橋臣於河水消落之時徹底查看上下均屬完固足資宣洩止須照例隨時修葺毋庸請帑大脩又何家壩涵洞原請將兩層土壩各建涵洞一座使汶水洩入支河出劉老口石頭口歸入運河以殺汶水之勢保護民間田廬今臣細看地形水勢原築內層土壩本屬低矮汶河水大尚可滾瀉而出止須再

加剗削平坦即在該處舊廢石壩內揀選現存石塊填砌毋庸動帑採辦便成滾水之壩汶河水大由此滾瀉出外層土壩內涵洞歸入支河是該處止須在外層土壩內建設涵洞一座其內層土壩不必又建涵洞以上橋閘涵洞均可減省以節帑金者也又查七級師庄萬年三閘雖間有坍塌損碍啟閉應行緩脩其戴廟新店寨林等庄四閘損裂較甚應行拆修滿家三空橋邵家單閘雁翅埧卸橋洞傾圯應行修葺均應于來歲春夏之間採辦木石運工脩貯一俟回空過完即行興脩至六

豫東宣防錄 卷三
里石閘太低部議令會同總漕巡撫酌議臣現將該處河道情形并應否照依近年填墊草土以護行船並兩旁添做雁翅以便糧艘挨順過閘毋庸加高閘石致阻水勢緣由咨商漕臣撫臣俟會商定日具

題請

旨遵行又查恩縣四女寺德州哨馬營二處應挑支河應築堤壩等工查係宣洩運河盛漲之水保護直隸山東一帶地方民田最關緊要其陳公堤缺口九處部議以缺口原係民間利洩坡水今應否建

閘或仍留缺口之處順從輿情今詢據該處居民僉云如留缺口則鉤盤河內水漲必致倒灌民田今塞口建閘啟板可洩坡水入河閉板可免河水倒灌實所樂從等語是堵塞缺口建閘啟閉實協輿情又查武城縣城外運河部議或應改挑河道或令建壩之處會同巡撫勘議臣今在武城與山東撫臣法敏相度形勢該處舊河河身甚窄建壩斷難挑溜城池漕運攸關匪細公同商酌必得另挑河道以避其衝不但運行便利抑且城垣可免冲刷實為萬全以上挑河築堤均係應脩之土工

且恩縣德州一帶附近地方今歲多被旱澇冬底
春初不無乏食貧民若興舉此項土工募夫力作
更可寓賑于工以仰副

聖主愛養黎元之至意所當亟應興舉者也又查蜀山
萍湖應築圍堤關係蓄水濟運今歲夏秋之間山
水盛發當經臣嚴飭該廳汛官加意收蓄現今運
河熬壩湖水必更加增堤工尤為喫緊臣已飭管
河道先將卑矮单薄最甚之處酌動銀兩令地方
官催募附近人夫上緊修築以資攔束一面催令
遵照部文清理官民界址通行估計造冊詳

題亦於來歲青黃不接之時募夫挑築以便貧民赴
工力役餉口除催各道照例分案造具估冊陸續
會

題外所有臣節次准到部咨東省應脩各工一一遵
照確勘酌議分別緩急次第辦理緣由謹恭摺
奏明伏乞

皇上聖鑒

請東省河夫閏月銀兩起解道庫
奏為據實奏

聞事竊查東省州縣額征河夫工食銀兩俱係連閏派
徵遇閏起解河庫支發各夫食用如無閏月之年
則扣存該州縣庫此歷來成例也但此閏月銀兩
州縣賦役全書係每年按十二日之數派定帶征
計兩年半已征足一月之數如五年二閏則係兩
年半增一閏月所解恰符所徵之數如三年一閏
則三年帶徵銀兩共有三十六日之數除起解外
即餘六日之銀存留州縣庫矣是為閏餘銀兩州

縣並不儘數起解亦不分晰報部內部無從查考
相沿已久州縣竟將徵存之正賦視為羨餘之私
項任意動用甚至轉展無着臣前飭令管河道徹
底清釐屢檄嚴催茲據該道王鴻勳查明詳覆此
項自康熙十五年起至雍正十三年止除解支閏
月工食外共應存銀六千二百八十六兩零內解
到道庫銀五百五十九兩零現存州縣庫銀四千
三十九兩零民欠銀七百一十八兩零解過江南
淮徐道庫銀二百八十九兩零詳明前任河臣批
免銀三百八十一兩零寧陽縣修理堽城壩動用

銀三百兩無着銀五百五十八兩零並將民欠無
着二項循照往例詳請批免前來臣思錢糧絲毫
為重此項閏餘係於地丁銀內徵派實為正項錢
糧上關

國賦下係民膏豈可一任州縣存留全無稽考以致
官侵役蝕日久無着所有現存州縣庫銀自應速
行提解道庫以免侵蝕虧缺其批免銀兩因何批
免起解江南河庫銀兩果否解交並無案據均應
確查至私擅動用及捏報民欠無着銀兩應即照
例勒追臣不敢以為數無多將正項錢糧擅行批

免當經駁飭諛道確查追解仍令造具細冊詳送達部在案但此閏餘銀兩從前因州縣扣存未解又不報部核銷以致年深日久種種弊混嗣後各州縣帶征閏月銀兩飭令按年全數起解河庫收貯除遇閏支給外餘俱留為河工之用每年奏報案內將此項解收支存各數分晰開造報部查核案錢糧按年清楚官吏無從侵混所有臣清查餘銀兩並改解河庫緣由謹據實奏

聞伏乞

皇上聖鑒

武城縣估挑引河

題為遵

古會議事該臣會看得東昌府屬武城縣城垣在運河之南其東北一隅坐當頂冲城根日漸坍塌緊逼城下後前修建磚工因地係流沙根底虛鬆伏秋汛內汶漳衛三水洶湧而來冲激汕刷磚工上實下虛俱已蟄裂坐陷經臣與撫臣法敏飭行管河道率同邱河各官細加查勘北岸形勢如便于挑河即確估具詳倘形勢不便挑河于諛工上首建攔挑溜以護下工嗣

欽差侍郎臣趙殿最等經過其地會同查勘酌議

奏請接准部咨仍令臣會同撫臣親臨相度據實會
核具題臣與撫臣法敏復同詣該處逐細查勘北
岸挑河計長三百九十丈形勢頗為順便至該處
舊河河身甚窄建壩斷難挑溜城池漕運攸關匪
細臣等公同商酌必得另挑河道以避其衝廢運
行便利而城池可免冲刷實為萬全且查該縣並
隣近德州一帶地方今歲多被旱澇冬底春初若
興舉此項土工乏食貧民又可赴工力作亟宜舉
行以仰副

聖主愛養黎元之至意經臣將應修各工分別緩急次
第辦理緣由繕摺具

奏欽奉

皇上硃批照臣所奏辦理臣即欽遵移咨撫臣酌發司
庫銀兩令該縣催募鄉夫及時興工並飭山東管
河濟東二道派定工段人員並將夫工銀兩核實
確估照例造冊詳

題去後今據該道王鴻勳詳稱查估挑引河自清涼
寺前起至大調嘴庄後止共長三百九十丈口寬
二十丈底寬八丈深二丈四尺共需土方銀一萬

六百一十四兩二錢四分又估建欄水夾土埽壩
後帮土戲計長三十六丈六尺共銀三千四百四
十五兩五錢七分一厘九毫又新河頭下唇估修
裹頭埽個三面共長二十丈共銀四百六十三兩
九錢八分三厘二毫以上通共估需土方工料銀
一萬四千五百二十三兩九錢九分五厘一毫委
係實工實料並無絲毫浮冒擬合造冊詳送會核
題估在于山東布政司庫乾隆二年地丁銀內動支
興挑並請一而共

題一面發帑以便乘時興挑償還並用民人田地

現催武城縣將應紿地價應豁糧銀查明另行造
報合併聲明等情冊詳前來除飭山東布政司速
發銀兩令武城縣領回上緊募鄉夫辦集料物
並飭管河濟東二道作速派定工段人員築壩興
挑務于四月以前完工放水行船再將舊河堵塞
以免沃水冲刷城工不致遲悞並將原冊送部查
核外相應會同山東撫臣法敏江南河臣高斌合
詞恭疏具

題伏乞

皇上睿鑒勅部議覆施行

估計南陽利建邢庄丁廟四間

題為謹陳東省運河閘座情形分別緩急次第興修
仰祈

睿鑒事 該臣查得東省運河閘座多係建置年久不無
動損臣于乾隆元年五月間

奏請分別緩急次第修葺先將坍損過甚之阿城荆
門梁鄉土橋等四間

題估興脩業經完工造冊

題銷在案所有丁廟臺庄利建邢庄等五閘原經
奏明俟冬間水涸之時親詣確勘應修應拆據實奏

開請

旨遵行臣于去冬今春屢次來往逐間勘明堽庄一間雖兩面牆石滲漏而雁翅金門俱屬完整止須多用石灰漿汁灌艖尚可啟閉南陽利建邢庄等三間雖普面海漫損壞雁翅牆石亦多蟄裂而金門槽石俱屬整齊間底地平亦未破碎尚可下板蓄水止須將周圍牆石及金門蟄裂之處悉用油灰蘇艖一切中空石縫多灌漿汁其海漫及下層碎石拆去按照存舊添新之法更換新石作面舊石巖裡海漫石後加三合土普面填實一律平整可

資鞏周均毋庸遽行拆脩惟丁廟一間雁翅坍卸通身滲漏難以束水金門槽石頽壞不便啟閉底石亦率破碎樁木並皆歪斜必得徹底拆修方可束水濟運經臣指示山東管河道分別確估去後嗣經

欽差戶部左侍郎臣趙殿最等來東臣復會同查勘會摺具

奏部覆詳細確估

題請興修茲據山東管河道王鴻勳詳稱修補南陽閘估需工料銀九百八十四兩九錢三分七毫四

忽利建閘估需銀七百四十二兩二錢四分二厘七毫二絲邢庄閘估需銀七百一十七兩三錢四分四厘八毫八絲丁廟閘徹底拆修估需銀八千一百三十八兩二分二厘五毫以上四閘通共估用銀一萬五百八十二兩五錢四分八毫四忽復按款查核悉符潛覈其所選舊石以及各項工料亦俱減中又減並無浮冒相應照造清冊詳送伏候會核

題估在于山東布政司庫乾隆二年地丁銀內動支實為公便至臺庄一閘兩面牆石滲漏之處飭令

廳印各官多脩灰漿灌艍堅實以資收束無碍運行請俟南陽等閘告竣之後相其形勢再為酌估請修等情冊詳前來臣復親勘確查無異除將原冊送部查核外相應會同山東撫臣法敏江南河臣高斌合詞恭疏具

題伏乞

皇上睿鑒勅部議覆施行

恭報秋汛安瀾

題為恭報秋汛水勢情形事據署河南懷慶府黃河
同知事山東兗州府管泉通判吳廷清呈稱所屬
孟縣武陟滎澤三縣屬內黃河北岸水勢自十月
十二日立秋起至九月三十日霜降止陸續共長
水三丈九尺二寸共消水二丈七尺二寸除長落
相抵外淨長水一丈二尺一切堤埝工程竭力修
守俱各保固平穩又據開封府上北河同知許佩
璜呈稱所屬原武陽武封邱三縣境內黃河北岸
水勢自七月十二日立秋起至九月三十日霜降

止陸續共長水三丈九尺八寸共消水二丈七尺四寸除長落相抵外淨長水一丈二尺四寸一切堤埽工程相機修防俱皆保護平穩又據開封府下北河同知胡相呈稱所屬祥符陳留蘭陽儀封四縣境內黃河北岸水勢自七月十二日立秋起至九月三十日霜降止陸續共長水四丈四寸共消水二丈七尺八寸除長落相抵外淨長水一丈二尺六寸一切堤埽工程俱竭力修防保護平穩又據署開封府上南河同知事懷慶府沁河通判張允休呈稱所屬滎澤鄭州陽武中牟四縣境內

黃河南岸水勢自七月十二日立秋起至九月三十日霜降止陸續共長水三丈九尺八寸共消水二丈七尺四寸除長落相抵外淨長水一丈二尺四寸一切堤埽工程加謹修防竭力搶護得保平穩又據署開封府下南河同知事効力州同張廣居呈稱所屬祥符陳留蘭陽儀封四縣境內黃河南岸水勢自七月十二日立秋起至九月三十日霜降止陸續共長水四丈四寸共消水二丈七尺八寸除長落相抵外淨長水一丈二尺六寸一切堤埽工程加謹修防俱各保護平穩又據署歸德

府管河通判事効力知州孫浙呈稱所屬商邱考城虞城三縣境內黃河南岸水勢自七月十二日立秋起至九月三十日霜降止陸續共長水四丈一尺共消水二丈八尺除長落相抵外淨長水一丈三尺一切堤埽工程加謹修防搶護俱保平穩又據署懷慶府沁河通判事効力知縣張傳呈稱沁河水勢自七月十二日立秋起至九月三十日霜降止陸續共長水三丈九尺七寸共消水二丈九尺四寸除長落相抵外淨長水一丈三寸一切堤埽工程俱各搶修平穩又據署山東曹州府黃

河同知事効力廕生胡在穗呈稱所屬曹單二縣境內黃河北岸水勢自七月十二日立秋起至九月三十日霜降止陸續共長水四丈一尺共消水二丈八尺除長落相抵外淨長水一丈三尺一切堤埽工程俱各竭力修防護保平穩各等情到臣據此該臣會看得秋汛綿長正加謹修防之候而沁黃交漲尤工程險要之時今年入秋以後沁黃兩河水勢疊次漲發臣凜遵

聖訓嚴督屬員加意防護並廣貯料物堆積充盈有備無患臣復上下往來調度督率道廳營汛等官亦

皆遵照指示凡迎溜頂冲汕刷蟄陷之處俱即相機搶護仰賴

皇上聖德懷柔

河神默佑南北兩岸工長一千二百餘里在在穩固今據豫東一省各廳呈報秋汛水勢自七月十二日立秋起至九月三十日霜降止黃河上自孟縣下至河南虞城山東單縣陸續淨長水一丈二尺至一丈三寸不等沁河陸續淨長水一丈二寸各處埽壩工程俱各修防穩固至東省運河水勢稍落回空糧艘隨到隨行並無停泊阻滯所有秋汛

水勢已過黃運工程平穩情形臣謹會同各該撫臣尹會一山東撫臣法敏合詞恭疏

題報伏乞

皇上睿鑒施行

陽明先生全集

陽明先生全集卷三

陽明先生全集卷三

豫東宣防錄目錄卷四

乾隆三年

奏覆豫省葉縣等五邑水利

奏覆南北柳林閘

奏覆原任直隸總河朱藻條奏河工各款

題估四女祠幫挑等工

題覆賈魯河毋庸再行脩浚

題估六里石閘

估計聊博二邑建造涵洞挑河等工

請歲搶脩料物改限十二月內辦完

豫東宣防錄卷四

總督河南山東河道提督軍務都察院右副都御史臣白鍾山

奏覆豫省葉縣等五邑水利

奏為遵

旨勘議恭摺覆

奏事乾隆二年十二月二十五日接大學士臣鄂爾
泰張廷玉字開欽奉

上諭朕聞河南省之葉縣西平遂平襄城鄆城等縣今
年俱遭水患蓋緣河南土地平行河流不能盈尺雖
有去地二三丈者究竟與地勢相平之處居多且向

奏覆戴村壩拆毀春秋壩

請黃河堡夫同河兵一例給賞息銀

恭謝河兵加增戰餉

題佑蜀山馬蹠二湖圈堤

奏覆衛河毋庸立水則

遵行

耕藉

遵例自陳

題請商虞二汛併管堤工

估計戴廟等六閘

恭報秋汛安瀾

請設捐栽楊園議叙

奏請

勅賜黃大王封號

奏請湖草堤草歸公

題佑蜀山馬蹠二湖圈堤

奏請汛員養廉

奏墩舖請派專員帶兵巡查

來故有渠道率多淤填是以一遇山水驟發不能宣洩而廬舍田禾遂遭淹浸矣朕所聞如此可寄信與尹會一白鍾山令其委員踏看悉心計議將如何疏導河流加增堤岸以防暴水漫溢之處妥商定議辦理欽此該臣等會查得河南各府州屬凡有河渠於淺堤堰殘缺應疏應築之處已經臣尹會一於欽奉

上諭興脩水利案内飭行司道委員逐一勘明有應用民力者即令地方官循照舊例勸諭該民具民力不敷者即照臣尹會一前

奏酌給飯食之費以濟貧民至工程重大需費浩繁者確估核實

題請動帑興修現在酌量情形分別緩急定議具題茲欽奉

諭旨以葉縣西平遂平襄城鄆城等縣舊有渠道率多淤填

特命臣尹會一臣白鍾山委員踏勘悉心計議將如何疏導河流加增堤岸以防暴水漫溢之處妥商定議辦理仰見我

皇上子惠元元興利除累之至意臣等即欽遵遵委署

管河道胡紹芬會同南汝道李慎修踏勘詳報去
後今據該道等逐縣勘明詳覆前來臣白鍾山於
正月十三日至開封府與臣尹會一面同商酌查
南陽府屬之葉縣許州府屬之襄城鄆城二縣境
內有汝河一道俗名沙河發源於直隸汝州屬之
魯山縣沒大嶺經襄城鄆城葉縣東入江南境歸
汝河又有汝河一道發源於河南府屬之嵩縣天
息山至襄城與汝河合流又有澧河一道發源於
魯山縣之青山經葉縣至舞陽縣亦入汝河此葉
縣襄城鄆城三縣舊有之河渠也再汝寧府之西

平遂平二縣境內有小汝河一道發源於西平縣
螺翅坑入汝河又有洪河一道發源于西平縣雲
莊諸石等山至新蔡縣東入汝河又有小沙河一
道發源於南陽府屬之泌陽縣老雅山至遂平入
汝河又有大石洋河發源於遂平縣蒼峰嶺亦匯
入汝河此西平遂平二縣舊有之河渠也查葉縣
等五縣雖有河渠數道而總由汝河汝河以達於
淮諸河俱發自崇山峻嶺自高而下其來也甚猛
其去也甚速現在河身深二三丈至七八丈不等
河面寬十餘丈至六七十丈不等夏至以前霜降

以後止係涓涓細流且有枯涸無水者惟伏秋大雨時行之際山水匯聚暴漲湍激勢頗洶湧然不過閱日或數時旋即消落素無大害上年山水漲發迥異常歲葉縣西平遂平襄城四縣地居上游水過即退被水殊輕並未傷損田禾惟郛城一邑地勢低窪被水較重是以臣尹會一恭摺

奏明請

旨將被水貧民查明賑卹在案其葉西遂襄郛五縣內應疏渠道應修堤堰臣等悉心計議除淤淺無多殘缺無幾民力自能修理者仍循照往例令民各

照地頭濬築外惟郛城縣沙河應幫築堤工四段共土六百四十方五分係被水薄收地方應酌給飯食銀兩令瀕河貧民藉以力作餬口即以寓賑濟於工役又查有葉縣沙河應幫築堤工一段計土一萬六千九百八十三方西平縣洪河應幫築堤工一段計土三千六百方工費較多民力不敷應一體酌給飯食銀以廣

皇仁而興民利三縣共酌給飯食銀一千六十一兩一錢七分五厘臣尹會一已于欽奉

上諭興修水利案內給發該縣乘時興作再查水利攸

國農功實為地方第一要務凡經營水利各官必
實心實力隨時經理預防於平日搶護于臨時庶
可永免洪水漫溢之患臣等查豫省守巡各道及
府州縣並同知通判等官向兼水利職銜近又經
部議准承修監脩各官照河工處分定例是地方
水利已有專責臣等請嗣後每年伏秋水過之後
如有河身淤淺堤岸殘缺之處該同知通判逐一
勘明於十月內詳報撫臣令兼管水利道員親詣
覆勘如工程無多收成豐稔即令該州縣印官於
冬春農隙之時督率民人上緊疏浚修築間有工

程浩大或遇收成歉薄酌量動支存公耗羨銀兩
資給飯食工完道員仍親詣查驗收工出結詳報
再行有戲築大工需費浩繁照河工漕規

題估動帑興修總期河身一律通暢堤岸堅實完固
如廳印各官果能實力修防三年之內勤慎無誤
題請議叙如或怠玩廢弛或縱令胥役藉端滋擾即
行

題叅其伏秋水發之時需管之同知通判住宿緊要
處所如遇水勢過大浸及堤岸或流沙停淤宜洩
不暢該州縣官立即撥夫應加增子堰者立即增

築應疏浚者立即疏通竭力防護務保無虞倘敢疎忽怠悞將該同知通判與該州縣印官一併

題叅分別議處署事官亦照現任官處分至此番通修水利案內如有戲建工程係動帑興修者或浚不如式工不堅固以至旋修旋壞即照新定之例將承脩監修各官

題叅着落賠修工完開復如此則脩防定有成規廳印各有責成自不敢悠悠從事而歲歲疏築河渠堤岸不致積久淤填坍塌大費工力糜于水利可收實益臣等謬抒管見是否可行伏乞

皇上聖鑒訓示遵行

三

奏覆南北柳林閘

奏為遵

旨會議覆奉事乾隆二年十二月二十八日内閣抄發
原任直隸河道總督臣朱藻條奏山東運河古制
分水口南北柳林二閘閘基南高北低水分北六
南四嗣後修建將閘底逐漸鑿低加高現今北柳
林閘底高與南柳林閘幾三尺餘南下水多北上
水少竟成南七北三之勢請速復南高北低分四
分六之舊規等因一摺乾隆二年十二月二十一
日奉

旨着白鍾山法敏議奏欽此抄發到臣等該臣等遵查
治河書載汶上縣境南旺分水口地形最高北視
臨清高九十尺南視臺庄高百十六尺南北皆低
而此處獨高所謂水脊也明永樂年間尚書宋禮
用老人白英計築戴村壩遏諸泉之水由汶河至
母出口入運而汶水南北分流之勢蓋已定矣至
成化年間郎中楊恭始於南旺之南約五里許建
一閘曰柳林閘于北五里許建一閘曰十里閘此
又楊恭為南北分流之水增一關鍵非宋禮分水
之初制也至此二閘係如何規制楊恭當日並無

記載遺留惟相傳漕船淺於南則開柳林閘淺于
北則開十里閘尾幫過濟北上則將柳林閘嚴閉
令全汶北注以浮送漕船至今循行無改我

朝康熙四十八年間曾修過十里閘康熙六十年間
修過柳林閘今已二三十年並未動修即從前修
治二閘亦並無議令將閘底鑿低如高案據今臣
等飭行山東管河道王鴻勳率領運河同知高沅
魚臺主簿孫廷鏞汲縣縣丞宋鉉眼同汶上縣知
縣馬希尚兩閘閘官程大功等用較準水平細心
測量自分水口水脊起按筮量至南柳林閘閘底

低於水脊一尺一寸五分又自分水口水脊起量至北十里閘閘底低於水脊二尺二寸現係南高北低其北十里閘並不高於南柳林閘三尺餘并據知縣馬希尚傳詢世居該處八十餘歲之老民吳珊吳景先等咸稱自幼至老所見南北閘座總是如此並無更改康熙年間修兩閘時伊等俱在閘親見止照舊重修換石灌灰並未將南柳林閘底鑿低北十里閘底加高亦未那移地方等情詳覆前來臣法敏復委兗沂曹道程開業前往查勘相同臣白鍾山又帶同管河道及廳縣等親至該

處覆加測量與該道等計報無異臣等伏查柳林十里閘康熙年間雖經修過一次並未將閘底鑿低以高不過照舊重修現據目覩修閘之土著老民吳珊等言之鑿鑿且自康熙年間修閘以後遇雨水調勻泉流充足之年濟寧迤北漕船亦未阻滯若遇雨澤愆期泉微水弱即濟寧迤南亦虞膠漕查竊正元年重運漕船多在濟寧迤南淺阻直至八月初六日大雨水發之後始得全數過濟此即修閘以後之事可見南下之水並未過多南柳林閘並未鑿低又其明証也況今測量兩閘閘

底實係北十里閘低於南柳林閘一尺五分現係
南高北低其原任直隸河臣朱藻所奏北閘高於
南閘三尺餘水流南七北三之處或係傳聞之誤
查兩閘現俱牢固應請照舊啟閉毋庸另行拆建
徒費帑金轉於舊制不符臣等謹遵

旨悉心會議據實覆

奏伏乞

皇上睿鑒訓示遵行

奏覆原任直隸總河朱藻條奏河工各款

奏為遵

旨議奏恭請

聖訓事竊照原任直隸河道總督臣朱藻條奏河工事
宜一摺欽奉

皇上硃批交河道總督議奏欽此臣查朱藻所奏除前
二條係端言豫省南北兩岸舊險各工臣謹將歷
年修防緣由併現今情形另摺恭

奏外所有河工事宜八款臣欽遵

諭旨悉心確查內有應行者有不便行者有可行而不

可概行者臣謹逐條酌議恭請

聖訓

一原奏黃河汎漲漫灘停蓄堤根風浪汕刷惟編柳一法可以保工節費等語臣查編柳本明臣劉天和植柳六法之一其法用鷄子大四小尺長柳椿從堤根密栽上面留尺許用柳條宛轉纏結如編籬法內實以土於上退四五寸又編栽一層每層高一尺以一丈為半河工書內多有開載然亦未考當時曾否施行有效迄今一二百年徒存此法而南北兩河多不能行蓋因河堤上窄下寬編柳

漸高則離堤漸寬有相去丈餘至二三次者內填如許之土而外特柳極柳枝所編之藩籬豈能障護是編柳高至一丈勢必不能即編四五層高四五尺而椿細柳脆夯杵難施內土自係虛鬆其柳椿惟着底一層可以栽入老土至以上三四層俱栽於新填浮土之內不能穩實加以逐層退進四五寸此四五寸土面無遮護其編織之處柳枝強硬亦多罅縫灘水一至高則自上漫注低亦從邊旁罅隙透入浸泡內潰外漲則椿柳必隨之而去斷難保其經久成活此南北兩河所以不行此法

之故即劉天和亦云此法止可護堤防淤溢之水
原謂未可以一概施行也但臣查水至堤根多由
於漫灘漫灘之水多由於支河引水灌注與其編
柳以護堤根之水不若令兵夫悉力堵築支河使
水不到堤根為愈至編柳之法如灘水不到堤根
無所用其擋護若灘水已到細椿脆柳浮土又不
免浸泡潰散似屬無益可不必行

一原奏每汛責令召募權戶一二名撥給戰糧一分
令其教習兵夫如勤力有功給以外委等語查權
洞鼠穴原為堤工之隱患召募權戶加以鼓勵亦

防患除害之意臣初蒞河東即經嚴飭廳營汛弁
督率兵夫實力搜捕其洞穴屈曲穿透之處務令
剝空到底填築堅實所獲權隻將耳尾呈驗兵夫
給賞汛官獎勵經臣于雍正十三年恭報黃河四
月水勢工程等事摺內

奏明在案現在各汛河兵內善於捕獾頗不乏人其
善捕獾之兵亦皆蓄犬用在河兵常川在工巡
防一查有獾洞或見行走踪跡即伺察擒捕仍無
妨於力作若特募權戶需司捕獾則一汛所管之
地無多或隔數月捕獾一二隻或經年竟不過一

糧坐食一年糧餉已為虛糜况戰餉係蒙

皇上特恩因河兵內樁手履危蹈險用力較多俾食餉優於力作兵丁以賞勤勞至拔補外委非熟諳樁埽工程報部記名之目兵更不敢濫及今糧戶止有捕糧一事不但與履危蹈險之樁手難易懸殊亦且較終年力作之兵丁勞逸不同若遽給戰餉濫補外委於鼓勵戒行之道輕重失宜似不可行

一原奏河員

大計軍政務將各廳脩弁積土編柳捕獲獲鼠成活柳株搶護工程節省錢糧填註明晰等語查

大計軍政為激揚

大典河員之舉劾全在河臣秉公持正所定賢否確實公當自足以示勸懲至填註事實考語部頒格式已屬簡要明晰河員職分首重修防若必悉數其事則又豈止積土捕獲等數條今定以為考校事實則此數條之外皆無關考校不肖之員勢必懈弛轉致貽誤河防况裁柳議叙議處定例已久兵夫積土亦經於雍正十三年六月內

題定兵夫每名每月應積之數及廳營汛官處分之例止須照例按年查察報部其捕獲獲鼠亦止應

隨時將兵夫給賞員弁獎勵均無庸俟

大計軍政始行稽查造報至搶護工程需用錢糧定有
漕規例應於歲搶二修或大工本案按照漕規逐
款核實

題估題銷此外稍有浮冒即應核減着追未便作為
節省如漕規內令其節省則非工程草率必致以
平捏險以舊作新存節省之虛名滋無窮之弊實
且

大計三年一舉行軍政五年一舉行若各款按年登註
則不勝其繁若彙三年五年之總數籠統登註則

更無可稽考似不若仍循現行定例為便毋庸紛
更

一原奏捐柳數目由汛弁造轉州縣查確出結轉詳
府廳核實結轉司道加結會詳河撫二臣會題庶
冒濫之弊可除等語查印河各官捐栽柳株議叙
之例自雍正三年奉行以來每年冬間飭催乘時
栽植如有捐栽柳株廳員將所栽株數處所詳報
至次年春底夏初復飭查驗實在成活數目詳報
批行河道該道或親往查驗或遴委老成効力人
員按冊查驗該道加結轉詳河臣會同撫臣咨部

核題其合例者不過二三員議叙本屬無多稽查已為詳慎今如以管河廳汛道員為不足憑信而令州縣府司會查州縣有刑名錢穀諸務沿堤查柳動需時日必致政事廢弛且汛員與州縣有同寅之誼安保不徇情捏結至知府管理一郡布政司統理全省錢穀事務更繁安能查及河堤柳株勢必知府仍委之廳員布政司仍諉之河道徒多轉折殊無實益應請仍照舊責之道廳查驗如有虛冒弊端將廳汛指叅道員失察亦即將道員叅處其奏請令司府州縣查報捐柳之處應毋庸議

一原奏凡應堵支河即照例

題估動用正項錢糧修做庶廳汛微員不致賠累那移等語查河不兩行最忌旁流分洩黃河兩岸支河引溜內灌注汕堤根旁溢民田為害甚鉅且黃水挾沙而行勢分則流緩流緩則沙停支河日刷日深正河日淤日高尤為河工之隱患臣自蒞任河東目觀情形即嚴督廳汛印官將各支河進水之處悉行堵塞斷流每年秋汛後復委効力人員分往各汛查勘有無新冲支河及上年所堵支河內有無應行加帮增築之處一一開報檄行各管

河道飭令廳汛于冬春之間督率兵夫逐一填築
復周歷查勘務在如式堅實行之已經三載乾隆
元年在京

陛見復奏請

勅部詳定議處議叙之例以示勸懲經部議覆奉

旨依議欽遵在案比年以來廳印汛官頗皆竭力遵行
不惟堤工穩固而灘地田禾較前亦多收穫若行
之日久正河非水勢異常不致漫灘水循河行將
見河身日深崖岸日高實河防第一要務也至培
築夫工從前不肖廳員原係借端大為開銷如

雍正十二年原任山東黃河廳蔣祈年因曹縣汛
內有支河數道即估做埽壩需銀一萬九千八百
餘兩臣蒞任後即相度形勢埽壩橫担于嫩灘河
身之上並無依靠接尾之處三面環水斷難穩固
徒費無益因止令該廳將河形用土填平高出灘
而一二尺以斷其流僅用土方銀六百四十九兩
零于該年搶修案內造冊報銷在案近年各汛支
河內河形窄小工力無多者令廳汛派撥河兵堡
夫調集填築按名計工所挑之土即抵作應挑土
方間有灘地民人自保田疇亦聽印官循照舊例

率夫堵築如民夫不諳夯礮即飭撥河兵協助均
不過舉手之勞不必請動錢糧至河形寬大工力
較多者原令據實確估動用錢糧催夫挑築入于
搶修案內報銷廳汛官員不致有賠累那移之事
似應照舊分別辦理未便概行

題估另動正項錢糧

原奏堡房宜按五年一加粘補准動正項開銷等
語查堡房為兵夫棲止之所定例交與印官不時
修整併入冊交代以需責成蓋因堡房孤懸堤頂
風雨飄搖易於損壞必隨時修葺則所損無多工

費有限兵夫既得安居印官亦便交代今如定以
五年一加粘補開銷正項錢糧則五年之內如有
滲漏傾圯印官勢必以未到期不便請銷正項
置之不顧而兵夫棲身無所斷難責其露處防工
貽誤匪輕且五年限內印官如有事故離任前官
以年限未到不應修補後官以堡房已經傾圯不
接交代適啟推諉紛爭之漸况五年一修坍塌必
多倍費工料不若仍循舊例隨時修補之為妥便
也至修補工料因州縣應解耗羨原有存留公費
銀兩以為此等公務之用不必印官出自已囊今

如慮印官賠累可否仰請

勅下各省撫臣確查沿河州縣所存公費一項如不敷用即將此項修理堡房之費令於司庫存公耗羨內動支報銷如已敷用即不必另動公銀致滋混冒

一原奏河兵堡夫應做之工互相推諉遇有險要文員不能調遣河兵武弁不能約束堡夫嗣後稍存袒護貽誤公務者道員詳揭照例處分等語查河兵堡夫各有應做之工似難互諉設遇工程險要各汛兵夫俱聽聽員調遣約束且河臣道員亦無

不駐節上所督率調度更不容兵夫推諉員弁袒護伏查乾隆元年七月內欽奉

諭嗣後督撫提鎮等官嚴飭屬員一洗積習倘有仍存私見袒護兵民嚴叅重處欽遵轉飭在案應欽遵諭旨不時申飭查察如廳脩員弁袒護兵夫懷私悞公即行題叅

一原奏河兵堡夫汛弁按季造冊出結詳送廳脩按冊點查如無頂冒情弊造冊加結送道道員于伏秋查工之時逐汛點查如無頂冒加結詳送河臣倘廳脩查有老弱頂替立將汛弁詳叅如道員亦

有頂替將廳備叅處等語臣查兵夫為修防工程而設必一名得一名之用方有實益從前營兵原有頂名入伍之事雍正十三年經署湖南撫臣鍾保條奏將年貌不符姓名不實兵丁俱令首報改正河營兵丁亦係一例首改造冊送部在案誠恐日久復蹈前弊應如所奏令汛員將所管河兵堡夫按季造冊由廳備查明造冊加結呈送道員查點但伏秋查工之時兵夫俱四散力作道員亦有督率防護要工殊非點查之候應于每年秋汛後道員親往各汛查點一次如有頂替等弊卽將廳

營詳叅以上各條謹就愚昧之見逐一酌議並不
敢好為異同亦不敢隨聲附和是否允當伏乞

皇上睿鑒聖訓遵行

題佑恩縣四女祠幫挑等工

題為遵

旨會議事該臣看得東省恩縣四女祠在運河東岸舊有減水閘一座支河一道係洩運河漲發之水經老黃河入海雍正四年將減水閘改建滾水壩壩南修砌磚工四十丈并自壩口起挑支河長五百四十八丈因下流未經通挑仍多淤阻前經欽差侍郎臣趙殿最等會同臣等勘議

奏請從壩口起至德州九龍廟入老黃河止估挑河泲一道又請將磚工迤西至三義廟幫築上堤

律高寬接准部咨令於水落土乾之日確估造冊
題請興修等因嗣經臣將東省應修之工分別緩
急次第辦理緣由恭摺具

奏欽奉

硃批照臣所奏辦理臣即欽遵一面移咨山東撫臣撥
發司庫銀兩令恩縣催募鄉夫及時興工並飭濟
東管河二道派定工段人員並將需用銀兩核實
確估照例造冊詳

題去後今據該道等詳據署東昌府下河通判効力
知縣呂肅高詳稱查四女祠支河自石壩口起至

九龍廟止應挑河泓一道工長二千三百五十大
估需土方銀一千二百七十七兩七錢七分七厘
二絲五忽又磚工迤西至三義廟應幫堤岸計長
二百八十丈估需土方銀一千八十三兩五厘等
情復按冊細核通共實估需土方銀二千三百六
十兩七錢二分二厘二絲五忽並無浮冒擬合造
冊詳送會核

題估在於山東布政司庫乾隆二年地丁銀內動支
給發並請一面具

題、面發帑以便乘時募夫興挑衝築等情冊詳前

來除飭山東布政司速發銀兩令恩縣領回上緊
多募鄉夫并飭濟東管河二道作速派定工段人
員興挑攬築並將原冊送部查核外相應會同江
南河臣高斌山東撫臣法敏合詞恭疏具

題伏乞

皇上睿鑒勅部議覆施行

題覆賈魯河毋庸刊行脩濬

題為敬陳管見仰祈

聖鑒事竊臣等會看得戶部侍郎今調補吏部侍郎臣
趙殿最等條奏豫省賈魯河寬深尚未如法工程
尚缺一半經總理事務王大臣議覆令臣白鍾山
臣尹會一再行詳悉查勘應否復加修濬之處酌
議具奏等因當即一面訂期會勘一面轉行署河
南管河道胡紹芬並原經勘估之前任開封府知
府今署河北道張受長會同確查詳報去後嗣據
署河南管河道胡紹芬署河北道張受長查明鄭

州中牟縣各本管境內賈魯河道現在並無應修
應濬之處詳覆前來臣等查雍正十三年前任河
東督臣王士俊條奏豫省賈魯河鄭州一帶有淤
塞之處不能循軌達委山水陡發不無汎濫請濬
築河身堤堰并建滾水壩宣洩異漲幫築子堰東
水匯歸等因部覆令巡撫會同總河確勘妥議經
前撫臣富德會同臣白鍾山查勘將鄭州大凌庄
起至中牟合河口止應挑河長三千七百一丈應
築堤堰四千一百三十六丈
題估興修部覆動支司庫耗羨銀兩給發該地方官

募夫濬築奉

旨俞允在案乾隆二年三月內前撫臣富德又因鄭州
地方張家橋東起至乾柴李家庄土堰經伏秋汎
水汕刷滲水

題請創築圍堤加築土堰俱經開封府領銀轉發鄭
州中牟縣挑築照估如式完竣報銷亦在案現在
鄭州花家坡等處多年積水之區俱經涸出悉成
膏腴其高家庄馬家樓劉家庄一帶數十里民田
水不漫及歲得收穫沿河居民頂沐

旨意歡呼載道並無寬深不如法之處至前任督臣王

士俊原奏內有挑濬築堰數段因彼時會勘或兩
岸地本高阜毋庸築堰或河身現在寬深毋庸挑
濬至原奏內大辛庄河口建滾水壩一座因查張
家橋積水停蓄係因下流淤塞所致如下流開通
則上流積水自必消退毋庸建壩是以備悉聲明
題請停止並非應行修築之工程而遺缺一半未修
為可惜也今臣等于正月十七八等日帶同諛道
等至鄭州中牟縣地方詳悉查勘委無應行復加
修濬之處其瀕河一帶俱係民居田廬亦無可為
池塘陂澤之處應毋庸再議至賈魯河承受諸

之水及各處雨水每年伏秋之間必長發一二次
水勢大小不等必得預防于平日保護于臨時庶
平有濟應請照臣等前

題善後事宜案內設立堤老以資修守責令吏目典
史管理以需責成仍令經管水利之同知通判州
縣印官於伏秋水發之時加謹防護經水之後逐
一查勘疏濬增培務期河道通暢堤堰堅固不致
歲久年深淤填坍塌則永無滄漫之虞可收水利
之益矣再查賈魯河發源于開封府屬之滎陽縣
歷河陰滎澤鄭州中牟祥符尉氏扶溝西華淮寧

商水等州縣至周家口入沙河綿長五百餘里
乾隆元二兩年開浚止係鄭州中牟二州縣河道
其餘州縣尚多現于欽奉

上諭興修水利案內通行確查俟查明如有應修應濬
宣導之處統于彼案定議舉行謹將臣等會同查
勘鄭州中牟二州縣境內賈魯河並無應行復加
修濬緣由合詞恭疏

題覆伏乞

皇上睿鑒勅部議覆施行

題估六里石閘

題為遵

旨會議事該臣查得六里石閘係雍正二年新建在德
勝張庄二閘之間緣德勝閘至張庄閘一十二里
河直水溜難以停蓄水勢因於兩閘適中之地添
建此閘蓄水濟運又恐三閘相去甚近河溜湍急
山水暴漲宣洩不及此閘較德勝張庄二閘低矮
六尺水小則收束濟運水大則漫閘而行此前任
漕臣張大有與前任河撫諸臣公同酌議
奏明舉行實係因地制宜之舉也上年

欽差戶部侍郎臣趙殿最等會同查勘前漕臣補熙因
閘面太低恐水溢時有碍行船當經會

奏請俟臣等另行酌議辦理臣查該閘雖較上下各
閘低矮但當直河之中山水漲發溜勢湍急若再
加石數層則冲擊堪虞臣於雍正十三年春間蒞
任即再四籌酌于閘背上用草加廂高出閘面數
尺舟楫往來既資攬護而草性柔軟又免撞擊如
遇水發草隨水下閘座亦免鼓裂比年以來糧船
經由從無阻碍此行之已有成效者前准部咨臣
與漕臣補熙復會同酌議應仍照歷年已行之法

于閘上加廂草土毋庸用石加高惟查該閘原無
雁翅閘窩船隻上下俱由中泓直過上迎大溜人
難把持應請照依別閘接長雁翅閘樞閘窩俾糧
船得以抵窩傍岸從容徐進更覺穩妥已准漕臣
補熙咨覆會

題今行據山東管河道將接修雁翅閘窩所用土料
確估需銀六百八十五兩三錢五分四厘六毫造
冊詳送前來臣覆核無異相應照例

題估請于山東司庫乾隆三年地丁銀內照數撥發
以便及時採辦石料一俟回空糧船過完即行興

修除冊送部查核外臣謹會同山東撫臣法敏合詞恭疏具

題伏乞

皇上睿鑒勅部議覆施行臣未敢擅便再照此案原係漕臣補熙因閘太低欲另酌議部覆令漕臣撫臣及臣詳細確估已與補熙商酌定議咨覆令臣主稿會

題但補熙現今丁憂離任不便列銜合并陳明為此具本謹會題請

旨

估計聊博二邑建造涵洞挑河等工

題為詳籌東省水利以裕民生以足民食事該臣等會看得東省聊城縣運河西岸白家窪一帶地勢低窪匯聚上游濮范觀朝莘陽諸州縣坡水止藉十里舖進水閘一座呂家灣進水涵洞一座放入運河夏秋水大一時宣洩不及未免滄漫民田經調任撫臣岳濬咨部請動存公銀一萬八百餘兩于十里舖呂家灣中間房家口地方另建進水閘一座以洩白家窪匯聚之水又恐運河不能容納于東岸裴家口等處修建三空橋四空橋並挑挖

支河使運河之水由橋洩入支河以達徒駭河工部議事關運道民生令臣等會同親臨確勘如果興修有益再將估需銀兩並動用款項照例造具估冊具題查核等因臣等隨會同親臨查勘東岸三四空橋在白家窪迤南上游相隔二三十里水由白家窪歸運運河不能容納則受患當在白家窪迤北之下游勢不能逆流而上三四空橋而出即使將上游之水先放歸徒駭河究不能殺下游之水勢其三四空橋可以不必修建而白家窪下游宣洩運河水勢之處尚須詳酌事關運道民田

不厭詳慎當經檄飭管河道會同布政司再行確查明晰具詳以憑會核具

題去後今據布政使黃叔琳管河道王鴻勳會詳稱復親詣上下確勘查得白家窪諸水停蓄南有十里舖進水閘北有呂家灣涵洞今復於房家口請建進水閘一座三處交洩勢必浩瀚運河誠難容納白家窪迤北下流必致受患今查白家窪迤北下游三十里運河東岸博平縣屬三教堂地方舊有減水閘三座年久廢棄請將第二座照舊修葺足資宣洩其淤填支河挑濬深通俾水洩入馬頰

河則下游之水有所歸宿白家窪之坡水淋漓可
以注運西岸低田可永無淹漫之患又查裴家口
等處所有三四空橋從前議請修復蓋因白家窪
地居下游每當伏秋汛發汶水北趨而下白家窪
入運坡水兩相抵聚又兼裴家口一帶地多窪下
雨水匯集疏洩無由民田亦受其患是此二處均
有未便所以有修復三四空橋之請今細查四空
橋不必復設其三空橋適當對岸南龍灣進水閘
洞聊陽二縣坡水由此洩入與汶水合流此處運
河水勢較大應請于三空橋舊址修建減水閘一

座仍照前議挑通支河使運河之水由閘入支河
歸徒駭河以殺其勢可不致全溜北趨下游白家
窪坡水歸運亦可無抵聚之慮至裴家口東南一
帶坡水在徒駭河之東因河岸間隔無從宣洩亦
應測量地勢添建涵洞二座使坡水又可由涵洞
歸入徒駭河則東岸低田亦成沃壤再查三空橋
挑挖支河所起之土應即于支河兩岸堆築成堤
以資闔束其房家口應建進水閘之處上下堤岸
六段計長九百三十一丈一尺或因內外汕刷舊
堤卑窄殘缺或係向來老灘兩頭皆堤中係空斷

不特開掘莫恃且恐緯挽無資應請一併估脩殘
缺者增培高厚空斷者加築新堤庶于運道民生
更有裨益所有聊城博平二縣建閘築堤挑河併
修涵洞等工通共估銀一萬一千七百二十三兩
八錢九分七厘六毫八絲請在于司庫乾隆二年
存公銀內照數動支給發該地方官募夫興挑價
築以收水利之益等情造冊詳送前來臣等復加
勘核無異除將原冊送部查核外謹合詞恭疏具
題伏乞

皇上睿鑒勅部議覆施行

請歲搶脩料物寬限辦運

題為請寬河工採辦料物之限以便官民事臣等查
得豫東兩省歲搶工程需用料物定例每年八月
發辦十月辦足如有短少即以辦料遲延叅處蓋
緣河工辦料係有一定價值而民間料物多寡貴
賤隨時低昂無定當新料登場之時料多價平易
於購買是以定於八月內發帑辦料發辦既早若
不定以辦足限期又恐承辦之員領帑到手任意
遲延或致花銷虧缺是以又限以十月辦足此從
前定例之本意也但豫省九十兩月民間正播種

二麥交納漕糧之時人工車畜俱無閒暇加以運交料物未免竭蹶且料物未乾如以青濕之料物作為乾料稱收存貯必致折耗有虧帑金勢不得不分別折筭而不肖河員又以乾為濕以濕為青借端多折此又定例後之流弊也臣白鍾山蒞任後明查暗訪並大張告示嚴行飭禁復令各河道派委地方廳印等官隨到隨即秉公監收不令管河廳汛自行折筭以致浮多守候有累賣料之戶上年因有閏九月臣白鍾山即諭飭道廳凡十月內所交之料俱照乾料稱收不許仍照濕料折筭

在案凡可以上不虧帑下不累民者已無不籌畫而飭行矣惟是豫省地居天中種麥較早九十兩月二麥正當播種又值交納漕糧之時小民勢難兼顧經臣尹會一

奏請將河工應辦歲搶料物改限九月發辦十一十二兩月運送辦足部議冬月嚴寒風雪交加之候恐價值漸長裝運更難一時採辦不齊有悞應用令臣等會同詳議

題覆臣等公同商酌每年採辦料物原係預備次年脩防之用如改於十一十二兩月內辦足尚在挑

汛以前不致遲悞卽遇風雪天寒而料物俱在濱
河州縣採辦相距工所不遠陸續裝運亦不甚難
但九月發銀較之從前遲發一月恐料物漸少價
值漸長設或每斤定價九毫與時價稍有不敷轉
滋謾誤誠如部議一時採辦不齊有誤應用關係
匪輕臣等細加酌議豫東兩省河工需用料物除
工程險要急需應用者隨時交收外其每年預脩
歲搶料物俱於八月以前布政司照依額撥銀數
移解道庫河道務於八月內發給廳印各官分投
採辦十二月內承辦之員全數辦足交工脩貯如

遲至歲外挑汛將屆尚未完足以致有悞脩防卽
將承辦遲延之員查叅嚴加議處至稱收人員
雍正五年定例廳官承辦之料令汛官稱收汛官
承辦之料令廳官稱收印官承辦之料亦令廳官
稱收等因查管河廳官係收用料物之員難保其
不暗加多收應請派委附近不管河工之同知通
判等官監收料物無論廳印官辦到之料俱令監
收之員驗看果係乾燥卽照十六兩準秤稱收則
管河廳員並不經手無從抑勒加派倘監收之員
通同舞弊察出一併

題恭如此則辦料寬期不致有運交急迫之累發帑及時亦可無料少價昂之慮而需員監收不經河官之手概收乾料可免折筭之繁則諸弊悉可杜絕而河道民生均有裨益臣等謹合詞恭疏具

題伏乞

皇上睿鑒勅部議覆施行

奏覆戴村壩拆毀春秋壩

奏為遵

旨詳細籌議恭請

聖訓事竊照戶部左侍郎今調吏部左侍郎臣趙殿最等會同臣等

奏請將東平州戴村壩涵洞中間用灰石填塞堅實兩邊各留八洞于水涸之時設法啟板挑沙鋪填底石下板攔束水漲則洩水通沙水淺則壘石堵塞其壩內圈築之春秋壩係屬贅設徒資積沙請將根基悉行除盡勿使寸沙留滯等因具奏經總

理事務王大臣會同九卿議覆中間暫停填塞兩邊挖盡浮沙如果堅實再行下椿鋪石并拆壩挑沙各事宜令臣棟選諳練之員指示辦理俟經試一二汛後確有成效再行請

旨遵行等因奉

旨依議欽遵在案嗣因調任丁憂今補直隸河道總督臣朱藻具奏春秋壩不宜除淨復經部議一併交臣悉心籌畫妥議辦理臣查東平州境內汶河自東而西至戴村壩入鹽河歸海舊建滾水亂石玲瓏三壩遏之南塹以濟漕運統名之曰戴村壩明

臣于慎行記載水卑于壩順流而南水高於壩漫而西出蓋汶水之屏障運河之關鍵也雍正四年原任內閣學士何國宗等于三壩內各增築石壩一道過於加高伏秋水漲不能漫壩而出全勢入運以致冲溢潰漫雍正九年調任河臣朱藻將滾水亂石二壩拆與舊壩相平而將玲瓏一壩拆改石磯心五十六座中留水竇五十五個安置閘板責令兵夫啟閉原期閉則截水濟運啟則洩水通沙以存玲瓏之制法非不善無如當日建造石磯心係就何國宗所建石壩底椿之上壘砌較汶河

河底低矮各洞又未鋪砌底石前後亦無迎水跌水地勢既處低窪沙底又係虛鬆汶性湍急冲刷難支是以雍正十年工程甫竣雍正十一年即冲壞二十七洞經朱藻將廳汛官張山濤成其名并承脩官邵瑀

題糸在案邵瑀賠修之後恐仍不能保固遂用碎石泥沙將洞內椿縫填塞閘板堅閉不啟數年以來幸保無虞上年

欽差侍郎臣趙殿最等會同臣等查勘洞內石沙壅塞閘板嚙固不能洩水通沙因欲將五十六洞全開

誠恐涵洞虛鬆斷難抵禦是以議請將兩邊各留八洞共十六洞下板啟閉以資宣蓄而將中間之四十洞另用灰石填塞堅實以防冲擊塌陷又恐洞門久閉未便孟浪請于水涸之後仔細相度設法啟板相機修葺臣接准部咨遵于冬春水涸之時親往戴村詳細查勘并檄飭管河道王鴻勳帶同海鹽同知范昌治署捕河通判夏鎮俱赴該處先將兩邊各挖一二洞洞下客沙挑盡已見老上設法啟板細加相度據該道廳等會稱地勢低窪沙底虛鬆若將兩邊一十六洞悉行開通而中間

之四十洞又不用灰石鉤抵堅密竊恐汶水長發
建瓴下注必致仍蹈雍正十一年之覆轍耳如開
通兩邊之一十六洞若不另鋪底石則洞底鬆浮
洞內空虛僅恃椿木闌板斷難穩固若另鋪底石
則礮心石縫參差連絡必須拆去舊工從新改建
不惟工費浩繁亦恐通工震動未敢輕議等情臣
查礮心水竇原利在啟閉蓄洩可以截水通沙今
既不能開通放閉自應另行折建方能如式但諒
工十餘年來初因增築石壩費銀六萬四千餘兩
後改石礮心又費銀一萬餘兩前後共已費銀七

萬四千有奇今石礮心改建未久若又另行拆改
勢必又費多金臣查戴村建壩本為遏汶濟運次
則宣洩異漲以衛民田而通沙則又其次也如諛
工千漕運民田有一妨碍雖工費浩繁亦所不惜
今洞內有沙石壅塞可資攔束不致洩水悞漕而
何國宗原建三壩壩身俱已拆低伏秋水發已可
由壩面漫入鹽河以殺其勢並未全行阻遏且自
雍正十二年以來亦無有宣洩不及漫溢民田之
事況戴村壩以下何家口地方舊有支河二道向
係築壩堵塞上年經趙殿最等會同臣等

奏請建立涵洞水漲則啟板放入支河戴村壩下游
又可洩其有餘是石磯心雖建不如式尚無碍於
漕運民田之處惟不能開通啟閉難以通沙壩底
不免有浮沙停淤現有額設淺夫二十名隨時挑
挖亦易為力事在得已毋庸另行改建糜費帑金
惟將各洞原填之泥沙碎石照舊存留不必開通
以致工不堅固至春秋土壩據朱藻奏稱春水微
弱恐玲瓏壩內涓滴旁洩用浮沙堆築截束秋汛
水大聽其隨水冲去等語臣查此壩向係汶流偏
西恐水竇封閉不密滲漏走洩是以春間堆築以
為重障過年以來溜漸東趨春水未至壩根無庸
攔截誠為虛設若伏秋水漲之時壩土虛浮隨水
冲去徒令浮沙壅積于石壩之下應請如趙殿最
等原

奏悉行拆去再趙殿最等原

奏內添設閘官一員駐劄該工督率挑挖帑司啟閉
將原設把總一員裁汰等語今既循舊填塞無容
啟閉應仍留外委把總防守壩工可以不必改設
閘官建蓋衙署以省紛更臣查此案原准部議令
臣經試一二汛後請

豫和堂 臣等次察勘虛衷籌酌礪心水竇確係不必
改動春秋土壩確應除淨廣諮博詢衆議僉同臣
不敢稍存偏見亦不敢少為瞻顧謹繕摺具

奏恭請

聖訓伏乞

皇上睿鑒訓示施行

請黃河堡夫回河兵一例賞給息銀

奏為黃河堡夫勞苦堪憫恭懇

聖恩准與河兵一例優恤以廣

皇仁事竊照黃河堡夫一役無分晝夜寒暑總係住宿
堤上堡房平時修整堤頂搜填獾洞鼠穴挑積土
牛堵築支河栽植柳株經年力作手胼足胝已為
勞苦當伏秋大汛堤工尤為緊要雖風雨昏夜俱
在堤上往來巡視不敢一刻暫離設遇險急則調
集搶護檄柴僅土手足不停勞苦倍常是黃河之
堡夫實與別項夫役勞逸不同而與河營兵丁辛

若無異查河兵每名食守糧一分歲支餉銀一十二兩近又蒙

皇上特恩於河兵內椿手增給戰餉每名歲支餉銀一十八兩若其家有紅白之事尚有

恩賞生息銀兩賞給濟用優恤已為備至此項堡夫與河兵同在河干做工出力每名止歲支工食銀六兩僅足餬口一遇有紅白之事則費用一切無從措辦實為拮据臣查豫省河兵一千一百名束省河兵六百名原蒙

世宗憲皇帝恩賞銀六千兩營運生息每年收息銀一千

二百兩每年約給賞銀五六百兩尚應餘銀六七百兩現在共存節年餘銀七千三百餘兩豫省額設黃河堡夫一千四百一十四名東省額設黃河堡夫二百三十七名雖紅白之事難以預定但照河東兩省河兵計算每年約需賞銀四五百兩歲收息銀尚屬數足臣伏見我

皇上御極以來仁恩周浹山陬海澨葦屋窮簷已無一人不沾

聖澤所有河東兩省黃河堡夫可否仰懇

皇上天恩俯念與河兵同在河干脩守出力之人如伊

等有紅白之事即於

恩賞河兵息銀內一例賞給則兩省沿河兵夫均沐沾

湯

皇仁于億萬斯年矣臣因日覩堡夫勞苦拮据謹恭摺
奏請是否可行伏乞

皇上睿鑒諭示遵行

恭謝河兵加增戰餉

題為

皇恩浩蕩難名籲請轉詳

題達恭謝

天恩事欽惟我

皇上

堯仁普被

禹烈光昭

宵旰勤求

九重無不知之民隱

彌施稠疊萬方無不被之

皇仁固已

惟澤同

天

湛恩匝地衢歌巷舞莫狀熙熙皞皞之風華祝萬壽難
名蕩蕩巍巍之

德矣茲以河兵之內樁手諸人下埽則力捍洪流身狎
巨浪發樁則上登懸棧下俯深淵機彼戎行無此
櫛風沐雨之苦較諸力作亦多履危蹈險之艱上
屋

聖衷特頒

恩綽改給戰餉優恤勤勞豫東二省河兵俱邀一視同
仁之

曠典南北兩河樁手共沐有加無已之

降恩踴躍修防氣壯風雲之色咏歌浩蕩祥生河岳之
光喜溢河干共識宣勞而受賞

恩叨格外成思奮勇以圖功奮鍾爭先奔馳恐後焚香
頂頌祝

一人有道之長擊壤騰歡慶千載安瀾之盛據山東管
河道王鴻勳署河南管河道黃叔璥署河北道張

受長詳據河東河營兵丁王猷等感戴情切籲請
題達叩謝

天恩前來臣等會同河南撫臣尹會一山東撫臣法敏
合詞恭疏具

題伏乞

皇上睿鑒施行

題估蜀山馬踏三湖圈堤

題為遵

旨會議事該臣看得東省蜀山馬踏馬場三湖為潯水
濟運之要區全賴堤岸高厚完固方可以資關束
而蓄水勢前臣等會同

欽差戶部侍郎臣趙殿最等查勘各湖圈堤殘缺卑矮
且尚有原木全築之處

奏請將殘缺卑矮者悉行脩補其原未全築者悉行
補築并酌建石閘涵洞于坡水森注之時開放入
湖坡水已過下板嚴閉不使湖水溢出既有裨於

漕運亦可免滄民田經部議覆將應建應築處所
循照舊址逐細詳加確估照例造冊題請興脩等
因奉

旨依議欽遵在案嗣因東省土石各工一時並舉不但
工費浩繁亦且難得如許妥當人員派委承脩臣
隨將該工檄令管河道先將卑矮单薄最甚之處
酌動道庫銀兩給發該地方官及時募夫修築以
資欄束一面催令通行估計造冊詳

題復經臣將分別緩急次第辦理緣由恭摺具
奏欽奉

硃批照臣所奏辦理臣即欽遵飭催據實確估造報去
後今據山東管河道王鴻勳詳稱查蜀山湖原有
圈堤長六千九百餘丈馬場湖原有圈堤長二千
一百餘丈馬踏湖原有圈堤長二千七百餘丈內
除馬場湖圈堤尚足以資捍禦應請緩脩以節錢
糧外其蜀山湖自濟寧州境內蘓吳橋起至汶上
縣北界顏珠堤止又馬場湖自火頭灣淺舖起至
田宗智庄止向來均無圈堤現在湖水與坡水兩
相抵聚約計水深三四五六尺不等其間官民界
址地勢高下以及應需土方之多寡委難於水中

懸揣估計應請俟水勢稍落再為確估興修庶估
計準確錢糧不致浮冒所有蜀山馬踏二湖應幫
堤工據兗州府運河同知高沅詳估嘉祥濟寧汶
上三州縣應幫蜀山湖圈堤計長六千九百七十
八丈除舊土外共估新土五萬四千三百六十八
方六分四厘分別水旱方價每方銀九分六厘及
一錢二分一錢四分不等共估銀六千四百八十
二兩三分七厘五毫二絲又嘉祥縣境內馮家壩
蔡家庄後蔡家庄劉家樓後劉家樓等五處共長
四百五十二丈五尺地屬兗灣迎風頂溜波浪撞

擊幫築新土難以抵禦必得于臨湖一面加廂防
風庶堤工得免汕刷可資穩固計需工料銀八百
一十六兩五錢七分五厘又汶上縣應幫馬踏湖
堤計長二千一百八十四丈六尺除舊土外共估
新土一萬七千八百八十七方一分三厘六毫分
別水旱方價每方銀九分六厘及一錢四分不等
共估銀二千二十六兩一分一厘一毫七絲六忽
以上蜀山馬踏二湖圈堤並加防風通共估需銀
九千三百二十四兩六錢二分三厘六毫九絲六
忽按冊確核需用上方工料銀兩俱與漕規相符

並無絲毫浮冒相應照造清冊詳請會

題等情前來臣復親勘確核無異相應照例

題估請撥山東司庫乾隆二年地丁銀內給發嘉祥等州縣乘此青黃不接之時廣募貧民赴工挑築剋日完竣既可以禦汎水亦可接濟貧民實于運道民生有益除一面飭行山東布政司發給各州縣銀兩及時多募人夫並飭管河道酌派諸練人員分段監築並將原冊送部查核外臣謹會同山東撫臣法敏合詞恭疏具

題伏乞

皇上睿鑒勅部議覆施行

奏覆衛河不立水則

題為奏

聞事該臣看得前漕臣補熙摺奏

欽差侍郎臣趙殿最等原奏館陶臨清立一水則以為
憑準疏內未經聲明水則尺寸兩省查驗之員無
所適從容臣至期會商河臣白鍾山另為詳酌定
議以垂永遠章程等因具奏欽奉

硃批知道了該部知道欽此隨准工部並漕臣補熙各
移咨到臣臣查侍郎臣趙殿最等奏請于館陶臨
清二處各立水則蓋欲知東省運河水勢足用即

可將衛水來源留以灌溉民田意非不善但既立水則而不定以尺寸則深淺以何為準此前漕臣補熙所以又

奏請另為商酌定議也惟查水則之深淺可定而泉源之強弱難必臣蒞任河東已及四載深知衛河水勢情形大約漕船將抵臨清之候正在三四五月其時天晴日燥源微流弱蒞流居多平流殊少暢流則數年不能一遇今即定以若干尺寸如遇來源微弱尺寸不足即將分灌民田之渠閘全行入閉則于小民不便勢不可行如或尺寸數多即

將官渠官閘飛往全閉悉令灌溉民田而來源輒息下流已逝運河之水又立見消涸漕船必致淺阻又須飛往開放無論羽書絡繹往返徒勞而路隔數百里動需旬日漕船因此守候耽延時日轉多遲悞况汶衛合流之處地屬浮沙加以河流湍悍長落不常縱使立有水則定有尺寸或淤聚而沙壅或冲流而水深或順風而傾瀉或逆風而湧注亦難執彼時之尺寸定此日之深淺此漕船盛行之際情事確係如此至若六七月間大雨時行各處山泉湧發運河之水拍岸盈堤其時重

運漕船已全數過臨清北上而漳衛一帶民田亦憂雨水過多不憂不足又可不必計較于尺寸之間以臣愚見水則竟可不立如雨水調勻之年運河水勢苟可足用即將百泉等處渠閘照舊官民分用如遇雨澤愆期河水淺澁即將民渠民間酌量暫閉以濟漕運若遇重運經臨之時河水充暢或漕船早過臨清民田尚需灌溉則官渠官閘亦即酌量下板緊閉以灌民田總令東省管河道及上河通判豫省河北道及衛河通判不時查勘水勢彼此關照相機啟閉務使漕運民田兩利無害

以仰副我

皇上軫念民依慎重漕運之至意至文移往來必須迅速方可及時啟閉嗣後每年重運北上之時凡關水勢文移應令兩省驛站飛遞如無驛站之處即令沿河營汛馬匹通融接遞限定期刻不得推諉稽遲倘有玩延即將該管州縣營汛嚴查指叅臣前咨商前漕臣補熙回咨令臣會稿咨部嗣准部覆此案係漕臣補熙摺奏之案不便據咨定議仍令漕臣自行奏明又准前署漕臣高斌咨臣主稿聯銜會

奏等因前來今漕臣查克丹督運北上與臣公同面商悉心斟酌意見相同臣謹會同漕運總督臣查克丹合詞恭疏具

題伏乞

皇上睿鑒勅部議覆施行

遵行

耕藉

題為恭報微臣遵行

耕藉日期仰祈

睿鑒事案于乾隆三年正月初八日准河南撫臣尹會

一咨准禮部咨開為舉行

耕藉以隆典禮事議得乾隆三年二月二十九日辛

亥祭

先農壇恭請

皇上行耕藉禮等因具奏奉

青是依議欽此欽遵移咨到臣臣隨行所屬一體欽遵

在案今臣遵即前期齋戒於乾隆三年二月二十

九日辛亥在濟寧州率文武各官並耆老農夫恭

祭

先農之神遵行

耕藉之禮望

闕叩頭恭謝

天恩訖欽惟我

皇上

本至聖心

行純王政

御經筵而隆清問

勤求治化之原

臨國學而集儒生

闡發聖賢之奧

尊經重道固已道冠乎古今

敬

大勤民尤見知周夫稼穡茲者土膏初動農事方興

敬祀

先農

躬行耕藉

青旂肅駕率臣庶而

舉三推

蒼玉修儀為兆民而

祈百穀

陽和普被風來繡隴昀昀

湛露遐敷雲護青疇翼翼自是豐亨預兆卜大有之

可書抑且清晏呈祥識太平之有象蓋

至誠穆協乎

上帝斯太和翔洽于下民臣忝任河防實司水土謹遵吉

庚之日肅奠

農師之神合庶職以紓誠率羣黎而俶載濟水泚泚
浸秧針而彌秀春光爛熳聞布穀而邇和臣惟謀
水利以助田功濟河渠而溉畝畝祝河山之奠豆
慶年穀之順成以上慰重農務本之

聖心仰副為民治水之

盛意所有微臣遵行

耕藉日期緣山理合恭疏

題報伏乞

皇上睿鑒施行

東軍防界

卷四

至

遵例自陳

奏為遵例自陳不職仰祈

聖主睿鑒事竊臣係正藍旗漢軍佟鑑佐領下人現年五十三歲由官學生於康熙四十四年十二月內考授本旗漢軍都統隨印筆帖式康熙四十七年二月內補授戶部雲南司筆帖式康熙五十四年正月內調本部山東司筆帖式康熙六十年十二月內推陞廣東肇慶府高要縣縣丞康熙六十一年正月內吏戶二部

題留奉

旨照伊所請准留在部辦事雍正元年正月初四日奉
旨戶部筆帖式白鍾山人明白同范岱前去協埋河工
事務遇有河道同知缺出即行補用欽此雍正元年

三月十五日前河臣齊籙勒

題補江南淮安府山清裡河同知雍正四年十二月
內前河臣齊籙勒

題補江南淮揚道雍正五年正月二十九日吏部帶
領引

奉

旨白鍾山補授淮揚道欽此雍正九年二月二十六日

奉

上諭江蘇布政使員缺着淮揚道白鍾山補授欽此雍
正十二年七月初一日奉

上諭江蘇布政使白鍾山授為南河副總河欽此雍正
十二年十一月十七日奉

旨白鍾山着給與僉都御史銜欽此雍正十二年十二
月十六日奉

旨河東河道總督員缺着白鍾山補授欽此雍正十三
年二月初六日奉

旨白鍾山着給與副都御史銜欽此雍正十三年四月

內遵例自陳不職本年閏四月十九日奉

旨白鍾山勤慎任事簡任河道總督着照舊供職欽此
雍正十三年十二月十五日准吏部咨為恭報秋
沃等事雍正十三年十一月三十日奉

旨白鍾山着加一級欽此臣三年以來仰荷

聖主教誨生成幸免愆尤惟有臣江蘇藩司任內督催
原任四川夔州府知府胡期恒名下應追隱匿夔
關稅銀限滿未完罰俸三個月又督催泰革四川
金堂縣知縣季允隆名下應追贓銀一案罰俸三
個月又督催金壇縣革職知縣王廷枚名下應追

冒銷等銀限滿未完罰俸六個月又經催藉屬
正十年均徵節年屯局米石未完二分以上罰俸
一年又督催前任禮縣知縣後陞秦州病故知州
馮念祖應追侵蝕里民墊辦糧草價銀限滿未完
罰俸三個月又督催江寧府陞任革職廬鳳道吳
應鳳名下應追勒墊索借銀兩限滿未完罰俸六
個月又督催句容縣前任叅革病故知縣趙元慧
虧空銀米限滿未完罰俸六個月又督催原任婁
縣縣丞田峻名下分賠米價銀兩陳念生名下借
欠米石限滿未完罰俸三個月又經催江蘇等屬

雍正十年均徵康熙五十一年至雍正元年蘆課銀兩限滿未完一分以上罰俸一年又督催陽湖縣革職知縣胡朝鼎虧空銀兩限滿未完罰俸三個月以上各案查雍正十三年十二月二十日准吏部咨各省錢糧已奉

上諭將雍正十二年以前實欠在民者一併寬免則從前經徵督催各官原議降級降職停陞罰俸戴罪等案已經註冊者亦應一併寬免等因遵照在案又查雍正十三年十月內欽奉

恩詔請封承廕于乾隆元年四月十二日准吏部咨河

東河道總督都察院右副都御史白鍾山三男

永治給以正三品廕生等因乾隆元年三月二十

三日奉

旨依議欽此又於乾隆元年六月十六日領到請封三代

詔命三軸又于乾隆元年十一月二十一日准吏部咨欽奉

上諭據河東總河白鍾山摺奏秋汛已過河東兩省南北兩岸一切埽壩工程俱屬穩固等語着議叙具奏欽此經部議奏乾隆元年十一月初九日奉

豫東宣慰司 卷四
旨白鍾山着加一級欽此欽遵在案伏念臣一介庸愚
遭逢

聖世荷蒙

世宗憲皇帝

特恩拔擢不次超遷十餘年間由筆帖式用至河道總督
天高地厚感激難名又蒙我

皇上教育備至

恩遇有加

念及犬馬之軀

命醫賜藥

允遂烏私之願逾格移封皆

聖主特沛之

殊恩實臣子難邀之

曠典臣雖竭畢生之心力亦不足以報

聖恩千萬一何敢於涓埃未報之時即思循例引退但

豫東二省黃運兩河地處上游最關緊要適年以

來仰賴

皇上敬誠感召

訓誨周詳無一時不上履

聖衷無一事不仰承

豫東宣慰司

卷四

五

睿訓所以汎水安瀾金堤鞏固實非微臣綿力所能致
此臣才識短淺河防任重時虞蚊負當茲舉行京
察之期又何敢戀職自容謹據實自陳伏乞

皇上即賜罷斥另簡賢能則菲材不致苟安而河防得
有攸賴矣臣不勝悚惶待

命之至為此具本謹具奏

開伏候

報

商虞二汛併管堤工

題為

題請併管堤工清理界址以便修防事該臣看得黃
河南北兩岸堤工實為河道地方之保障是以設
有文武員弁兵夫分汛修守以端責成其所管堤
工必須挨次聯絡界址分明庶便於巡防而無顧
此失彼鞭長莫及之慮如東省曹縣劉家口堤工
坐落黃河南岸間於豫省商邱虞城三縣之中豫
省考城縣芝蔴庄堤工坐落黃河北岸界連東省
之曹縣隔河修防彼此未便先于康熙二十五年

經前河臣靳輔

題請將考城縣芝蔴庄堤工歸併曹縣管理嗣于雍正五年經前署山東撫臣塞楞額

題請將曹縣劉家口堤工歸併商虞二縣管理俱經

部覆奉

旨依議欽遵在案但臣往來堤岸細查商邱虞城二汛所管堤工尚有彼此間隔之處行據河南管河道胡紹芬詳議咨部併段分管以清界址茲接准部覆不便據咨遽議令臣照例具題等因臣查商邱堤工自一堡起至八堡止計長二千四百五十二

丈五尺內共六段商堤下接虞堤虞堤下又接商堤商堤下又接虞堤犬牙相錯彼此參差一遇工程緊急該汛官弁兵夫間隔實難往來兼顧應請將虞堤自一堡起至火神廟止長一千五十丈五尺改撥商汛與商堤相接將商堤自五虎廟東埠口起至蕭家莊止長一千九十一丈改歸虞汛與虞堤相接商邱汛原管舊堤與歸併曹堤共長四十四里三十八丈五尺今管長四十四里二丈五尺虞城上汛原管舊堤與歸併曹堤共長二十五里一百二十八丈五尺今管長三十五里一百六

十四丈五尺兩汛所管堤工乃與原管之遠近長短相等而一為轉移彼此俱各接連均無顧此失彼之慮又查有曹縣越堤一段長一百八十八丈東一段長九十四丈本與虞城上汛相連前係歸併商邱汛管理西一段長九十四丈本與商邱汛相連前係歸併虞城上汛管理應請將東一段改撥虞城上汛西一段改撥商邱汛則兩汛工段聯絡不但風雨晝夜便於巡防即料物工程亦易於查察無犬牙相錯往來隔越之虞而有首尾相顧彼此照管之便實於河防有益臣謹會同河南撫

臣尹會一合詞恭疏具

題伏乞

皇上睿鑒勅部議覆施行

估計戴家廟等六閘

題為遵

旨會議事該臣看得東省運河水無來源全賴閘座層層閘束收蓄水勢以濟漕運前經臣等會同

欽差侍郎臣趙殿最等查看戴廟七級柳林新店師庄
康林萬年頓庄等閘內有雁翅漸整或面石裂縫
其運河兩岸斗門涵洞內有滿家三空橋馬家三
空橋雁翅低陷

奏明興脩以資鞏固奉准部咨詳細確估題請興修
等因奉

子東二陳錄 卷四
肯依議欽遵在案臣復於河水消落之時徹底查勘柳
林閘馬家三空橋上下均屬完固止須照例隨時
脩葺若補毋庸請帑大修七級師庄萬年三閘雖
間有坍塌不碍啟閉應行緩修其戴廟新店蠶林
頓庄四閘損裂較甚應行拆修滿家三空橋邵家
單閘雁翅埧卸橋洞傾圯應行修葺經臣于東省
各工分別緩急次第辦理摺內

奏明欽奉

硃批照臣所奏辦理臣隨欽遵轉行遵照在案今據山
東管河道王鴻勳詳稱據各該廳造冊詳估拆修

戴家廟閘估需銀七千九百三十一兩五錢八分
七忽五微新店閘估需銀五千五百二十二兩九
錢四分二厘一毫五絲八忽棗林閘估需銀六千
七百一十八兩三錢五分五絲九忽九微頓庄閘
估需銀六千五百二十八兩八錢八分二厘三毫
二絲四忽又脩葺邵家單閘估需銀四百三十八
兩九錢六分七厘一毫八絲八忽滿家三空橋估
需銀五百七十五兩二錢二分五厘九毫五絲七
忽五微以上閘橋六座通共估需工料銀二萬七
千七百二十五兩九錢四分七厘六毫二絲四忽

九微復親赴各閘橋細加勘估悉符漕規其所選
舊石以及各項工料並無隱漏浮冒擬合照造清
冊詳送伏候會核

題估在於山東司庫乾隆二年地丁銀內照數動支
再查石灰等項料物俱應預為採辦已于河庫內
通融河銀五千兩給發委員乘時辦料運工俟回
空過完即便興修統俟司庫撥發銀兩到日歸款
等情冊詳前來臣覆核無異除原冊送部查核外
臣謹會同江南河臣高斌山東撫臣法敏合詞恭
題具

題伏乞

皇上睿鑒勅部議覆施行

恭報秋汛安瀾

題為恭報秋汛水勢情形事據署河南懷慶府黃河
同知事署沁河通判効力知縣張傅呈稱所屬孟
縣武陟滎澤三縣境內黃河北岸水勢自六月二
十三日立秋起至九月十一日霜降止陸續共長
水四丈四寸共消水二丈八尺七寸除長落相抵
外淨長水一丈一尺七寸一切堤埽工程竭力修
守俱各保護平穩又據開封府上北河同知許佩
璜呈稱所屬原武陽武封邱三縣境內黃河北岸
水勢自六月二十三日立秋起至九月十一日霜

降止陸續共長水四丈六寸共消水二丈八尺八寸除長落相抵外淨長水一丈一尺八寸一切堤埽工程相機修防俱各保護平穩又據開封府下北河同知胡相呈稱所屬祥符陳留蘭陽儀封四縣境內黃河北岸水勢自六月二十三日立秋起至九月十一日霜降止陸續共長水四丈八尺共消水二丈八尺九寸除長落相抵外淨長水一丈一尺九寸一切堤埽工程竭力修防保護平穩又據署開封府上南河同知事懷慶府沁河通判承允傑呈稱所屬榮澤鄭州陽武中牟四州縣埽山

黃河南岸水勢自六月二十三日立秋起至九月十一日霜降止陸續共長水四丈六寸共消水二丈八尺八寸除長落相抵外淨長水一丈一尺八寸一切堤埽工程加謹修防竭力搶護俱保平穩又據通判管開封府下南河同知事張廣居呈稱所屬祥符陳留蘭陽儀封四縣境內黃河南岸水勢自六月二十三日立秋起至九月十一日霜降止陸續共長水四丈八寸共消水二丈八尺九寸除長落相抵外淨長水一丈一尺九寸一切堤埽工程加謹防守相機修濬俱各保護平穩又據歸

德府管河通判孫漸呈稱所屬商邱考城虞城三縣境內黃河南岸水勢自六月二十三日立秋起至九月十一日霜降止陸續共長水四丈一尺共消水二丈九尺除長落相抵外淨長水一丈二尺一切堤埽工程加謹修防搶護俱保平穩又據署懷慶府沁河通判事効力知縣張傅呈稱沁河水勢自六月二十三日立秋起至九月十一日霜降止陸續共長水三丈九尺八寸共消水二丈九尺五寸除長落相抵外淨長水一丈三寸一切堤埽工程俱各搶修平穩又據山東曹州府黃河同知

胡在穗呈稱所屬曹單二縣境內黃河北岸水勢自六月二十三日立秋起至九月十一日霜降止陸續共長水四丈一尺共消水二丈九尺除長落相抵外淨長水一丈二尺一切堤埽工程俱各竭力修防獲保平穩各等情到臣據此該臣會看得河工大汛時歷

聖衷例應於汛過之後具疏

題報臣查今年秋汛內豫東黃沁兩河水勢叠次增長臣凜遵

聖訓嚴督屬員平日預為防範廣貯料物臨時不致周

章臣復上下往來調度督率凡迎溜頂冲汕刷整
陷之處俱即相機搶護道廳營汛等官亦即遵照
指示竭力修防以仰副

皇上厯念民生奠安水土之

盛心今據豫東兩省各廳呈報秋汛水勢自六月二十
三日立秋起至九月十一日霜降止黃河上自孟
縣下至河南虞城山東單縣陸續淨長水一丈一
尺七寸至一丈二尺不等沁河陸續淨長水一丈
二寸南北兩岸工長一千二百餘里一切埽壩丁
程俱各修防穩固各等情前來伏查今年秋汛內

黃沁諸水會流爭趨勢甚浩瀚入秋之後萬壑
墟上提下坐在在堪虞乃兩汛內每於修防緊
之時或溜忽開行人力得施或形勢改移補助人
力即成天然引河此皆由我

皇上保民若赤之

聖表上契

天心所以百川順軌朝宗以彰萬年清晏之休至東省運
河水勢深通回空糧艘隨到隨行並無阻滯所有
秋汛水勢已過黃運兩河工程平穩情形臣謹會
同河南撫臣尹會一山東撫臣法敏合詞恭疏具

題伏乞

皇上睿鑒施行

請設捐栽楊園議叙

奏為河工必需椿木產地楊椿漸少亟宜預籌勸栽
以脩工需事竊惟河防以辦料為先務埽工以椿
木為要料凡歲搶大工捲下大埽非密釘長椿深
入老土則無以闔束而資穩固江南河工歷年杉
椿楊椿並用豫東兩省則全用楊椿每年約千丁
餘株江南每次委員來豫採買亦不下一二千株
沿河地方楊樹殊少豫省各廳向在河南府屬之
洛陽偃師鞏縣孟津懷慶府屬之濟源溫縣孟縣
等處購買東省則在城武定陶等處購買擬定成

規案內經部按照產地距工里數核定價脚在案然道途既遠紮運又難到工每多遲滯且洛陽濟源二縣已據詳稱民間楊樹歷經南北兩河採買及民間伐用餘存無幾請另定產地購辦等語第思南北兩河不能一歲不用椿木今洛陽二縣即稱稀少若再年年採辦必至偃師鞏孟等縣亦相繼告乏不可不早為之計臣是以屢檄廳營購買小楊令河兵在于沿河高阜官地內用心栽試復採訪栽種培護之法幸木性土脉多有相宜之處茲據各道委員驗明冊報已栽成五千二百餘株

計長成椿木即可供二三年之用若由此年年栽植處處繁茂可以用之不竭但河兵已有應栽額柳及積土做工等項經年力作並無閒時餘力可以栽楊伏查官民捐栽柳株康熙十五年定有議叙之例雍正二三年又經更定遵行楊椿較柳株更為緊要似應照例亦令官民捐栽議叙以示鼓勵惟是柳株所在皆有用價無多且易栽易成所以捐栽之數最多至於栽楊必須購求小楊每株圍圓二三寸高七八尺約用價銀四五六分至一錢不等連根移栽不時澆灌培護方能長養有成

栽楊之難什倍于栽柳而楊椿之貴亦百倍于柳
束如照栽柳議叙株數仍不免畏難退縮今約計
工本細加酌量應請嗣後河南山東沿河附近印
河文武官弁于沿河官地內有能自出已資捐栽
小楊栽成五百株者紀錄一次栽成一千株者紀
錄二次栽成一千五百株者紀錄三次栽成二千
株者加一級其瀕河民人有情願在官地栽成二
千者或在自已地內栽成一千株者給以九品頂
帶榮身印河各官不得抑勒強派此官民捐栽楊
樹俱于每年春間栽種次年秋間查驗栽成數目

取具該道廳冊結送部題明議叙楊樹交汛官收
管如栽成楊樹不及議叙之數准其次年補栽併
算議叙交汛之後如有偷盜及不用心培養等情
即將汛官叅處其民人在已地捐栽者地為楊樹
所佔不能耕種即令地方官從公估價給買歸公
豁糧如官員希圖議叙將民田指為官地強佔栽
種察出嚴行題叅至查沿河官地無多如將來地
內栽種已遍或原無官地之處即動河庫銀兩酌
買近河不宜禾稼堪以栽楊之地設為楊園與柳
園一例留於河工永遠栽楊如此則官民各圖議

叙之典自必湧躍爭先數年之後樁木不可勝用不但每年省數千兩之椿價而椿木可以就近濟用不致臨時枯槁于河防大有裨益謹

奏

請賜 黃大王封號

奏為仰請

聖恩

勅賜

河神封號以示優崇事竊查開封府陳留縣黃河堤北向有

河神觀宇嗣後移建堤南觀內供奉

黃大王神像靈顯昭著有萬人感應碑序可據雍正十三年間經前督臣王士俊因觀宇傾圯恭摺具奏欽奉

世宗憲皇帝諭旨特命動帑興修重新廟貌以佑河工現
在正殿供設

河神二尊一為

金龍四大王一為

黃大王誠

聖朝崇德報功之盛典也前據陳留縣紳衿士庶及沿

河各州縣等以

金龍四大王久膺

封號而

黃大王向係民間稱呼未經受

爵紛呈請復飭確查去後茲據布政司詳稱

黃大王名守之英傑河南府偃師縣人神姿天賦

異秉性成退水退沙片言立驗禱泉禱雨奇蹟多

端保冲塌之長堤工程底定復河流於故道商旅

奠安既昭偉績於生前復顯神功於身後且近日

黃河水勢日漸南趨最關緊要連年以來河工平

穩實由

聖德昭孚

神功默相似應俯順輿情請加

封號并造具事實確冊詳請前來臣等謹按祀典載

考事實

黃大王禦災捍患功烈彰彰建廟立碑不一其地今

陳留觀內雖經並列明禋而

封號未膺是以官民人等懇切籲請伏念我

皇上敬誠昭格典禮修明似應仰請

聖恩

勅賜黃大王封號以示優崇將見神靈協應宏施允膺

之功黃水之潤永享平成之福而河黎庶共沐

皇仁于億萬斯年矣正等謹合詞恭摺會

奏伏乞

睿鑒訓示遵行所有

黃大王事實另摺敬呈

御覽謹

奏

奏請湖草堤草歸公

奏為清理湖草堤草以裕工料事竊照豫東兩省黃
運兩河歲搶工程需用料物甚多除柳束一項於
柳園採取外其秫稻穀草蘆葦等項俱係動帑採
辦臣到任後見運河兩岸沮洳之地頗多可栽蘆
葦以資工用因嚴行清查已查出河灘地一十六
頃餘畝每年可收蘆八千餘觔又查出葦地一十
七頃餘畝每年可收葦八千七百餘束已經臣於
乾隆二年十月內造冊咨送工部備查在案至運
河南陽南旺蜀山等湖內與黃河大堤兩傍俱生

長襟草原藉以擋禦風浪衛護堤工而秋深芟割其草軟細堅韌填墊埽眼鋪捲埽心勝于穀草為河工有用之物料祇因管河汛員向無養廉惟賴此草變售以資用度未經歸公但臣思官物應歸公用不便聽其私行採賣況汛員內不管湖地堤工者尚多此豐彼嗇殊屬偏枯即管湖地堤員亦有長短廣狹不等所得之草多寡不齊不能均平畫一種種不便與其將官物聽其私用苦樂不均不若均給養廉官物歸公於事理似覺公當查武汛脩弁不過數員每員照依標營脩弁額定

隨糧名數一體支領已足養贍其文汛州同並現經臣另摺

奏請賞給養廉如蒙

恩允則各員亦皆日用有資均不得再行採草私賣應請將豫東二省黃運兩河湖草堤草以乾隆四年為始令該管道員於歲搶銀內給發刀工儘數採割交工委員盤驗收貯以脩工需即於應辦歲搶修料物內按數減辦扣銀貯庫每年將所收草束給過刀工銀數統於

題銷歲搶工程錢糧案內聲明造冊報部查核如此

則湖堤草束悉歸公用即可減辦料物于工帑有益而兩省管河汛員皆得養廉均沾

皇恩于無既矣至查黃運兩河湖草堤草雖以湖水之大小天時之晴雨分別多寡難以定額但據各該道開報約計每年可採草一百五六十萬束不等按照漕規每草一束重七觔價銀五厘四毫共值銀八千四百兩不等除僱人採割每束約給刀工銀一厘六毫共需給銀二千四百兩外實應值銀五六千兩不等以此計算每年可省動辦料銀五六千兩臣謹恭摺具

奏伏乞

睿鑒

題估蜀山馬場二湖圈堤

題為遵

旨會議事該臣看得東省蜀山馬場等湖為豬水濟運之要區全賴堤岸高厚完固方可以資關束而蓄水勢前經臣等會同

欽差部臣趙殿最等查勘各湖圈堤殘缺卑矮且尚有原禾全築之處

奏請悉行補築並酌建石閘涵洞于坡水森注之時開放入湖坡水已過下板嚴閉不使湖水溢出既有裨於漕運亦可免弁民田經部議覆將應建應

築處所遵循舊址逐細詳加確估題請興修嗣因蜀山馬場二湖向無圈堤處所湖水與坡水兩相抵聚難于懸估隨將應幫圈堤各工先行

題請修築准部覆令動支銀兩催募夫役上緊挑築如式鞏固未估各工俟水勢消涸之日據實確估照例造冊題請興修等因除已修工段已據嘉祥等州縣領銀募夫照估幫修完固將完工日期咨部外今據山東管河道王鴻勳詳稱查蜀山湖東面並馬場湖北面向來皆未築有圈堤原奉部覆俟水勢消涸之日確估興修但地勢卑窪積水淹

蓄一片瀰漫若必俟水勢消落然後估築未免稽遲時日不惟湖水不能多蓄無以濟運亦恐水發之時波及民田如於水內築堤則又人力難施即或倍費工力設法築成而內外浸泡一線土堤孤立水底亦難資捍禦細察形勢斟酌機宜凡水淺之處自應仍循舊制其水深之處少為迂迴畧加開展繞灣避水擇其地勢稍高之處在于沿湖邊坡就露灘涸地補築新堤兩頭與舊堤接連圍繞周匝庶幾衆流匯聚濟運有資仍照

欽差部臣趙殿最等原議酌建涵洞于坡水森注之時

開放入湖坡水已過即嚴密堵閉不使湖水溢出既無走洩水勢之虞亦無波及民田之患因時啟閉相機節宣實於漕運民田兩有裨益至蜀山切臨河一面東臨大湖西臨運河兩水夾攻日被冲刷在在卑薄曾於乾隆元年調撥額夫加帮過八百六十四丈尚有八百九十丈五尺因被水佔未及興修去年大挑煞壩後水勢浩瀚擇險搶修防風始保平穩今圍堤全築蓄水更大風浪撞擊一綫危埂高懸河湖之間形同壁立岌岌堪虞若不早修築完固延至伏汛大雨時行工作難施山

泉漲發湖內盈溢尚有疎虞則全湖重瀉漕運資關係匪細再四籌畫亟應與補築圍堤各工一同請帑興修庶為經久之計今據運河同知高沅詳估蜀山湖東面在汶上縣汛內自顏珠馬家坊新堤頭起至胡家溝止向無圍堤今應築堤工計長一千二百六十七丈內應建涵洞二座共估銀二千九百七十九兩四錢七分六絲四忽又濟寧州汛內接連汶上縣汛胡家溝起至蘓吳橋止應築圍堤計長一千二百四十二丈內應建涵洞三座共估銀三千九百八十七兩九錢六分一厘八

毫九絲六忽再臨河一面堤工東臨大湖西臨運河在在卑薄亟應增築高厚自嘉祥縣汛大長溝北頭起至汶上縣汛孫村交界止共長一千七百五十四丈五尺內除大王廟對過圍堤鉄心土壩二十二丈無庸估修外實估工長一千七百三十二丈五尺共估土方銀二千六百八十兩四分二厘四毫又馬場湖濟寧衛汛內自田宗智庄堤頭起至火頭灣北運堤止向無圍堤今應築堤工計長二千五百七十九丈五尺內應建涵洞四座共估銀五千八百一十五兩七錢五分六厘一毫二

絲八忽再查蜀山湖東面議估新築圍堤處所地勢卑窪而且蜿蜒屈曲迎風頂浪一遇山泉漲溢汶水匯歸通湖盈滿風浪撞擊危險堪虞斷非土堤所能保障其臨河西堤坐當迎溜風起浪作勢甚洶湧一帶土埂更屬堪虞均應擇險估修防風柴工以資攬護查汶上縣汛內東堤臨湖一面應修防風三段共計長三百七十丈料物夫工共估銀六百五十八兩六錢濟寧州汛內東堤臨湖一面應修防風三段共計長三百八十丈料物夫工共估銀六百七十六兩四錢又汶上嘉祥二汛西

堤臨河一面應修防風工長一千三百五十五丈
五尺共估料物夫工銀 千一十五兩九錢八分
七厘五毫以上蜀山馬場一湖土石業工通共估
銀一萬九千八百一十四兩二錢一分七厘九毫
八絲八忽俱係按照漕規確實估計並無絲毫浮
冒擬合照造清冊詳請會核

題估再該工關係緊要如候部覆至日發帑趕築不
及應請一面在於山東司庫乾隆三年地丁銀內
給發汶上等州縣多募鄉夫及時興修庶可於汛
水未發以前一律完固再查蜀山馬場兩湖估築

堤均擇高避水之地均在濟寧州汛內雖屬湖
坡低田十歲一淹但其中有報墾湖荒亦有祖傳
民業應請照舊冊查核按冊查核按糧文地如係
墾湖荒即計畝給糧如係耕買民業即照數發
糧統令該州修造清冊由藩司核明具詳照例
發給豁糧給價庶湖濱貧民不致有失業之慮而湖
堤就高圍築不致內外水泡有塌陷之虞亦且展
寬湖面各處坡才借以收蓄于漕運民生永資利
益等情冊詳前來臣復勘核無異除一面飭行山東
布政司酌發各州縣銀兩及時多募人夫並飭

管河道酌派諳練人員分段監築並將原冊送部
查核外臣謹會同山東撫臣法敏合詞恭疏具

題伏乞

皇上睿鑒勅部議覆施行

奏請賞給河工佐雜等官養廉

為恭懇

聖恩賞給佐雜養廉以恤微員事竊照各省大小官員
俸薪之外給以養廉銀兩原為

聖朝曠典從古未有江南佐雜等官從前未給養廉于
乾隆元年二月內特奉

恩旨令該省督撫倣照江西湖廣之例酌定數目每年
賞給凡江南管河州同州判縣丞主簿巡檢關官
皆得仰沐

皇恩與地方佐雜一體均沾此尤

聖主體恤微員之

鴻仁也查河東管河州同等官前于河東兩省議給佐雜養廉時因係河員亦未議給此等微員自備鞍馬効力年久始得委用在黃河則防守堤埽搶護工程履危蹈險在運河則挑濬河道宣蓄水勢護重僭空俱係經年奔走河干櫛風沐雨冒暑衝寒較之地方佐襍在署辦事偶一差遣者尤為勞苦而河工定例佐襍官衙大缺小與衙缺相當者委署試用一年衙小缺大者委署試用二年始題請實授在實授之員雖俸微力薄尚有俸薪可支

事試用之員則又例不准支俸薪衣食甚覺艱難前據兩省各道援照江南河員之例會詳請給經臣移咨江蘇撫臣咨覆相符隨經據情咨部准戶部覆令臣奏明辦理復據各道稟詳請題前來臣查河東兩省地方佐襍已邀

恩賞於前江南管河佐襍又沐

聖恩于後即河東管河佐襍如鄭州州判曹縣縣丞巡檢嶧縣縣丞武城縣縣丞鄒城縣縣丞等六員雖係河員因兼管地方亦與地方佐雜各歲支銀八十兩又如沛縣管河主簿及夏鎮楊庄各閘官計

三員雖係河東所屬因沛縣係隸江南亦得在江南一例領支銀六十兩其餘各員尚無養廉衣食鞍馬實屬拮据可否仰懇

皇上天恩將河東管河佐雜等官亦照江南之例每年每員酌給銀六十兩以為養廉則日用有賴自必倍加感奮咸戴

皇仁于無既矣查河東管河州同州判縣丞主簿巡檢開官共九十四員除鄭州州判等九員已有養廉外止八十五員每員銀六十兩共銀五千一百兩如蒙

恩予請于該省司庫存公耗羨銀內支給以乾隆四年為始布政司按季支領彙入通省各官養廉項下造冊報部緣奉部文令臣奏明辦理可否賞給出自

聖恩謹恭摺具

奏

塘鋪請派專員帶兵巡查

奏為請為塘鋪之責成以收弭盜安民之實效事竊
照各省水陸大路俱設有塘鋪派撥營兵原以弭
盜賊而安民生但平時稽察匪類事後緝緝贓賊
則營兵不如捕役之眼明手快若遇響馬老爪等
盜在於道路搶奪截劫捍禦追擒則捕役不如營
兵之人馬強壯鎗械銳利故欲弭道路之盜賊必
先嚴塘鋪之兵丁而欲嚴塘鋪之兵丁必先為塘
鋪之責守臣竊見近日科道諸臣以弭盜一事屢
屢陳奏前月刑部議覆監察御史書山條奏塘鋪

有弭盜之名無弭盜之實令各督撫提鎮飭令各營將弁嚴飭塘兵晝則循環守望夜則輪流巡邏倘有截刼而不救護盜去而不即尾追甚至盜賊出沒漫不覺者斥革重懲該管官知情徇隱降級調用失察罰俸所議已詳悉明切臣已遵照飭令各營將弁實力奉行在案查臣標四營所管河路三百六十餘里原設沿河塘舖一十九座其原無塘舖之處臣又酌量添設浮汎每塘舖撥兵五名浮汎三名臣俱按塘汎之遠近酌撥千把帶同兵丁住宿巡防每年糧船重運回空盛行之際並隆

冬歲暮之時臣復分定地界另行遴委幹員弁酌帶兵目往來照會巡查三年以來河路並無失事地方亦甚寧靜臣因思各處水陸大路所設塘舖兵丁若得弁員住宿督率晝夜巡查則盜賊自必絕踪行旅皆獲坦途但查河闊工經由大路留心察詢帶汎弁員所管汎地數十里至百餘里不等所管河路亦數十里百餘里不等且多係駐防州縣城內距大路塘舖遠近不一勢必不能每日每夜遍歷百餘里之汎地往來百餘里之道路又必不能久離城守而住宿塘舖在塘兵無專員督率

則玩愒偷安情所必至即或汛弁親查或營將委員查點亦不過白晝守望斷不能必其昏夜周遍巡邏不過勉強一時斷不能保其常常如是臣愚以為道路之賊盜劫人資財戕人性命尤為克惡道路之防範更宜嚴密似應于每年三四月青黃不接之時十十一月等隆冬時候將大路塘舖酌量添派弁員住宿塘汛協同該管汛弁督率塘兵晝夜往來巡查防護如經制千把不敷派委即於外委千把及報部之記名目兵并部發候補推年滿千總及各項隨營差操人員內一體派

委倘所委員弁不實力率兵巡防所管道路內遇有搶劫等事即同帶汛官一例分別降罰記名目兵即行責革如巡防勤慎道路寧謐亦酌請議叙拔補如此則塘兵有弁員以督察自不致偷安玩愒而帶汛之弁有委員以協助亦不敢因循廢弛庶塘舖兵丁不為虛設而弭盜安民可收實效矣臣緣肅清地方起見謹陳蕪蕘之愚是否可行伏乞

皇上睿鑒訓示遵行

德

卷四

陳東宣防錄目錄卷五

乾隆四年

謹籌湖水利運事宜

敬陳稽察漕弊三條

遵行

耕耜

請定河員起復假滿仍留河工

請設商虞通判

薦舉幕賓

東省水利請照豫省修濬

東省水利

請照豫省修濬

豫東宣防錄卷五

總督河南山東河道提督軍務都察院右副都御史臣白鍾山

謹籌蓄水利運事宜

奏為謹籌蓄水利運事宜恭請

聖訓事竊臣准工部咨議覆部臣趙殿最等條奏運河西岸南旺南陽昭陽等湖令河東總河山東巡撫飭令該地方官詳細確勘有可蓄水利運者即行題明相機修治如果廢棄年久不能益用亦將不能再復形勢據實奏

聞奉

請修河堤代賑

和築豫省黃河堤工

恭報秋汛安瀾

謹籌清地栽葦

請增曹單廳員

請設黃河巡船

請巡漕御史分地巡查

漳河請復故道

病軀難膺重職

奏覆會勘小清河修濬情形

聖恩在任調理并

賜謫遣醫

病痊恭送太醫回京恭謝

大恩

奏覆會勘小清河修濬情形

硃批依議欽此欽遵移咨到臣臣查

大清會典開載山東諸湖在運河東者儲泉以益河之不足曰水櫃在運河西者分漲以洩河之有餘曰斗門又查山東全河備考云諸湖惟蜀山馬踏在漕岸之東可稱水櫃南旺西湖在漕岸之西但稱水墊不可稱水櫃由此觀之是運河西岸各湖不可以櫃而僅可以洩運河盛漲之水由來久矣然山東運河水無來源當春夏之交雨少泉微漕船北上滴水如金但湖底窪下河高於湖水可注之使下不能挽之使上臣往來屢次相度再四籌思

查南陽昭陽二湖原與微山湖通流下有湖口閘每年開放以濟江南邳州一帶運道不為廢棄無庸置議惟南旺西湖湖面廣濶水勢散漫且外高內窪有進無出不能濟運誠為可惜因思此湖之所以不能出水濟運者以其河高於湖水能入而不能復出故也若能使湖水高於河水即可輸河而濟運矣雖湖地本來窪下不能增高而湖水設法收束可使充盈則築堤逼水之法正可行於此湖假如河高於湖三尺而湖中築堤高至八尺則堤高出於河面五尺蓄水盈至五六尺則湖水

轉高於河水二三尺矣今若於湖中相近運河地勢稍高之處截築堤周圍環繞分為內外兩湖則束起平川水不漫流自然盈滿易於暢出伏秋運河水漲之時收入內湖次年春夏運河水弱之候放出濟運既可洩運河之有餘兼可濟運河之不足似為蓄水濟運之一策臣令管河道王鵬敷帶同廳汛並地方官悉心查勘細加測量將湖內何處可以築堤蓄水及河水應從何處放入歸湖湖水從何處放出濟運設遇水大之年湖內不能容納又應作何宣洩逐一詳細勘明議覆去後嗣

據詳稱遵往細加查勘寺前閘迤北嘉祥縣汛前帝廟前起至開河閘迤南汶上縣汛閘家閘北止近在河邊地勢較湖心稍高可以築堤蓄水東面即靠運堤西面加築圈堤一道長五千餘丈兩頭與運堤相接周遭繞匝內可蓄水圈堤以內為內湖圈堤以外為外湖再於圈堤內建斗門二座相機啟閉河水儘內湖收蓄如遇水大內湖不能容納開放斗門洩入外湖其河水收入內湖止須將運堤內舊有之常鳴等斗門單閘畧為修葺堅固即可資宣洩斗門內進水引渠挑濬深通俾引水

下注三泐水放出濟運查常鴟等斗門單閘地處高亢不能出水歸河濟運應另由新築圍堤內南首建斗門二座開放湖水一由十字河口歸河以濟寺前閘迤南之運一由太平庄歸河以濟寺前閘迤北之運其十字河口并太平庄兩處均應建出水單閘一座以便啟閉查十字河口有廢石橋可以拆選添用節省錢糧至圍堤北首即由閘家開放出以濟開河閘迤南十里閘迤北之運不必動用帑金另建斗門准將湖內高阜處所挑浚引渠使水暢流出閘此河水入湖湖水濟運之關鍵

大要也至築堤丈尺土方俟河水稍涸之日逐細丈量核估據實造冊另報等情臣復親往履勘其所指如築圍堤與應建斗門單閘之處皆因高旋卑頗得形勢如此修治則可使河水放入湖內收蓄亦可使湖水放出河內濟運向來壅水之區轉而為蓄水之櫃實於運道有益但臣愚昧之見是否可行臣未敢擅便先將遵

旨勘明南旺西湖可以蓄水利運緣由恭摺覆奏伏乞

呈上訓示遵行

敬陳稽察漕弊

奏為敬陳稽察漕弊事宜仰祈

睿鑒事竊照每年漕船北上蒙

皇上分遣御史駐劄各省原為稽察漕弊非徒督押催
饋已也臣等伏讀

諭旨今歲漕糧抵通之後旗丁無力回向甚或棄船河
干以致上厯

聖衷賞銀兩以恤其艱肅法紀以儆其玩

皇恩浩蕩

睿慮周詳臣等竊思漕弊多端如在水次則有折乾之

并過淮則有盤糧查貨常索助規之弊抵通則有
經紀車戶人等勒捐賄賂之弊邇年以來倉場總
漕並該省督撫諸臣仰遵

聖訓自必竭力剷除毋庸置議惟沿途盜賣漕糧弁兵
需索以及催募剝削添加短絀其中有弊在旗丁
者亦有弊在沿途兵民若有實係苦累旗丁者亦
有旗丁自行花費虧空及至抵通藉稱沿途苦累
者臣等奉

命巡漕償運均有稽察之責若不清其源杜其微覈其
實使人人各有責成人人自相覺察則沿途之弊

竇恐未能盡除而運丁之果否苦累亦無由分別
今臣等將應行稽察事宜公同悉心籌酌臚列各
條謹為我

皇上敬陳之一盜賣漕糧地方官處分宜定也漕糧上
關

人庾顆粒難容虧缺往往有不法旗丁或思抵通交倉
弊混掛欠或妄冀得銀帶物以獲微利遂於沿途
盜賣以致虧缺正數買補艱難回南無力此漕弊
之首宜稽察者沿河地方官近在河干見聞最切
且所管河路無多賣米之鎮市更少稽察甚易定

例盜賣漕糧地方官失察一起罰俸六個月以次遞加至失察四五起以上始降一級調用查一州一縣地方斷無接連盜賣四五起之事亦斷無失察盜賣四五起俱被上司察出叅處之事而失察一二起止於罰俸處分較輕是以地方各官徃徃漫不經心且查押運官員失察旗丁盜賣漕糧例係降一級調用亦並未計算起數應請嗣後糧船旗丁在該地方內盜賣漕米五十石以上者經該管上司並巡漕御史查出題叅將該地方官降一級留任一百石以上降一級調用其道府所管地

方遠濶如有失察仍照舊例處分如此則地方官畏難除級之重懲自必加謹稽察沿途無容留泊船之處旗丁亦無從賣米而盜賣漕糧之弊可除矣一催漕弁兵容留需索失察故縱各官之處分宜酌定也查旗丁欲在途次盜賣米石停泊糧船勢不得不賄通催漕弁兵本出兩相情愿自必互為容隱與者既不告發受者更不肯首報其弊究無從覺察惟該管將脩所管汛地無多稽查猶易從前並未定有失察處分未免視同膜外應請嗣後催漕弁兵需索旗丁銀錢土物者經該管上司

並巡漕御史案出錄兵將該管千把總以失察衙役例處分係弁兵將該管將備以不揭報劣員處分至押運官弁所管船數無多且係晝夜在船其旗丁有無行賄被索之處無不深知如果據實詳報該處河撫巡漕諸臣不難即時追究乃亦因未定有處分遂致通同隱匿并請嗣後如有催漕弁兵需索旗丁或旗丁行賄而押運官員不即申報者照隱中上司而不申報例處分如知情故縱應照以財行求律與旗丁一體治罪至於旗丁如被催漕弁兵需索即時首告免罪仍追贓給領其贓

少首多或因催餉挾嫌誣首者照誣告律治罪如不行首告及以財行求者照律與受同科贓銀入官催漕弁兵如有旗丁行賄即據實首免其治罪並免追贓如此則非首告於弁兵旗丁即察報於押運官弁與該管將備而沿途賄通需索之弊可除矣一催募剥船宜令押運官員與沿河州縣即時查報也旗丁抵通動稱沿途催募剥船添加巡緝以致運費不敷冀邀望外之

皇恩其中實係苦累者固有而自行花費虧空借端掩飾者亦不能保其必無若不宣以稽察之法虛實

無由分別除催募短絳已經倉場侍郎臣塞爾赫
等條奏部議令總漕將作何約束兵日嚴禁絳夫
勒索之處詳悉定議報部應聽漕臣定議外至催
募剥船雖非每年常有之事而稽察之章程不可
不立查上年本省因天旱水微需船剥運係令沿
河州縣預備剥船官為定價聽旗丁隨便催用並
無船戶勒索情事其船戶在河干守候俱係地方
官酌給食米亦未累及船戶去歲行之東省丁民
俱各稱便已著成效應請嗣後糧船如遇夏間雨
少水淺載多船重之時即照東省上年成規地方

官預備剥船先儘貨物起剥貨物起淨再剥漕米
總按裝載米石之多寡給以催價因時制宜官為
酌定先行飭知押運官員並該地方官即將帮船
旗丁姓名用船隻數催船價值或係剥貨或係剥
米呈報督撫漕河諸臣並巡漕御史條案如此則
催價公平船戶不敢任意勒索而查報有案旗丁
亦不得借口賠累抵通之後自無運費不敷力量
艱窘上廛

聖心之事矣以上三條臣等因釐剔漕弊起見謹合詞
陳

奏以期諸弊廓清以盡稽察之責是否可採伏
皇上睿鑒訓示遵行

遵行

耕藉

題為恭報微臣遵行

耕藉日期仰祈

睿鑒事案于乾隆四年正月十三日准河南撫臣尹會
一咨准禮部咨開為請

吉事議得乾隆四年三月初五日辛亥祭

先農壇恭請

皇上行耕藉禮等因具奏奉

旨依議欽此欽遵移咨到臣臣隨行所屬一體欽遵在

案今臣奉

旨會同山東撫臣法敏查勘小清河于乾隆四年三月初五日辛亥在齊東縣地方率同該地方官並耆老農夫恭祭

先農之神遵行

耕耨之禮望

闕叩頭恭謝

天恩訖竊惟八政之首曰食

聖主爰首貴夫農功一年之計在春小民必先勤于東作欽惟我

皇上

堯時敬授

禹甸仁敷禋祀

先農本望歲祈年之至意

躬行耕耨示重本抑末之深衷

蒼玉明虔萬國仰

聖心之無逸

朱紘親御

九重知稼穡之艱難下及臣工一時重耒耨計郡縣同日薦馨臣職任宣防實司水土緣奉

欽命會勘河渠因與撫臣巡行阡陌茲抵齊東之境正逢古吏之辰偕撫臣而肅奠

農師率群黎而俶載南畝第見烟籠綠壤雲覆青郊霖霖應時卜豐亨之預兆菁蔥蔽野知頴粟之可期而順風調億兆享盈寧之慶春耕秋歛開闢遊歷之天長堤屹若金城河流彌潤埽壩安如磐石德水凝膏所有臣耕藉日期理合恭疏

題報伏乞

皇上睿鑒施行

請定河員起復假滿仍留河工

奏為請定河員起服赴補河弁年滿留工之例以收實效以重河防事臣竊觀歷任河臣奏議皆言河工以用人為要修防以諳練為先然人才難得在工者多諳練者少或質本愚鈍未能觸類旁通或性近粗浮不肯用心習學求其熟悉水勢情形迎曉修防之成法者蓋十不得一焉如能深明水性于似平而伏險雖險而漸平之處體察入微修守合宜者則千百中不得一矣故文員於留工之後斥逐者有之委署之後掣回者有之武弁千入伍

之後革糧者有之板補之後又斥革者有之其文員自留工以至委署實授武弁自入伍以至板補年滿已幾經察試幾經閱歷雖不能必其深明水勢而水勢消長情形工程平險機宜已皆身經目覩熟諳于胸中若一旦令其離工遠去殊為可惜如河工文員丁憂例應回籍守制及服滿起復即由本籍起文赴部另補間有本人愿回河工者河臣酌量題咨或奉

特旨俞允或經部覆准行然如此者甚少蓋因未有定例去來由其自便河臣不便于服滿之後催其回

工部臣亦不便以係河工之員不准補用別定是河工去一丁憂之員即少一諳練之人矣近又奉定例官員出繼為人後者遇本生父母亡故槩令回籍治喪一年限滿起文赴補是河工去一治喪之員又少一諳練之人矣臣愚以河工文員必係在工有年諳練修防始

題署咨署試用年滿堪以勝任始保

題實授若舍此年久諳練之員而候投効新人望其習學諳練再行委用不若即令伊等于丁憂服闋治喪服滿仍赴河工差委候補則駕輕就熟人地

相宜俾其宣力河防不特成就人才而於河工實大有裨益又如河營千總六年俸滿例應開缺如熟悉椿埽勤敏盡職許咨部留工効力遇千總缺出與現任千總一體揀選題補但河營守備之缺甚少如河東兩省僅有守備三缺任補無期此等年滿千總原因熟諳椿埽留工係有用之人今既不能陞補守備又不能仍留千總並無應得之俸餉而令其終年在工差遣奔走衣食無資遲之日久未免因盤費拮据漸生退縮之心請嗣後河營年滿千總亦照兵部所定標營年滿千總之例分

別等第如果熟諳工程實心任事著有勞績確有實據者列為上等給以千總俸餉在工効力遇有守備缺出即行

題補送部引

見請

其歷俸未滿之千總不得一體選補如止係熟悉椿埽勤慎供職者列為中等給與馬糧一分但河營未設馬糧改給步糧二分在工効力俟著有勞績遇有守備缺出與現任千總一體選補至河營汛廣兵單此項年滿千總俸餉步糧不便于額設兵

餉內減給應請統于建贖項下動支惟是向例年
滿千總熟悉椿埽者但止咨部留工並不連人送
部今既分別等第給餉候補亦應照標營之例河
臣出具切實考語送部驗看帶領引

見其後前留工年滿千總俟奉

旨俞允之日補送引

見恭候

欽定如此則文武齊驅人人思奮河工皆得諳練之人
河臣可收臂指之用臣因仰體

聖主慎重河防務求裨益工程起見敬陳蕝莠是否可

行伏乞

皇上聖鑒訓示遵行

請設商虞通判

奏為請增設廳員以專責守以重修防事竊照河南
歸德府屬考城商邱虞城三縣黃河工程居豫省
之下游與江南徐州府屬碭山縣毛城舖一帶河
堤接壤益南北之要衝上下之關鍵也臣等查黃
河自陝西潼關以下入河南界經數百里會合沁
河及伊洛瀍澗千支萬派之水奔騰而來至此水
勢逾大地勢逾卑河身漸窄土性又疎每遇水漲
易聚難消工程最為險要修防最宜謹慎上年江
南河臣高斌以碭山毛城舖減水壩較舊制更加

周密將來洩水自少汎水長發盈漕溢岸疏請將毛城鋪迤上至豫省虞城縣交界止臨河縷水大堤擇緊加築一律崇墉高厚又以舊設徐屬同知地滾工長鞭長莫及請添設通判一員駐劄碭山縣地方上自虞城縣交界起下至王家山各處埽壩驗工令其蒞管并司毛城鋪等處減水壩設閘蓄洩機宜經部覆准奉

旨俞允是虞城以下在江南界內者大堤既經增修要工又有蒞責可保無虞籌畫已為妥協周匝惟是虞城以上係在河南界內而實與江南大堤毗連

形勢險要相同現據管河道詳請接修堤工與江南一律高寬并酌修埽壩以資捍禦但思工程固宜修築而防守尤貴謹嚴考商虞三縣河道迂迴曲折計長二百七十餘里止設管河通判一員當伏秋汎漲之時刻刻宜防處處宜守諒通判以一身而東西上下往來奔馳精力稍弱者固無論已而強幹者亦不免有顧此失彼之虞今歲秋汎內黃河水勢疊次漲發停久不消臣等派委効力人員及標營員弁協力修守獲保平穩但工長汎險通判一員勢難兼顧委員協助暫時行之則可若

定為常例轉恐彼此推諉掣肘有誤機宜臣等才
在地方目擊情形城社民生攸關匪細籌之已久
今復面同再四商酌必得添設通判一員將廬城
縣與江南礪山縣交界起上至高郵縣頭堡止堤
埝各工俱令新設之通判分管以爲責成其有上
下相關或汎漲不消之時此商廬新設之通判與
江南新設之蕭陽通判彼此關會遵照江南河臣
高斌原

題相機啟閉宣洩務期上游下游兩利無碍至原設
之歸河通判所管工程除商廬二縣分撥外止餘

考城一縣查開封府下南河同知所管祥陳蘭儀
四縣河道亦長二百七十餘里險工林立該同知
一身亦難兼顧請將儀封縣堤埝各工與考城縣
河道工程俱責成原設之歸河通判經管修防改
為儀考通判而令下南河同知專管祥陳蘭三縣
河道工程則繁簡適均力有可施開歸兩郡緊要
工程各有需員需責既無奔馳莫及之勢自無竭
蹙遲悞之虞矣臣等因要工起見是否可行伏乞
皇上聖鑒訓示遵行

薦舉幕賓

奏為遵例薦舉以副

盛典事竊照乾隆元年定例督撫幕賓如有才守出羣者該督撫揣摺保薦送部引

見從優議叙等因遵行在案臣惟幕賓延入幕內朝夕晤對相處既久其人之才識心行無不深知熟悉較之屬吏交游知之更稔人臣以人事

君義當舉其所知況

聖朝闢門籲俊已著為令典更何敢知而不舉臣自于

雍正九年蒙

世宗憲皇帝隆恩由淮揚道超擢蘇州藩司即延浙江會稽縣人倪學端辦理幕務及臣蒙

恩補授南河副總河旋陞河東河道總督皆倪學端在署襄助今已八載餘矣觀其為人謹慎誠實辦事明敏諳練在臣幕中八年如一日臣思幕賓既肯盡心居官必能盡職查倪學端係候選縣丞熟諳吏治而于河防一切事宜平日尤為究心數年以來與臣往來河干臣復與之講論辦晰更覺習練可謂河工有用之人臣既歷試有年確知其才守可信遵例恭摺保薦以副

聖朝鼓舞人才之

盛典可否優叙出自

皇上天恩再查目下桃汛已屆往前即值伏秋大汛容俟秋汛後即將倪學端送部引

見合併

奏明伏乞

皇上聖鑒施行

東省水利請照豫省修濬

奏為請行豫省已行之例以廣水利以重農工事竊
惟地方水利工程雖與河防有平險難易之殊而
其大要總在修防于平日保護于臨時方能永遠
受益若平日不講修濬之方及至山水驟發又無
崇卑竭力保護雖溝渠陂澤亦不免有泛溢渰及
田禾之虞我

皇上念切民生屢頒

諭旨令督撫有司將一切水旱事宜悉心講究應修舉
者即行修舉應動帑項者即行奏聞乾隆元年六

月內為蘓松淮揚各湖河特奉

上諭朕思與其歲久濬築事難費倍不若逐年疏葺事
易費省仰見我

皇上聖明天衷早已洞悉無遺臣于乾隆三年奉

旨與河南撫臣尹會一商辦葉縣西平襄城郟城遂平
等縣水利事宜將每年伏秋水發之時需管水利
之同知通判照河工例住宿防護水過之後查勘
河渠淤淺堤堰殘缺即于冬春農隙率夫浚築並
廳印官應行議處議叙各緣由詳議具奏經部議
覆除廳印官三年無悞題請議叙之處無庸議外

餘俱照臣等所奏議准在案河南一省現在行之
有益今歲山東章邱等七縣小清河水利工程蒙
皇上允山東撫臣法敏所請亦令臣會勘臣查山東小
清河與河南汝河渰河形勢大畧相同皆發源于
衆山夏秋水勢暴漲俱宜平時修浚臨期保護方
保無虞且由此以推各省川澤河渠未有不修防
於平日而能免患于臨時者誠如

聖諭逐年疏葺事易而費省也查臣前會同河南撫臣
尹會一議奏修防水利事宜原止就河南一省而
言所以部文止行于河南而未行於各省並未行

於山東河南兩省現不畫一臣思凡有水利地方俱有專管兼管水利之道府廳縣自應通行山東及各省一例循行則經管水利各員知有責成自必隨時經理加意防範可無暴水漲溢淹漫之患而河渠堤堰逐年疏築不致積久淤墊殘缺多費工力脉絡通而隄防固永享水之利而不受水之害廢幾仰副

聖主保民若赤之至意抑臣更有請者臣前會奏管理水利之廳印官果能實力修防三年勤慎無悞題請議叙部議未准第水利為地方第一要務屢墮

聖心今既定有議處之例在怠惰之員自必知儆然不予以議叙則勤勞之吏無以鼓勵似宜酌量議叙則賞罰並行而水利各官咸知懲勸廢興行水利可收實益臣雖端司河務不敢以水利為地方有司之事稍為岐視謹將豫省現行之例恭摺奏請可否通行各省畫一循行伏祈

皇上聖鑒訓示遵行

請修河堤代賑

奏為請修黃河堤工以固河防以濟災黎事竊照豫
省黃河南北兩岸奔騰浩瀚瀕河郡縣全賴大堤
以為屏障故保護于汎水盛漲之際乃所以衛民
生若修築于地方災浸之年並可以濟民食今歲
自五月初旬至今七月雨水連綿一雨輒傾注六
七日不止少時復雨平地有水深數尺者河水叠
次漲發普而出漕漫灘臣等督率官弁兵夫處處
巡查刻刻防範相機搶護仰賴

皇上聖德懷柔

河神效順幸保無虞但黃水善淤水落沙停沙停則
灘高灘高則堤卑理勢必然且河南土性本疏經
此雨水官舍民房在在坍塌况茲土築之堤外有
灘水汕刷內有積滯浸泡加以傾盆大雨晝夜淋
漓水溝浪窩及坍塌之處不可勝計雖經督令動
用積土隨時填墊修補究係雨中倉猝搶護之工
恐難經久又向來離河甚遠之處止有單堤一道
今經大水河勢不無改移昔遠今近昔平今險一
線單堤難支捍禦必得于水落歸槽之時逐細查
勘除現在高厚完整者毋庸估修外其有卑者增

之使高薄者培之使厚離河已近而止有單堤者
則加築月堤以為重門保障此臨河堤工亟應興
修者也大堤及內月堤而外間有二堤例係民修
今經此番雨水殘缺太甚如仍令民夫大加修築
恐被災之民力有不能竊念從前建築二堤大費
工力今若因循廢棄甚為可惜且多一重土堤即
添一重障護若修築完整所費少而受益大此二
堤亦應興修者也往年直隸山東兩澤愆期荷蒙
皇上命直隸督臣查有應興工作俾小民得藉營繕以
鋤其口

命山東撫臣悉心計議如開渠築堤修葺城垣等事酌量舉行使貧民傭工就食兼贍家口以免流離失所復

頒諭各省督撫預為查估報部如有水旱不齊之時速為辦理不致遲滯

呈恩浩蕩

睿慮周詳誠亘古所未有也今河南開歸等府屬州縣多被水災臣等面同商酌地方興舉土工災民皆得就近傭工餬口較之磚石工程更沾實惠且河堤原係必應增培之工今歲潁河地方又正需以

工代賑之時如于九月間將臨河大堤及月堤即行興修令地方官催募附近民夫傭工食力而於來歲二三月間將二堤應修工段酌給食米令民夫修補不必照大堤按方給價則河堤既得增培高厚永固磐石之安而貧民赴工力作不致有乏食之虞衛民生而濟民食一舉兩得河濱黎庶共沐

皇仁于無既矣臣等緣災民河工起見合詞恭奏請
旨伏候

皇上諭示謹

奏

帮築豫省黃河堤工

題為堤工卑薄堪虞亟請擇要帮築以固河防事
臣看得豫省黃河為山陝鞏洛諸水之總匯南北
兩岸綿長各六百餘里全賴土堤以為屏障必須
增培高厚以資捍禦經臣擇其臨河至險極要亟
應增培者會核

題估部議覆准奉

旨依議欽遵轉飭動帑募夫僱築業已照估如式完竣
內有河勢改移或酌量減估以節帑或移緩就
急以固要工其完工日期并改估緣由俱經咨部

在案茲據河南管河道胡紹芬河北道張受長詳稱查開封府上南河同知所屬鄭州中牟汛內建築順堤土壩二工長四百二十丈原估銀三千一百三十六兩八錢九分六厘內中牟九堡估築土壩處所因河勢改移當經詳明酌減估築土壩工長二百二十丈節省土方銀七百二十八兩九錢二分八厘共實請銷銀二千四百七兩九錢六分八厘開封府下南河同知所屬祥符儀封汛內應加幫創築堤九工原估共長二千七十五丈五尺原估銀六千一百九兩七錢五分五厘內儀封汛

岑家庄後一工第三段十六堡工長一百二十七丈五尺又劉家堂後一工長九十五丈因河勢改移相機移緩就急除于原估吃緊處工長三十丈仍照原估加幫外其餘改估幫築張家庄大堤工長一百四十二丈連原估三十丈共修工長一百七十二丈計節省土方銀四兩六錢八分三厘共修過上長二千五十丈共實請銷銀六千一百五兩七分二厘歸德府管河通判所屬商虞二汛原估創築加幫堤九工長一千五百九十六丈五尺原估銀五千三百二十二兩五錢四分九厘六毫

查虞城下汛三十八堡河勢下移陡生新險坐當頂冲攸關緊要其大堤南面雖有月堤中間六十大不相連屬實係一線單堤必須一律接築與東西二月堤相連方為重門保障計增估接築月堤工長六十丈用過銀四百九十七兩八錢一分七厘六毫即領支前項節減銀兩脩築前經詳請咨明大部在案今共修過十工共長一千六百五十六丈五尺共實請銷銀五千八百二十兩三錢六分七厘二毫懷慶府黃河同知所屬孟縣汛加帮創築堤四工長五百四十七丈共實請銷銀一千

六百七十二兩一錢三分五厘二毫九絲六忽開封府下北河同知所屬儀封汛加帮裡創等堤三工長三百一十四丈共實請銷銀一千五百二十八兩五錢七分三絲二忽以上各同知通判所屬共二十八工共長四千九百九十一丈五尺通共實銷銀一萬七千五百三十四兩一錢一分二厘五毫二絲八忽俱係實工實用並無絲毫浮冒擬合造冊加結詳送伏候會核

題銷再查上南河廳屬中牟九堡土壩長二百二十丈原估銀二千二十四兩九錢二分八厘嗣緣河

勢遷移相機取土實用銀一千二百九十六兩較
原估節減銀七百二十八兩九錢二分八厘下南
河廳屬原估銀六十一兩七錢五分五厘內
有移緩就急改估幫築張家庄等工節減銀四兩
六錢八分三厘二共節減銀七百三十三兩六錢
一分一厘查有歸河廳屬虞城汛三十八堡堤南
增估接築月堤長六十丈共用銀四百九十七兩
八錢一分七厘六毫即于上南下南二廳節減土
方銀內動支統計此案增培改估增築各工較原
估仍存節減銀二百三十五兩七錢九分三厘四

毫俟部覆准銷之日解司歸款合併聲明等情冊
詳前來臣復勘核無異除將冊結送部查核外相
應會同河南撫臣尹會一合詞恭疏

題銷伏乞

皇上睿鑒勅部核銷施行

恭報秋汛安瀾

題為恭報秋汛水勢情形事據署河南懷慶府黃河
同知武錫彤呈稱所屬孟縣武陟滎澤三縣境內
黃河北岸水勢自七月初五日立秋起至九月二
十二日霜降止陸續共長水四丈一尺四寸共消
水二丈九尺七寸除長落相抵外淨長水一丈一
尺七寸一切堤埽工程竭力修守俱各保固平穩
又據署開封府上北河同知張傳呈稱所屬原武
陽武封邱三縣境內黃河北岸水勢自七月初五
日立秋起至九月二十二日霜降止陸續共長水

四丈一尺八寸共消水二丈九尺九寸除長落相抵外淨長水一丈一尺九寸一切堤埽工程相機修防俱皆保護平穩又據開封府下北河同知胡相呈稱所屬祥符陳留蘭陽儀封四縣境內黃河北岸水勢自七月初五日立秋起至九月二十二日霜降止陸續共長水四丈二尺二寸共消水三丈一寸除長落相抵外淨長水一丈二尺一寸一切堤埽工程俱竭力修防保護平穩又據署開封府上南河同知事陳留縣知縣羅光臨呈稱所屬滎澤鄭州陽武中牟四州縣境內黃河南岸水勢

自七月初五日立秋起至九月二十二日霜降止陸續共長水四丈一尺八寸共消水二丈九尺九寸除長落相抵外淨長水一丈一尺九寸一切堤埽工程加謹修防竭力搶護得保平穩又據開封府以通判管下南河同知事張廣居呈稱所屬祥符陳留蘭陽三縣境內黃河南岸水勢自七月初五日立秋起至九月二十二日霜降止陸續共長水四丈二尺二寸共消水三丈一寸除長落相抵外淨長水一丈二尺一寸一切堤埽工程加謹修防俱各保護平穩又據儀考管河通判孫漸呈稱

所屬儀封考城二縣境內黃河南岸水勢自七月初五日立秋起至九月二十二日霜降止陸續共長水四丈二尺六寸共消水三丈三寸除長落相抵外淨長水一丈二尺三寸一切堤埽工程加謹修防搶護俱獲平穩又據署歸德府商虞通判董源涵呈稱所屬商邱虞城二縣境內黃河南岸水勢自七月初五日立秋起至九月二十二日霜降止陸續共長水四丈三尺共消水三丈五寸除長落相抵外淨長水一丈二尺五寸一切堤埽工程加謹修防搶護俱保平穩又據署懷慶府沁河通

判事衛河通判喻弘猷呈稱沁河水勢自七月初五日立秋起至九月二十二日霜降止陸續共長水四丈一尺共消水二丈九尺四寸除長落相抵外淨長水一丈一尺六寸一切堤埽工程俱各檢修平穩又據署山東曹州府黃河同知呂肅高呈稱所屬曹單二縣境內黃河北岸水勢自七月初五日立秋起至九月二十二日霜降止陸續共長水四丈三尺共消水三丈五寸除長落相抵外淨長水一丈二尺五寸一切堤埽工程俱各竭力修防獲保平穩各等情到臣據此該臣會看得秋汛

綿長正修防喫緊之候而沁黃交漲尤工程險要之時臣凜遵

聖訓嚴督屬員各處加謹防護臣復上下往來調度督率道廳營汛等官亦皆倍加凜慎晝夜巡防遵照指示凡迎溜頂冲汕刷蟄陷之處俱即竭力搶護仰賴

皇上聖德厚福河東兩省南北兩岸工長一千二百餘里一切堤埽各工均屬穩固今據豫東二省各廳呈報秋汛水勢自七月初五日立秋起至九月二十二日霜降止黃河自孟縣下至河南虞城山東

單縣陸續淨長水一丈一尺七寸至一丈二尺五寸不等沁河陸續淨長水一丈一尺六寸各處埽壩工程俱各修防平穩等情前來臣查今歲夏雨過多黃沁兩河水勢涵湧非常入秋之後又值陰雨連綿水更增長上提下坐在堪虞乃於工程緊要之時或大溜開行天晴風息人力得以施展或形勢忽順稍加人力即成天然引河此皆由我皇上保民若赤之

聖衷鞏固河防之

庠慮上契

天心所以

河神默相汎水安瀾隄防寧謐以彰萬年清晏之休
至東省運河水勢消落歸槽回空糧艘隨到隨行
並無停泊阻滯所有秋汎水勢已過黃運工程平
穩情形臣謹會同河南撫臣尹會一護理山東巡
撫印務布政使臣黃叔琳合詞恭疏

題報伏乞

皇上睿鑒施行

謹籌清地栽葦

竊為謹籌清地栽葦以裕工料事竊照河工慘塌料
物原取資於葦柳江南淮揚一帶川海蕩產葦甚
廣埽料純用葦柴各廳向民間就近購買復設葦
營官兵常事採運徐邳海蕩稍遠盤運維艱則
將秫秸與葦柴並用至豫東兩省向來並無葦柴
是以純用秫秸其應用官柳不敷亦即以秫秸代
之需用秫秸既多採辦亦殊不易况葦柴質堅體
重捲埽入水沉底較速且可經久秫秸外包薄皮
內加棉絮質浮體輕沉底較遲兼以豫東土性虛

豫以工賑
卷五
鬆急溜淘刷每至漂埽塌堤甚費周章且秫稽性
不堅實易於腐蝕臣每思得葦業與秫稽相間攪
用則帑料既不致糜費而工程又得如式堅固無
如江南葦業逆流數千里勢難購運本地又不產
葦無從購覓臣往來南北兩岸見有堤外老灘十
沮洳之地與堤內積水坑塘頗多因留心察詢僉
云俱係民地河員不便栽種臣思此等坑塘低灘
固不宜於禾稼似尚可以栽葦乃任其拋棄甚為
可惜因隨處勸諭並令河員買地栽試土脉亦屬
相宜雖所長葦草不及江南海蕩葦業粗大而較

之秫稽則重實不啻數倍實為河工有用之物可
否容臣會同各撫臣飭令地方官將堤內堤外此
等積水坑塘低灘久不開浚不堪栽種禾稼者悉
行查明地段畝數開造清冊並查錢糧如從前
經豁除毋庸重復請豁如現在賠糧即詳題請
請豁除交與管河廳汛催覓善栽之人栽種葦草採割
交工撥用每年將催覓工價並採割葦草數目造
冊送部查核如此則易沮洳而為葦地化無用為
有用在民間拋棄之地得豁錢糧既可永除而河
工得此適用之要料又可以裕工需即無業民人

就催裁葦亦可以傭工食力臣反覆籌思實於河
工民人均有裨益謹將愚昧之見恭摺具

奏是否可行伏乞

皇上睿鑒訓示遵行

請增曹單廳員

奏為循例請增廳員肅青守以重修防事竊照山東
曹州府黃河同知所屬曹單二縣黃河工程於河
南開封府下北河同知所屬祥符陳留蘭陽儀封
四縣黃河工程均在黃河北岸地處下游其單縣
河堤與江南礪山縣河堤相接水勢至此愈大地
勢至此愈卑河身至此漸窄土性至此愈疏一道
長堤不惟為地方民生之保障抑且關東省漕渠
之通塞工程最為緊要查曹單二縣河堤計長二
百三十里祥陳蘭儀四縣河堤計長二百六十餘

里向俱止設同知一員平時查勘修防尚可查過
一處再查一處修完一工再修一工如至伏秋大
汛處處宜守刻刻宜防設遇工程險急無問風雨
晝夜即須星馳搶護今東西相隔二百數十里無
論精力稍弱之員難以兼顧即令強幹者來往奔
馳亦苦分身無術竭蹶不遑雖伏秋汛內各添派
人員協同修守然委員協助究無端責未便定為
常例臣等查河南歸德府管河通判因工長汛遠
上年經臣白鍾山與臣尹會一商酌援照江南徐
應添設通判之例會摺

奏請增設通判一員以一員兼管商邱虞城二縣河
道工程一員分管考城縣并開封府下南河同知
所屬儀封縣南岸河道工程經部議准奉

旨俞允欽遵在案今歲伏秋汛內河水疊漲該員等各
在汛地巡防修守較前殊覺周密今山東黃河同
知河南下北河同知所管河堤與原設歸河通判
下南河同知所管河堤綿遠相同而曹單二縣與
江南接壤與南岸考商虞三縣緊對其工程險要
亦屬相等歸河增設一員畫地分防已有成效則
山東黃河同知與河南下北河同知所管河道工

程亦宜循照畫分廢得繁簡適均臣等公同商酌兩廳界址毗連止須增設一員將單縣與江南交界起至曹縣曹家庄止令原設之黃河同知嵩管改為曹單同知自曹縣曹家庄起至儀封縣與蘭陽縣交界止堤埽各工添設曹儀通判一員令其嵩管仍照沂鄆海贛同知聽山東管河道江南淮揚道各行督察之例將該通判所管河道工程亦聽山東管河道河南河北道各行督察如有舉劾事宜聽河東河臣會同山東河南撫臣一體考察其儀封以上至祥符縣與封邱縣交界止仍令下

北河同知嵩管如此則道里遠近適均力能周遍可無奔馳莫及之虞而工程畫分防守各有嵩員嵩責亦無顧此失彼之慮是增設一倅而與六縣緊要河工均有裨益矣臣等為河防起見再四熟商意見相同謹合詞恭摺具

奏是否可行伏乞

皇上睿鑒訓示遵行

請設黃河巡船

奏為請設黃河巡船以資防緝以衛商民事竊照豫東兩省黃河上通河陝下達淮徐凡河南開歸陳許彰衛懷各府州縣所產糧食棉花等項貨物與各府州縣所需江南各項貨物多係用船裝載由黃河上下往來至馬頭渡口停泊起卸而河之兩岸一片沙灘村庄稀少向又未設墩舖汛兵設有孤客行舟風雨暮夜猝遇匪類竟無救護追捕之人查江蘇地方大江則有弁兵分巡會哨湖河以內則有兵丁駕船遊巡在江蘇人烟稠密瀕河

大路又有墩舖汛兵而河內尚有營兵駕船巡緝即山東運河人煙雖不及江蘇稠密而河岸俱有墩舖聯絡節比至于黃河惟徐州一帶經原任大學士管理總河事務臣嵇曾筠曾設巡船派兵巡查稽察防範均屬周密獨豫東黃河兩崖村落既屬稀疎墩舖又未安設而商民船隻絡繹往來南北貨物堆垛充盈慢藏誨盜甚為可慮似宜增設巡兵以資防護臣查南北兩岸共長一千二百餘里今如添置墩舖誠恐各鎮標營汛廣兵單不敷派撥又未便因此即添募兵丁加增糧餉可否照

江蘇安設巡船之例河南南北兩岸各鎮標營汛廣兵單不敷其在船上遊巡遇有匪竊即行拿捕該管將脩仍不時查察如巡兵有怠惰疎忽即行調換責革其撐駕船隻瀕河營兵生長河濱多係習慣即另覓舵水亦屬無多計添設巡船不過五隻所需巡兵不過五十餘名各鎮分派不過十餘名抽撥尚易而巡緝既嚴匪類不敢潛匿不日河路肅清商客行舟安穩即馬頭渡口堆積貨物亦不致有鼠竊狗偷之事臣在河干往來數載詳籌熟計如此

防範似于河警其民大有裨益謹將愚昧之見具
摺恭

奏是否可行伏乞

皇上睿鑒施行

請巡漕御史分地巡察

奏為請列恭請

欽點巡漕御史協查挑河並請仍照原定地方分巡以
收實益以免歧悞事竊照山東運河歷年大小輪
挑乾隆二年輪屆大挑經臣

奏請巡查山東漕運御史就便協同河臣督率稽查
荷蒙

皇上特旨俞允乾隆三年輪屆小挑因是年重運過淮
展限回空糧船較往年稍遲又蒙

皇上允臣所請

恩賜欽點巡漕御史令督押回空南下即駐濟寧協同
臣料理築壩挑河事宜兩年以來臣與巡漕御史
上下往來稽查周密不惟河道深通漕船迅速而
巡漕御史自挑河之始以至工竣備悉原委情形
催儉漕運緩急亦覺適宜河漕均有裨益此皆我
皇上聖鑒周詳之所賜也今歲係種大挑之年永上年
小挑之後又值今歲六七月間山水甚大挾沙帶
泥俱歸運河水過沙停河身率多淤澱較之往年
更關緊要臣已將請定募夫工價銀兩照例具疏
題撥一面豫飭道廳并派委諳練人員將應挑河道

逐細量估一俟煞壩空水之後即行興挑但夫有
定數期有定限必得處處督率剌刺稽查庶得依
限完工挑浚如式可無怠延草率等弊可否仰懇
皇上天恩將巡查山東漕運御史亦照上年

恩賜先點一員於十月內抵東協同臣往來督查則較
從前不過早到一月而河工運道受益實多再查
乾隆二年八月內定例巡查山東漕運御史駐劄
濟寧自山東莒莊起至北直止其巡查直隸漕運
御史駐劄天津至山東交境止分地巡查進行已
經兩載巡查催儉並無貽悞今歲給事中臣馬宏

琦

奏請給與驛站船隻廩給口糧疏內稱以臨清為界查臨清迤北至德州桑園鎮尚係山東巡漕御史所巡地方其天津巡漕御史照依原定界址止應以山東交境德州桑園鎮為界今若至臨清與原定駐劄巡察界址不符且臨清至德州數百里河道如仍令山東御史照前巡察則兩員同巡一處事無端責如竟改歸天津御史則天津至臨清水路往返一千六七百里相隔遙遠不免顧此失彼如將該御史移駐臨清則天津一帶轉無

欽差大員巡察如仍駐天津則臨清至德州一帶漕船設有沿途生事或盜賣漕糧或停泊耽延等弊遠在天津者則鞭長莫及近在濟寧州者又非其責任必致彼此兩悞况臨清板閘內係汶河外係衛河其地高下懸殊每一啟板建瓴直瀉全在相機啟閉加意節宣方得兩利無害今如以此地為界勢必各圖漕船迅速天津御史利在啟板洩水山東御史利在閉板蓄水非一瀉無餘閘內乾涸後船難進即涓滴不瀉閘外淺澁前船頂阻貽悞漕運更大且如此時挑河臨清一帶最關緊要自乾

卷五
隆二年蒙

皇上恩允巡漕御史協同督查挑兌皆得如式催漕亦緩急有序今大挑在即山東御史自必以非其所巡地方不便前往而天津御史亦未便因此即至臨清多費驛站錢糧種種未便事關漕運重務臣明知此種情節不敢不據實

奏明可否仰請

皇上俯念分地巡漕章程盡善仍照乾隆二年原定起止地方駐劄天津御史巡至山東交境之德州桑園鎮止駐劄濟寧御史亦巡至德州桑園鎮與直

隸交境止則疆界攸分巡查稽察各有端責實於河漕有益至山東境內有直隸清河縣河道二十里故城縣河道十六里與直隸天津隔越數百里而與山東夏津武城等州縣河道犬牙相錯皆山東巡漕御史往來催漕必經之地巡查最為順便若天津巡漕御史為此三十六里河道而往來跋涉千百里之遙以致南北不能兼顧實為未便應請令山東巡漕御史一併就便往來巡查似覺更妥臣謹就愚昧之見恭摺具

奏伏乞

皇上聖鑒訓示遵行

漳河請復故道

奏為條陳全漳歸衛之患請

旨查勘故道以分水勢以利運道民生事竊查漳水源
出山西其自長子縣出者為濁漳自樂平縣出者
為清漳穿太行山至河南涉縣之合漳村合流與
萬山衆壑之水會而為一洶湧異常從前係由直
隸入海其引至山東館陶縣入衛河自康熙四十
五年始其時山東濟寧道張伯行以衛河水弱議
詳河撫二臣請引漳水入衛以濟漕運撫臣趙世
顯並未具題即批飭館陶縣并谷直隸撫臣轉飭

挑濬蓋欲分漳之有餘以濟衛之不足初不意全漳之歸衛也乃自康熙四十五年以後漳河故道歷久漸淤漳水全歸衛河漳衛合力並馳排山倒峽而來一線衛河勢難容受山東德州適當衛河之衝不但漕艘經臨波撼浪湧每有冲擊損壞之虞而且水勢泛漲廬舍民田難免湮沒之患德州首受其害直隸吳橋寧津東光南皮滄州等處亦皆波及雍正八年十一年其最甚者前撫臣岳瀋因奏請會同直隸督臣李衛河臣顧琮河東河臣朱藻公同會勘於德州哨馬營建築滾壩開挑支

河以分衛河汎漲之水由鉤盤河達老黃河入海蓋以保護堤岸田廬則誠善矣又不意沙水之易淤支河也乾隆二年

欽差部臣趙殿最等會同臣等查勘支河上下情形每年洩水必致淤墊隨議重加疏浚並將支河壩以下曹村堤口開挑中間阻碍水勢之橋梁拆除以冀水勢暢達浮沙少淤復請照歲修之例每年挑浚無如漳衛二水源出萬山挾沙帶泥而來本來渾濁支河入旁設衛河東岸無迎溜吸川之勢有流緩沙停之病又支河入鉤盤河處形如丁字難

以直達縱百計經營究不能禁其淤墊今欲另擇
捷徑使之建瓴直瀉不但上下左右並無可以另
開支河之處即有可開之處亦恐取徑太直建瓴
下瀉有奪河阻運之患欲將現在支河棄而不治
則恐復有奔漫田廬之害自不得不歲加修浚但
年挑年淤幾成漏卮臣等再四籌畫抽挑中泓使
河窄流急沙隨水行並於漳水漸消水力已綿之
際衛河無庸分洩即於壩上加築草土不令過水
以免勢緩沙停雖將來淤沙較前可以稍減然亦
止就支河為補偏救弊之法而非治漳水釜底抽

薪之計臣等於勘小清河時復細加商酌哨馬營
支河原為衛河水漲而設而衛河之所以易漲者
由於全漳歸衛之故與其歲歲多費帑金以挑必
淤之支河曷若令漳水復其故道衛河不致漲溢
為一勞永遠之計且漳水性本湍悍今與衛水合
流于一線運漕之衛河其勢斷不能容查康熙四
十五年東昌知府黃汝銓詳內有云引漳入衛以
濟漕運策非不善但恐有意外之橫流館陶民生
恐不可問等語今已全漳由館陶歸衛則館陶一
帶地方尤為可慮又不獨德州與直隸吳橋等州

縣有滄漫之憂也臣等伏查康熙四十五年河圖
館陶之西直隸威縣有漳水支河一道名清陽江
又名黃路河由東北經直隸清河縣歸天津入海
又西有正河一道由西北經直隸寧晉縣大陸澤
亦歸天津入海彼時正河勢尚浩大即不長水亦
可舟楫通行黃路河水小之時尚寬至二三丈五
六尺不等語在廳縣會勘詳內淤阻未久故道或
尚可請復於兩處內擇其易於疏浚者請復一處
使漳水有歸海之路而於館陶相度地勢如可建
一閘洞衛河水大則聽漳水入海以防其漲衛河

水弱則分漳水入衛以濟漕運操縱在人卽宣有
制可收漳之利而不受漳之害此則一勞永逸而
目前所當亟為酌議者也但事關兩省地在隔屬
可否請復臣等未能懸定請將全漳歸衛原委受
害情形脩繕陳

奏仰祈

皇上聖鑒勅下直隸督臣河臣與臣等公同細勘如有
可復之故道即將分派疏浚宣洩歸海之處悉心
妥議會

題請

旨遵行但得分漳水之勢以免衛河之漲漫則直東兩省運道民生均有裨益矣為此合詞恭摺具

奏伏乞

皇上訓示遵行

病軀難磨重職

奏為病軀難磨重職恭懇

聖恩解任調理以重河防事竊臣至微極拙荷蒙

世宗憲皇帝屢次超擢用至河道總督戎

皇上龍飛御極仍加任使四載以來

溫綸疊沛

賞賚頻頒凡有陳奏皆蒙

聖明採納

特旨允行臣受

恩如此深重即捐糜頂踵亦不足仰報萬一是以夙夜

兢兢不敢以才識短淺而畏難不前亦不敢以氣
體孱弱而求閒乞退惟與多竭一日駑駘之力即
盡一日犬馬之心多奉一日之職守即多活一日
之

恩榮無如才庸任重力短心長乾隆元年冬即有怔忡
不寐之症仰蒙

皇上如天之仁

特命醫官陳燦前來診治並蒙

恩賞人參調理將及兩月始得痊愈

聖恩再造感激難名彼時醫官陳燦即云六脈細小心

脾兩傷必得調養復元方不再發經今兩載有餘
雖間時舉發一兩日即止尚可奔走辦理今歲六
月初旬一發數日頭暈氣喘臣因時在大汎河水
漲發正修防緊要之際不敢遽即瀆

奏有厘

聖心是以力疾奔馳往來保護而心氣日虛加以工程
在在險要心益焦急病益纏綿七月中旬在河南
荊隆工所又感冒風寒幾不能支因恐兵夫踈懈
有悞要工不敢暫離令人扶掖在工料理幸賴
皇上大德厚福凡險要各工俱已搶護平穩臣感冒之

症旋以痊愈惟心虛氣弱至今未痊伏念河工開
係重大非病軀所能經理臣受

恩深重若力所能為不竭盡血誠力圖報效即為負
恩但今心脾兩虧精神漸減若止為一身之計貪學
職而不據實陳

奏于

君久之前倘遇大汛工程吃緊之時督率調度不能
持致有貽誤負

恩更大今霜降將屆秋汛已過河水消落歸槽豫東南
北兩岸各工俱各平穩臣謹據實

奏懇仰求

皇上俯念河防重大微臣病軀難以勝任

恩賜解任調理另簡賢能乘此水落工平之時接手從
容經理庶情形熟悉來歲大汛修防指示合宜河
工幸甚至臣身係頑人年齒未衰倘蒙

天恩釋此重任得以調養痊可臣不敢負
恩偷安仍當懇求

皇上恩賞一差在

輦轂之下以効大馬永報

天高地厚之恩于靡既矣為此恭摺具

奏伏乞

皇上聖鑒恩允施行

會勘小清河修濬情形

奏為奏明會勘小清河應行修浚情形仰祈

睿鑒事該臣等竊查戶部侍郎臣陳世倌工部尚書臣趙殿最先後條奏東省小清河下游上游均應疏濬一案臣等會同前往詳細確勘查得小清河發源於章邱縣之東嶺山歷鄒平長山新城高苑博興樂安等七邑由淄河門而入於海自東嶺山發源起至山頭店約長五十餘里河身寬濶均屬深通自山頭店至萬家口約長十七八里河雖寬深間有淤墊自萬家口至清河口約長二十餘里河

底墊高坍崖壅阻以致水由萬家口滾水壩入潞
泊者十分之七行正河者僅十分之三自清河口
至軍張閘約長一百一十餘里河身間斷壅淤堤
岸亦多殘缺其中間對門口受沙河之水郭家口
受白條珠龍之水均屬頂冲時患潰決自軍張閘
至灣頭計長四十六里因烏河諸水橫截下流不
能暢注數百年來屢濬屢淤久經乾斷改水由軍
張閘下注於支脉溝此小清河上截之情形也又
自灣頭至溜河門約長三百餘里受烏河范陽鄭
黃孝婦麻大會城漢湊澠河諸水每當伏秋時勢

甚浩瀚康熙五十八年曾於會城泊下流開預脩
河一道欲分麻大等河之水注於溜河因下流地
勢高昂未能下注反致石村等社亦成河泊而正
河通身皆有淤墊且荇藻叢生阻塞水道每致漫
溢此小清河下截之情形也其軍張閘迤下之支
脉溝約長二百餘里寬一二三丈不等深八九寸
至三尺不等小清河上截諸水均由此渠歸於寬
濶稍仍會入小清河由溜河門而達於海但形勢
紆曲亦多淤墊是以軍張閘一啟上游高亢勢如
建瓴下流宣洩不及橫溢散漫則高博樂三邑民

田恒被其害此小清河分流之情形也臣等細加相度博採輿情欲施疏濬之工當求歸宿之所如小清河底僅高於淄河底二尺有餘若議一律開通必須更加挖深丈許是小清河底反低於淄河底八九尺下亢上低勢必倒灌而入安能建瓴下注臣等細思尾閘既屬高昂正河不能深浚惟有就現在形勢兩截分治請自山頭店起至萬家口酌加疏浚仍留萬家口滾水壩以洩異漲之水俾由澥山泊之還河溝仍歸小清河以緩其勢其還河溝淺狹之處酌量疏濬又萬家口至清沙泊河

身淤墊處所應逐加挑通堤岸殘缺處所照舊修整再對門郭家二口係頂冲之處應將堤岸加高培厚圍築月堤以資重門保障其乾河一段無庸挑濬至軍張閘為洩水關鍵一至伏秋水長新邑之民徃徃偷啟閘板高邑之民又復堅閉不開以構成釁端爭訟不已應測量清沙泊等處容水尺寸將軍張閘改為滾水石壩俾小清河正流并泊內不能容納之水俱由軍張壩滾入支脉溝以免爭訟其支脉溝下游之寬濶稍係入小清河會注淄河門歸海之區今查兩相接處所河底約畧相

等若將支脉溝挑挖過深則下亢上低亦致倒漾
應以寬濶梢現在河身為準量定尺寸遡流而上
直至軍張壩口其間高亢之處一律疏通紆曲之
處酌量取直兩岸堤工加高培厚庶小清河上截
之水可以循軌下注至下截河身自灣頭起至溜
河門上凡係淤淺之處俱應逐一挑通如此兩截
分行庶免泛濫之患而尾閘通達水有歸宿以上
濬河築堤并改建滾水壩等工大約需銀二三萬
金現在另委印河各員將應疏應築丈尺逐細詳
查據實估報俟估報到日另疏具題酌時興修再

潞山清沙二泊雖係潄水之地但附近俱有民田
若不立定界址設值水大之年易滋影射之弊應
將泊內有糧無糧地畝查明定界以免濶濬又條
奏內引入鹽河歸海一款查小清河之柳塘舊有
減水支河一道分洩小清河異漲之水入齊東縣
之鹽河而歸於海久經湮塞齊東一邑地處窪下
每遇伏秋大雨境內麻姑堂藕池諸窪積水由南
直洩城東而鹽河又自西南貫注逼近城根若再
開通此河引小清河之水以助其勢城郭民田必
致均受其害似毋庸議以上據現在情形據實

奏明是否有當伏乞

皇上聖鑒訓示遵行

豫東宣防錄目錄卷六

乾隆五年

河營添設倉儲

裁葦議叙

籌裁新兵事宜

東省道員分管黃運兩河

河員預行揀選咨送補用

稽察糧船售賣餘米

挑挖引渠勘實淮銷

請停修豫省代賑工程

議覆豫省買魯新河

議覆繡江河酌建滾水壩

謹陳豫東不產蘆葦

恭報秋汛安瀾

請發大衙人員

酌定効力人員額數並缺額隨時錄補

楊椿令河廳新備水尺

請定清查柳園年限以派補卅

豫東宣防錄卷六

總督河南山東河道提督軍務都察院右副都御史臣白鍾山

河營添設倉儲

奏為謹籌河營倉儲以濟兵夫以廣

皇仁事竊照河東兩省民鮮蓋藏每於麥穀收成之候
家有餘糧即赴市糶賣糧價頓減一至青黃不接
之時市上米糧漸少價亦驟昂常年如是歉歲更
甚從前河標四營操防兵丁因無貯積倉糧稱貸
貴糶加利償還約費賤時二斗之價僅得一斗之
糧甚為艱苦自乾隆元年蒙

皇上恩允建設營倉比年以來兵丁賴以接濟感沐
皇恩人人頂戴今查黃河南北兩岸河兵堡夫經年力
作晝夜在工較之標營兵丁尤為勞苦向來河營
亦未設有倉儲當糧少價昂之時亦不免稱貸貴
糴上年地方偶被歉收兵夫更覺拮据臣伏思我
皇上愛養黎元山陬海澨已無一夫不被
聖澤此等兵夫皆頻河貧民就近充應力役河干所得
餉銀工食銀兩藉以養贍家口糧價省得一分即
沾一分之實惠臣仰體

聖主愛民盛心并四熟籌必得如標營一例設倉積貯

庶可通融接濟于兵夫有益而春借秋還年年出
易亦可垂之久遠臣查河營生息銀兩原為

恩賞兵夫之用所收息銀今除每年給賞外現存餘銀
六千餘兩每年所用賞銀無多尚有應收息銀可
以敷用此項餘存息銀與其零星分貯州縣庫內
成為閒款易啟那移之端似不若動撥採買倉糧
以濟兵夫之緩急移彼易此可毋庸另動司庫錢
糧至應設倉廩臣又查有副河臣舊署原係置買
民房空閒已經數載坐落蘭陽縣城內正南北兩
岸上下適中之所止須擇其高燥者數間畧加修

理即可作為倉廩亦無庸另行建蓋致費錢糧至
山東曹單二縣兵夫無多且與蘭陽對岸相近撥
借甚便不必另設倉儲查目前二麥豐收市價甚
平如蒙

皇上恩允臣請即將前項息銀飭行河南管河河北兩
道乘此麥多易買之時動支四千兩遴委賢員在
於附近沿河地方照依時價公平糴買麥石收貯
為數無多採買自易設或市價稍昂亦即行停買
將餘剩銀兩俟秋收後再行買穀此項倉儲應交
蘭陽縣知縣經管出入管河河北兩道公同按季

盤查稽察諛道等於每年春間查明糧價昂貴之
時具詳借給兵夫秋收催令照數歸還免其加息
如原借麥石繳穀還倉即核計穀麥價值抵交如
此循環出納以陳易新不致有浥爛耗折之慮而
黃河兩岸兵夫得有倉糧接濟可無貴糴艱食之
虞永沐

皇恩于億萬斯年矣臣愚昧之見是否可行伏乞
皇上聖鑒訓示遵行

栽葦議叙

奏為請酌栽葦議叙之例以裕工料事竊惟河工以
備料為首務料物以蘆葦為良材河東兩省黃河
工程向因地不產葦不得已而用秫稽質浮體輕
捲埽入水難以沉底又性不堅實易於腐蝕其不
及蘆葦遠甚且秫稽為民間炊爨之河工需用
既多採辦亦甚不易臣往來南北兩岸見堤外灘
內沮洳之地與堤內積水坑塘頗多試栽蘆葦物
性土脉亦屬相宜經臣

奏明會同各撫臣飭令地方官清查地段畝數并查

已豁糧者毋庸重複請豁未豁糧者查實詳
題請

旨豁除將此等廢地交與管河廳汛催覓善栽之人栽
種葦草採割交工每年將催覓工價採割葦草數
目造冊送部查核等因繕摺具

奏欽奉

皇上硃批此事似屬可行與河東巡撫等妥酌議奏欽
此臣隨欽遵與河南撫臣尹會一山東護撫臣黃叔
琳商酌皆云易沮洳而為有用之地河工百姓均
有利益等語又經臣

奏覆在案今據河南管河道胡紹芬署河北道張學
林山東管河道陳法各將所屬臨河州縣已報到
坑塘窪地頃畝數目先行詳報前來臣查此時已
屆冬春之交正宜栽葦之時即一面批飭該廳汛
查收栽種一面遴委効力人員派定地段前往監
栽以專其責統俟各州縣查報齊全彙冊報部此
臣現在已經辦理者臣復思籌事必求其有益立
法務期於可行蘆葦為河工最要之料多多益善
而黃河兩岸堤內堤外沮洳之地尚多栽植又不
患無地現據各州縣查報已豁糧者八十一頃九

十餘畝未豁糧者三十八頃餘畝已共有一百二十餘頃其續報頃畝尚難預計儘可廣為栽種以濟工需惟是河員有本管工程事務繁重力難兼顧如將兩岸沮洳之地盡責令官栽勢必不能周徧臣卅四等思必得循照山東湖地捐栽議叙之例聽民捐栽庶乎有濟但查雍正二年定例民人種荻一頃即給予頂帶榮身為數太少原屬過優雍正三年前河臣齊蘇勒條奏改例種葦四頃方准給頂帶榮身為數又覺過多且未定何項頂帶未免疑慮不前是以定例以來雖歷歲飭行勸導

無有一人捐栽者臣今於前後兩例之中悉心斟酌民人栽葦二頃者給以九品頂帶榮身所栽葦草春底夏初查驗成活仍俟秋冬收割交工之日造冊送部題請議叙則瀕河殷實之民皆欲邀沐恩榮自必踴躍爭先而沮洳廢地皆成蘆洲將來延蔓叢生工料充足不但節省錢糧而修做埽壩葦草又較秫稻堅實經久工程更得穩固且葦草既多秫稻可以少辦留之民間業薪自必充裕即偶遇小歉亦不致有薪少價昂之慮於河濱黎庶尤有裨益臣因係河工民人兩有利益之事謹就愚昧

之見具摺恭

奏是否可行伏乞

皇上睿鑒訓示遵行

籌裁新兵事宜

奏為謹籌裁汰新兵事宜恭請

聖訓事竊照河東河標與江南河標漕標山東登州鎮
標山西撫標直隸督標所募新兵于乾隆元年經
御史臣蔣炳條奏裁汰部議暫留原餉差操俟該
省各營兵丁事故缺出即將新兵陸續坐補完日
再行召募欽奉

諭旨聞各省兵丁事故缺出有挑本兵子弟頂補之例
着該管大臣悉心斟酌若本兵子弟有可頂補者仍
用其子弟若無可頂補則用新兵至新兵倘有拔補

平定軍防金卷六
事故缺出停其募補徐徐辦理務令安置妥貼俾新
舊兵丁均無失所欽此仰見我

皇上體恤戎行至周至渥當經欽遵在案今查臣標新
兵除應裁馬兵已經裁完外其戰守新兵停募坐
補約有十之五六臣因通行查核有此營裁汰將
完而彼營尚多者有守兵裁汰將完而戰兵尚多
者有戰兵裁汰將完而守兵尚多者此時裁存各
兵名數已多寡不齊將來各營召募頂補勢必先
後參差自宜預為籌畫酌量變通庶得盡一臣丹
三斟酌除各營新兵缺出仍停其募補及舊兵缺

出有本兵子弟者仍令頂補外其有舊兵缺出而
本兵無可頂補之子弟本營亦無應行坐補之新
兵即於別營有新兵者通融撥補總俟各營新兵
補完通行開募惟是現存新兵內有戰守兩項如
各營新戰兵先俱裁完則未裁之守兵應候坐撥
舊守名糧倘守兵先俱裁完則未裁戰兵止可坐
撥舊戰名糧不便降補守兵其各營舊守缺出即
行募補以實行伍雖不能等候各營戰兵坐補全
完而新守兵一項各營已俱汰完開募可無先後
參差之殊亦與補完再募之部議相符此裁補新

兵所宜預籌者也至各省營制舊例守兵拔戰戰
兵拔馬馬兵拔補千把乃兵丁循序進身之階今
既有新兵坐補則舊守兵不能拔戰即不能由戰
拔馬雖有人材壯健弓馬嫻熟之人亦必儘讓新
兵若再遲數年未得考拔不免阻其上進之志亦
宜早為泰酌拔補庶足以鼓勵戎行臣請嗣後舊
戰兵缺出即將舊守兵與新戰兵一體考驗相間
拔補以第一缺坐補新戰兵第二缺拔補舊守兵
則新兵既可徐徐裁補而舊兵亦不致久于淹滯
新舊兵丁咸思競勝爭長人人奮勵更于營伍實

有裨益臣謹悉心斟酌辦理但事關營制愚昧之
見是否可行未敢擅便謹繕摺具

奏恭請

聖訓伏乞

皇上睿鑒

東省道員分管黃運兩河

奏為謹請東省道員分任河防以肅責成以重修葺
事竊照山東運河南接江南邳州界北抵直隸興
橋縣界計長一千二百餘里山東黃河西接河南
儀封縣界東抵江南碭山縣界計長二百三十餘
里兩河相隔三四百里及五六百里不等若由運
河之南北界上至黃河之東西界上各有一千數
百餘里止設管河道一員當伏秋入汛黃河工程
修防喫緊之時正運河重空漕船盛行之際該道
如住宿黃河堤岸則運河以內漕艘經臨設遇天

晴水微或應放湖水或應浚泉源或應建草壩握
牌以蓄水或應用倒板借水以放船無需管大員
為之董率調度必致有悞機宜若遇山水驟發湖
河並漲盈堤溢岸又須設法宣洩加謹防護稍不
如法即有碍於漕運民生所關匪細諛道如往來
運河上下一帶則黃河曹單二汛險工林立設有
工程險要亟須搶護事在呼吸而諛道遠在運河
奔馳莫及此伏秋大汛不得不鯁鯁過慮者至於
冬春之間運河有大小挑工程及巡防水櫃疏浚
泉眼修理閘壩涵洞并兩岸緯道諸事刻無暇晷

而黃河亦有應行勘估歲搶各工稽查新舊料物
增培大堤堵築支河以及應修應防之處俱宜相
機度勢未雨綢繆諛道以一身而南北交馳東西
兼顧實苦分身無術勢不得不轉委屬員代為巡
查况河庫錢糧出入攸關查江南向係淮徐道兼
管河庫雍正八年間因諛道一員難以兼理特設
河庫道需司出入今山東管河道經管黃運兩河
又有兼管河庫錢糧之責事務頗繁種種不便臣
白鍾山籌慮已久今與臣碩色因會勘漳河面同
商酌查從前運河原設有濟寧兗東二道一駐濟

寧州管南運河一駐壽張縣管北運河後歷經裁
改為兗寧道兼管南北運河至雍正十二年始改
為管河道令管通省黃運兩河事務但兩河道里
綿亘相隔遠河工攸關運道民生必得大員分
任端司防守方為周密今如增設道員又未免有
添官設吏建蓋衙署之繁臣等查有兗沂曹道曹
單二縣即其所轄地方東省黃河係在曹單二縣
汛內管理甚便而司河廳汛與地方守令俱歸統
轄呼應亦靈調遣亦速且東省各道皆有糧鹽驛
傳海防諸務惟兗沂曹道需司分巡從前各直隸

州未改府治以前該道尚有審轉刑名之責若令
專司河務修防之時聽訟無地不免拖累稽遲今
直隸各州俱改府治其各府刑名錢穀徑申藩臬
兩司不由該道覆審核轉職事亦屬稍簡河務不
難兼管臣等以為與其將黃運兩河令河道一員
兼管而顧此失彼不若令兗沂曹道分任而各司
各河責任既端修守更密且黃河工程亦止伏秋
大汛必須駐工修防平時原可往來查勘該道巡
蒞各屬查點保甲察視倉庫勘驗墩臺稽查逃盜
於分巡職守仍無妨碍現今江南之淮徐淮揚河

南之開歸彰衛各道俱係守巡而兼管黃河工程甚為妥協臣等請將管河道改為通省運河道為管運河一切蓄洩疏浚閘壩堤岸事宜仍兼管河庫事務收放錢糧充沂曹道改為分巡充沂曹三府專管黃河一切修守事宜如此則於由舊之中畧為轉移之法官役不必增置而河工已各有責成不但無鞭長不及之慮而且有事權歸一之便實於運道民生均有裨益臣等為河防攸關重大丹四籌畫意見相同謹合詞恭摺具奏是否可行伏乞

皇上聖鑒訓示遵行

河員預行揀選咨送補用

奏為請循預行揀選之成例以收河工地方之實效
事竊照豫省沿河廳印各缺自雍正五年間前副
河臣嵇曾筠

奏請通融調補經大學士九卿會議覆稱民事河工
原無歧視應如所請沿河府州縣有才嫻河務者
准令河臣會同撫臣保題陞調河工道廳其河工
廳汛有才守兼優者准令河臣會同撫臣保題陞
調沿河府州縣等因奉有

諭旨依議欽遵在案此印官河員互為陞調現行之定

例也惟是河工廳缺雖例准沿河州縣陞調但現任沿河州縣內求其才嫻河務可勝河工緊要廳缺者殊少每遇河工廳員缺出卅四會同揀選其難其人不得已於現任効力河員內在工有年銜缺相當者悉心斟酌調署委試徃徃人地不甚相宜旋調旋掣甚費周章至沿河州縣雖例准河工汛員陞調但汛員奔走河干平日不預民事非經委署縣印吏治未嫻誠恐貽誤地方未敢輕為題補亦不得已于現任不係沿河之州縣內酌量調補令其留心河務然臨河要地以不諳河工之員

于任事後始行習學較之在工諳練之汛員又自懸殊雖吏治熟諳而于河工究無實益臣等查乾隆三年江南督臣那蘇圖咨取河員以脩沿河州縣之用經江南河臣高斌

奏明於現任汛員並効力人員內揀選咨送委署題補奉

旨俞允在案在此等人員未經委署題補以前差委辦理地方事務一切皆得歷練河工既係風嫻吏治又已預習自與沿河州縣相宜且在督撫於此等咨送人員明試以民事熟察其才守遇有缺出酌

豫東宣力錄卷六
量委用以視未經察試者更為詳慎此江南預行
揀選之法實為允當臣等公同悉心酌議豫省例
應題補之沿河州縣各缺除不係沿河之現任州
縣官果有才嫻河務仍照舊題補外其河工汛員
亦循照江南之例預飭管河各道會同布政司揀
選明晰河務才守兼優之員保詳河臣察核咨送
撫臣差辦地方事務留心察試俟有沿河州縣相
當員缺會疏具

題并給咨送部引

以暫請署理試用期滿果能稱職再請實授如此則於

現行定例之中畧為變通而沿河州縣要缺皆得
河工民事兩俱諳練之員即遇管河廳員缺出亦
可以沿河州縣與現任効力通判知縣等大街之
員一體揀選庶於民社河防均收得人之實效矣
臣等為河道地方起見謹合詞恭摺具

奏是否可行伏乞

皇上睿鑒訓示遵行

稽察糧船售賣餘米

奏為謹籌稽察售米之法以杜盜賣漕糧之弊源事
竊照南漕幫船旗丁所帶多餘食米例准于北上
時沿途售賣所以通旗丁之緩急而濟民人之食
用

聖主愛養軍民恩至渥也至稽察售賣之法戶部原議
漕臣查明正耗米石外其餘所給行月糧若干并
攜帶米若干轉飭糧道造冊印發領押官弁收貯
旗丁售賣時照數稟明該管官弁於冊內註明給
與驗票方准買賣如所賣之米浮於冊造之數即

係私盜是稽察之法亦不可謂不周矣惟是地方
並押運等官奉行之處尚有應籌酌者查印冊驗
票俱係押運官并旗丁收存其某帮某船某旗丁
應賣餘米若干石沿途地方營縣官并並無文冊
可稽售賣之時押運官并亦不將某船應賣餘米
若干某帮共應賣餘米若干預先知會地方營縣
既賣之後又不將某帮某船某旗丁應賣餘米或
在某處已經全賣或已賣若干尚有未賣若干移
知地方營縣亦不於驗票內登註賣畢之後驗票
又不收繳保無有奸丁弊混收執驗票重複影射

私盜多賣情弊沿途營縣止能在本管地方內查
其現賣米數其實應共賣米若干與前途已經全
賣或已賣若干均無從查考將來責以失察私盜
多賣之咎彼亦有詞置辯臣等欽奉

恩命巡漕借運軍丁固所當惜而

天庾尤宜慎重既察知實情如此敢不細心籌酌竊以
為欲杜盜賣漕糧之弊必先清售賣餘米之源應
請嗣後某帮某船某旗丁應賣餘米若干石漕臣
簽盤明確即令糧道造冊三本印發押運官并收
貯並分送前途巡撫巡漕轉飭沿河營縣查照以

便賣時將驗票查對至糧船北上時押運官弁即酌定某某集鎮售賣餘米如山東商陽夏鎮濟寧張秋阿城東昌臨清德州等處皆係河路馬頭可以售賣其餘村莊畸零及曠野無人之處原無買食大米之人毋庸縣令售賣徒致漕運遲延并啟奸猾國戶遠迎接買之弊該管官弁酌定集鎮地方亦即豫先關會該處營縣查察售賣之時如已賣足該地方官即將驗票收繳轉呈漕臣查核不得仍存旗丁之手以免影射多賣如尚未足數該幫官弁即於驗票內註明已賣米石數目以便前

途地方官弁查驗續賣若押運官弁賣多註明致將正耗米石侵盜虧缺經漕臣並倉場侍郎臣查出嚴叅究追若沿途兵役有借端需索措勒羈遲等弊該管官即行拿究詳報如該管官失察故縱經上司查出即將該管官一併嚴叅如此則旗丁實在餘米地方官弁既有印冊可查其已賣未賣米數又有驗票登註可稽應賣餘米之根源已清則影射多賣私盜漕糧之弊實可除地方并押運等官均無可以借口卸責虛應故事而稽查確有可據則漕糧不致侵虧旗丁亦不致身蹈法網沿

河人民得於每歲青黃不接之時買食餘米以資接濟永沐

皇仁於無既矣臣等為杜絕漕弊公同酌籌合詞恭摺具

奏是否可行伏乞

皇上聖訓遵行

挑挖引渠勘實准銷

奏為請定黃河挑挖引渠之例以收實益事竊照黃河之水挾沙而行平時沙水相半一入伏秋則沙居其八非極湍急即至停滯一有停滯即漸淤成灘灘在南則水射北而北岸受險灘在北則水射南而南岸受險此形勢之一定者也前河臣張鵬翮面奉

聖祖仁皇帝諭旨黃河曲處挑挖使直水流暢決則泥沙不淤

聖訓垂示實為萬世治河之法其時張鵬翮以曲處挑挖

引河則對岸之險可平而引河需費錢糧甚多究後若逢水緩沙淤例應追賠人心畏縮

題請將實心任事挑挖深寬偶至淤墊者免其賠修等因在案臣查挑挖引河多在老灘長至一二千丈寬六七十丈工大費繁必河頭有迎溜吸川之形河尾有建瓴直瀉之勢方能告成所以有十引九不成之諺未可輕舉至于新現淤灘挺出河心小則切去灘嘴曲者使直其勢即順可免生工此則兵夫力所能為之事毋庸請動錢糧若淤灘長闊必須再於灘內抽挑引渠或一二道或三四道

中留土硬兩邊陡峻挑挖於水落之時開放於水長之日借水刷沙鼓盪冲激竟有頃刻成河而舊河淤墊者亦有與舊河合一而河寬勢直大溜開行者對岸工程俱即化險為平約計夫工所費多則千餘金少僅數百金實為事半功倍河東兩省挑過引渠如儀封十六堡祥封交界蘭陽三堡柴澤胡家屯孟縣小金堤等處歷有成效節經臣

奏明在案惟是河工定例必須先估後銷一經冊估報部動用錢糧偶或淤墊即應追賠是以印河各官遇有應挑引渠之處每每遷延不敢詳估及挑

它已成而先未估報例不准銷以此亦皆畏縮不前臣數年以來歷經親試抽挑引渠可以引溜順勢保護險工且用力少而成功多即偶遇水緩沙停然亦所費無多較挑引河役數千人夫費數萬帑金迄無成功者又自懸殊且引渠不挑淤灘日長設遇大汛通溜頂冲為患匪細竭力保護已不免多費帑料臣愚淤灘利于挑渠而挑它利在及時至於錢糧之應銷應賠惟視工程之實做與否如指工冒帑及虛應故事挑不如式理應叅革追賠如果實力挑它灘上堆有所挑之上可驗挑

它人夫有委員每日點驗名數可查挑完之後河臣及管河道員親詣丈驗明確委係如式深通偶因水小流緩致有浮沙淤澱似應仰懇

皇上天恩免其追賠雖引渠挑浚復淤事不常有而即河各官咸知挑渠不致賠累則心無畏縮自必踴躍趨事實力奉行黃河灣處得直永慶安瀾於億萬斯年矣臣謹具摺恭

奏是否可行伏乞

皇上聖鑒訓示遵行

請停修豫省代賑工程

奏為二麥登場代賑之工應行停修據實

奏明仰祈

睿鑒事竊照豫省黃河兩岸舊有二堤在臨河大堤及
裡月堤之內向係民築民修上年因瀕河州縣地
方被水歉收民力維艱臣於請修黃河大堤案內
一併

奏請量給食米令民修補經部覆准奉

旨俞允臣即欽遵將緊要應修之大堤次第興修自去
冬以至今春河濱黎庶踴躍赴工力作餬口仰沐

皇仁歡呼感頌臣督催承修各員乘青黃不接貧民乏食之時上緊廣募人夫將大堤星速攢修比至四月中旬以後兩岸大堤普律完竣正值一麥成熟民間收割麥禾臣恐再令接修二堤有妨農務隨飛飭暫停立案臣伏思此項二堤原應民修之工止因地方災歉民修力有不能是以仰體

聖主愛養黎元至意循照水利工程之例奏懇

聖恩量給食米資助本係以工代賑今麥已豐收不但有地之家俯仰有資即無業貧民亦可自為謀食臣以目前年景民情觀之此等民修之工毋庸又

資給食米容俟秋成農隙之時飭行地方官仍照往例董勸附近庄民自行陸續修補完固計停緩不過數月而農有餘力民堤即可修整非惟節省實為便民除南岸祥符縣十三堡一段二堤逼近省城形勢險要臣已飭同臨河大堤工程一齊先行修築高厚完竣現在另疏具

題外其餘各處二堤俱可少緩臣不敢以歉歲代賑之工因已蒙

恩允仍應于豐收之時致滋濫費謹將豫省二堤工程停給食米緩至秋後令民照常興修緣由具摺恭

豫東定例卷六
奏但愚昧之見是否如此辦理伏乞

皇上聖鑒訓示

議覆豫省賈魯新河

題為欽奉

上諭事乾隆五年閏六月初十日在蘭陽汛准工部咨
開都水清吏司案呈工科抄出河南巡撫雅爾圖
題前事等因乾隆五年四月二十四日題五月十五

日奉

旨該部議奏欽此欽遵于本月十六日抄出到部該臣
等議得河南巡撫雅爾圖疏稱經前撫臣尹會一
奏請於賈魯河北岸開新河一段由淺井河入渦會
淮以分上源異漲而開歸南面陳州北面凡有雨

水引入諛河均免盈溢其省城之水欲開乾河涯必先濬賈魯新河為歸宿之途應並案疏通等因部議行令咨商江南妥議並案具題茲據兩省委員勘明會詳與江南無碍但兩省會議定稿往返需時積水急須疏消臣覆查議開賈魯新河係洩上源異漲以及開歸南而陳州北面數府之雨水地廣水多恐下流或難容納是以應與江南妥議今乾河涯在賈魯新河之下並不以賈魯新河為歸宿之途且所洩僅止省會一城之水歸入沙河與江南毫無干碍儘可無庸並案況河南省城形

如釜底水無去路現今窪地風水未消若不速將乾河涯開通將來夏雨時行倘再漫溢城垣倉庫官署民房所關匪細自應分案題估以免貽患茲據布政司朱定元等勘明會詳請將城內積水開濬新舊溝渠導引出城挑挖乾河涯穿過護城堤工至高家樓直達紅沙灣而入沙河應建砌磚溝石橋涵洞水門閘座等項共估需土方物料夫工銀一萬一百八十九兩三錢三分零請動乾隆四年地丁銀兩給發興工以資宣洩等情相應具題等因前來查先經前任河南巡撫今陞都察院左

副都御史尹會一于乾隆四年十月內奏稱賈魯河北岸開新河一段導入祥符縣境內之淺兒河又于淺兒河北岸接開新河至高家樓東接入沙河由陳留杞縣等處入渦會淮可以分殺上源異派之勢今復勘得省城南門外之乾河涯年久淤塞議將乾河涯照依故道開挑穿過護城堤于高家樓前歸入現今未估議挑之新河一并歸淮其欲洩省城之水必將議挑之賈魯新河先行疏濬為歸宿之途是兩岸之形勢雖殊而其中之脈絡實相聯貫似應並案疏通及時修舉等因經大學

士等會同臣部議以豫省賈魯河下游全行入淮有無關碍淮河一帶民舍田廬之處應令該撫查勘明確會同河東總河江南總河並咨商江省督撫暨

欽差大臣悉心妥議如無碍下游即將應挑河道各工一並歸於疏濬賈魯新河一案造冊具題等因議覆行文在案今該撫雅爾圖又稱乾河涯在賈魯新河之下並不以賈魯新河為歸宿之途與江南漳無干倘無庸並案疏濬等語是與前撫臣尹會一以未欲開乾河涯必得先濬賈魯新河為歸宿

之處形勢迫不相侔臣部難以懸議相應請

旨勅下河東總河親臨確勘如果乾河涯不以賈魯河為歸宿之途並與江南毫無干碍即令一面勅帑興挑一面據實題覆工完照例題銷倘或必由賈魯新河合流入渦會淮應令該總河遵照原題咨商江南總河暨

欽差大臣悉心妥議具題到日再議可也乾隆伍年六月二十八日題本月三十日奉

旨依議速行欽此為此合咨前去欽遵施行等因移咨到臣臣隨即一面親往查勘一面轉行河南司道

查案詳報去後據河南布政使司朱定元驛鹽道胡紹芬管河道崔琳會詳內稱查得先開乾河涯宣洩省城積水一案查乾河涯在省城南門外原係汴河故道與城濠相通下至紅沙灣入于沙河賈魯新河頭在中牟縣十五里舖入祥符淺兒河又於淺兒河北岸至高家樓前入於沙河原估創開新河二段乃係分洩賈魯河異漲之水故命之曰賈魯新河迨入沙以下歷經挑河永利溝老黃河以泊鹿邑入渦等處皆係舊有之故河但估挑濬並非創開者也查創開新河二段在紅沙灣之

南岸乾河涯入沙並不以此二段為歸宿惟因與沙挑等河合流同流有脉絡貫通之勢是以從前原議乾河涯與晉魯新河請並案辦理在案嗣緣等候江南會勘迄議符還需時蒙撫部院念切省城積水久碍居民不能緩待且恐夏雨秋霖又致為患是以一面題估一面發帑將省城應挑溝渠暨乾河涯工段普律興挑告竣放省城之水盡出紅沙灣歸入沙河本屬城內無源積水經流至於陳留杞縣之境隨路消耗不但不能下達江南並不待流至歸德屬境而流已乾涸委與江南毫無

干碍確已信而有徵非若建閘分流殺有源之水淮渦入淮必待會議定行者比也所有乾河涯宣洩積水有裨省城無碍江南先應開濬可以不必與賈魯河並案情形理合據實詳覆伏候

題覆再查估挑分洩賈魯水勢之新河久經兩省委員勘明應行開濬無碍江南業蒙江豫兩省各院批允開挑現在會稿恭候

欽差水利大人臨勘之後即獲

題估興修更屬永遠裨益合併聲明等情到臣據此該臣看得河南撫臣雅爾圖

題請先將乾河涯開通以消省城積水無庸與賈魯
新河並案疏浚經部議覆令臣親臨確勘如果乾
河涯不以賈魯河為歸宿之途並與江南毫無干
碍即令一面動帑興挑一面據實題覆工完照例
題銷倘或必由賈魯新河合流入渦會淮應令遵照
原題咨商江南總河暨

欽差大臣悉心妥議具題到日再議等因奉

旨依議速行欽此臣在黃河北岸督率修防接准部咨
臣即欽遵一面渡至南岸親往查勘一面檄行河
南司道查案詳報去後據河南布政使司朱定元

驛鹽道胡紹芬管河道崔琳會詳內稱查乾河涯
原係汴河故道與城濠相通下至紅沙灣入於沙
河賈魯新河頭在中牟縣十五里鋪入祥符淺免
河又於淺免河北岸至高家樓前入於沙河迨入
沙以下歷經挑河永利溝老黃河以泊鹿邑入渦
等處皆係舊有之河查開創新河二段在紅沙灣
之南岸乾河涯入沙並不以此二段為歸宿惟因
與沙挑等河合軌同流有脉絡貫通之勢是以從
前原議乾河涯與賈魯新河並案辦理嗣緣等候
江南會勘定議往返需時省城積水久停居民不

能緩待且恐夏雨秋霖又致為患是以一面

題估一面發帑將省城應挑溝渠暨乾河涯工段普
律興挑告竣放省城之水盡出紅沙灣歸入沙河
本屬城內無源積水經流至於陳留杞縣之境隨
路消耗不但不能下達江南並不待流至歸德屬
境而流已乾涸委與江南毫無干碍等情詳覆前
來臣親至該處逐細查勘乾河涯係在開封府城
南門外面寬四丈二尺底寬三丈深四尺已經樵
臣雅爾圖於本年四月間委員興挑完竣城內積
水由東南水門放出城濠南流至乾河頭折而東

注穿護城堤至紅沙灣歸入沙河今水已放完河
復乾涸其已估未挑之賈魯新河西自中牟縣十
五里舖分流經祥符縣淺兒河至紅沙灣東高家
樓前亦入沙河自沙河而下為挑河為永利溝為
老黃河皆同條共貫會渦入淮此河開通源遠流
長與下游江南有無干碍之處現今
欽差江南水利大臣汪隆等至豫查勘應俟勘明上下
形勢悉心商議會疏具

題請

旨遵行至乾河涯雖亦在江南上游但止洩城內溝澮

之水並無來源所積有限其流易竭不至遠達淮
河委係無碍江南且已挑竣放水現又乾涸更為
信而有徵除需用工料銀兩聽撫臣照例

題估

題銷外緣奉

旨速行事件謹將臣遵

旨勘明乾河涯情形據實

題覆伏乞

皇上睿鑒勅部議覆施行

議覆繡江河酌建滾水壩

奏為遵

旨詳議覆

奏事竊臣等准兵部遞送抄發兵部右侍郎阿里寬
等奏摺一件內開濟南府屬章邱縣四營庄民魏
大善等口稱伊地方有繡江河雍正九年間富豪
郝廷佐私建碾磨將河道北口堵塞遏水束行轉
磨取利數年以來山水無處洩消莊內廬舍田禾
盡被淹沒去年秋間控告巡撫衙門批濟南府知
府查勘仍未將舊有河口拆開受害實深等語臣

等檄行府縣將此案卷檢齊呈閱查縣議繡江河
北口舊存石板須建閘一座以脩蓄洩再將河身
疏通分洩北注府議河勢不宜水從北下無庸建
閘疏浚郝廷佐水磨照舊安設止將縣北二里許
王廷美等所建磨十一座拆毀具詳巡撫批結此
案一事兩議各持已見未知孰為允協值此夏秋
大雨時行河水易長民生休戚攸關仰懇

皇上勅諭東省撫臣河臣會同查辦等因具奏奉
硃批着白鍾山碩色詳議速奏欽此欽遵臣白鍾山即
由河南黃河工次飛飭山東嵩管水利之濟東道

張體仁并委熟諳河務之泃河通判傅振宸呈往
該處查勘詳覆去後今據該道廳會詳內稱查勘
得濬江河源出章邱縣城東東麻灣西麻灣北流
至明水鎮合百脉泉匯為一河歷呂家庄淺井庄
至四營庄通計十三里自四營庄前稍折向東復
折而北計七里至金盤庄與縣西南瓜漏河合流
河身漸寬又十三里至回村鎮又六七十里入大
清河歸海夏秋暴雨則溢雨霽則涸奔騰道急迥
非金盤庄以上情狀查看河身約寬六七丈至十
丈不等其自金盤庄以上至明水鎮河身約止寬

二三丈不等原係地裏成河兩岸並無堤埂沿河俱係稻田約有數十頃河之上下共有水磨五十六盤均係跨河安設或云始自唐時或云宋時莫詳所自內郝廷佐水磨五盤係在河岸之東亦屬年久春夏之間泉源暢流紆徐舒緩民間藉以灌田轉磨即雨水過多山泉坡水積聚盈溢亦旋長旋消過而不留考之縣誌云續江一名清河百脉泉北流而至衝激碾磴涵澤萬畝為利甚溥似係享水之利而不受水之害四營庄西倚陂山視他處尚覺少高歷年無呈報被淹案卷惟乾隆四年

四營庄報被水淹地五十畝查卷並訊鄉保村氏係因秋雨積澇所以統四營三十五頃餘之地止澇五十畝窪地並非河水漲發田禾一槩淹沒至於廬舍更無被淹之事再查北口在東流中間係石砌之口寬七尺據四營庄民魏大善等云下有舊河形但已經淤填人等將此口掘露水已通流所種蘆葦茭菰茂盛難以驗視北口以下亦有四營庄生員胡予贊水磨三盤查縣卷乾隆二年胡予贊令魏懷甲等盜決河水以衝激水磨為郝廷佐按縣將聽從盜決之魏懷甲等責儆堵築縣卷

現存查四營庄在河之西北此口逼近四營庄如欲避水患方將引水東去以遠其害惟恐此口堵之不堅何反欲請開此口引賊入室是欲爭水利而非為避水患其情形已瞭如指掌再查上年前任章邱縣知縣陳燦宸議請建閘原為息爭起見後濟南府知府梁彬親勘該處形如張弓此口一開水性趨下北行直注則東行之河必涸不但東北一帶稻田灌溉無資而四營庄以下各庄地更低窪水勢建瓴下瀉不免受害是以府縣兩議不同今查勘現在形勢北口似未敢議開至知府梁

彬議拆之王廷美等磨堰查係在金盤庄之下章邱縣城北名回村鎮正當水漏繡江兩河會合水大河廣王廷美等橫築攔水大壩五座石磨十一盤層層阻遏不能下注以致泛濫實為城郭廬舍之患與金盤庄以上水磨不可同口而語是以先經布政司魏定國轉詳撫院批允拆毀仍請勒石以垂永久等情據此臣等查繡江河本非巨派自四營庄上至明水鎮下至金盤庄計長二十里皆資以轉石磴而灌稻田載在縣志原係有利無害至四營庄在河之西北河自明水鎮北流至四營

庄乃折而東流越庄北下地不瀕河即有水患亦儘可遠避今庄民魏大善等乃欲於東流中間開通北口令水下注則與河為隣其為引水轉磨取利而非實為水患又情理之顯然者臣等悉心詳議水患固宜亟除即水利亦應均沾如堵塞北口全向東流則西北之四營庄不能享水之利未免向隅如竟將北口開通深浚河道則建瓴直下勢必不復東流東北一帶稻田水磨立致乾涸利在此而害在彼亦非均平之道即設閘啟閉而遲早多寡易啟爭鬪愈滋葛藤臣等酌議將北口建一

滾水鉄心小壩以脩節宣現在舊口砌石高六尺東西中空七尺本年六七月內水正加長之候尚露出石六七寸舊石口中水深五尺四寸今以此為準即建壩高五尺四寸南北寬五尺東西長一丈二尺則循軌之水可以分資灌溉設遇漲溢亦可以利宣洩分有餘以濟不足似屬兩得其平實為有益無害至郝廷佐水磨查非建自近年又不阻碍水勢應仍照舊安設毋庸拆毀臣等遵

旨詳議意見相同謹繕摺覆

奏是否允協伏乞

皇上聖鑒訓示遵行

謹陳豫東不產蘆葦

奏為謹陳豫東不產蘆葦實情並請廣勸栽葦議叙
之例以裕工料以固工程事竊照工部尚書臣韓
光基條奏河工加鑲下埽秫稽易於霉爛整飭請
勅河臣積貯蘆葦嚴定章程不特經費漸紓抑且工程
可固經大學士九卿議覆各省河道歷來報銷冊
內俱未能畫一其中或因秫稽價值甚廉易於購
運或因蘆葦必隔年預脩希圖秫稽脩辦省便或
暗用秫稽而報銷蘆葦令各該總河將不盡需用
蘆葦緣由確查具題等因奉

古依議欽此欽遵移咨到臣臣查秫稽外包薄皮內如棉絮體質輕浮撈埽入水難以沉底且經水浸泡亦易於腐蝕不能經久誠如部臣韓光基所言不如蘆葦堅實遠甚況豫東秫稽為民間炊爨之需採辦亦殊不易歷來豫東兩省黃河工程所以需用秫稽而不用蘆葦者實緣本地無蘆葦可購如購之江南不特僱船裝運脚費不貲且在黃河內逆流數千里保無遲悞疎虞之事勢又難以購運並非為秫稽價廉易購亦非為蘆葦必隔年預備希圖辦稽省便也是以報銷黃河各工從無蘆葦

一項即擬定成規案內亦未定有蘆葦價值若暗用秫稽而報銷蘆葦豫東並無其事惟是蘆葦為河工要料而豫東地方不產蘆葦苟非土性不宜自當設法栽植臣因此熟籌裁試已非一日曾于乾隆四年八月內

奏請將黃河南北兩岸坑塘窪地清查購工復慮河員有本管工程事務繁重力難兼顧又于乾隆四年十二月內

奏請酌定栽葦議叙之例聽民捐栽部覆奉

旨俞允在案臣即欽遵通行曉諭並飭地方官廣為勸

導無如小民以栽葦四頃所費工本頗多率皆疑畏不前臣督令管河廳汛及効力人員就近盡力栽種僅栽有三十五頃九十餘畝查兩岸坑塘窪地原報續報共二百四頃餘畝除鹹鹼不堪栽葦地六十五頃餘畝尚餘地一百三十九頃餘畝此外未交工者尚多若全行栽種則三四年後延蔓叢生即可為河工之用臣再四思維葦草非民人栽植必不能寬廣民人非州縣地方官勸導鼓舞亦必不肯栽植臣查各省開墾荒地州縣官有分別議叙議處之例今蘆葦為河工最要之料而黃

河兩岸現有可以栽葦之地若州縣官實力勸栽歲久繁茂則多一束葦草即可少辦一束秫楷在民間可以多留柴薪無稽少價昂之慮而河工得脩良材歲搶修防堅實經久又可以節省項而固工程實為利

國益民之事似宜照墾地之例將沿河兩岸坑窪沮洳不宜禾稼之地令該州縣官勸民栽葦酌量議叙如該州縣民人在已交工未交工地內栽成葦草願請議叙者照乾隆四年所定之例栽葦四頃給與九品頂帶榮身如不願議叙者照依時價採

買交工各從其便諒州縣官如將宜於禾稼之地
抑勒栽葦或所栽葦地以少報多或將可栽葦草
沮洳之地任其廢棄亦照墾地例分別議處廢地
方官知有勸懲自必實力奉行黃河兩岸廣植蘆
葦則河工可資脩用工堅帑節而民間多留秫糯
柴薪又得充裕實於

國計民生兩有裨益緣係奉

旨確查事件謹將豫東二省不產蘆葦並籌畫勸栽緣

由恭摺具

奏是否有當伏乞

皇上聖鑒訓示遵行

恭報秋汛安瀾

題為恭報秋汛水勢情形事據署河南懷慶府黃河
同知武錫彤呈稱所屬孟縣武陟滎澤三縣境內
黃河北岸水勢自閏六月十五日立秋起至九月
初三日霜降止陸續共長水四丈五尺八寸共消
水三丈六寸除長落相抵外淨長水一丈五尺二
寸一切堤埽工程竭力修守俱各保固平穩又據
署開封府上北河同知事封邱縣知縣葉仰高呈
稱所屬原武封邱三縣境內黃河北岸水勢
自閏六月十五日立秋起至九月初三日霜降止

陸續共長水四丈六尺一寸共消水三丈七寸除長落相抵外淨長水一丈五尺四寸一切埽壩工程相機修防俱皆保護平穩又據署開封府下北河同知孫漸呈稱所屬祥符陳留蘭陽三縣境內黃河北岸水勢自閏六月十五日立秋起至九月初三日霜降止陸續共長水四丈六尺四寸共消水三丈八寸除長落相抵外淨長水一丈五尺六寸一切埽壩工程俱竭力修防保護平穩又據署曹儀通判董源涵呈稱所屬儀封曹縣境內黃河北岸水勢自閏六月十五日立秋起至九月初三

日霜降止陸續共長水四丈六尺七寸共消水三丈九寸除長落相抵外淨長水一丈五尺八寸一切埽壩工程俱竭力修防保護平穩又據署開封府上南河同知羅光臨呈稱所屬滎澤鄭州陽武中牟四州縣境內黃河南岸水勢自閏六月十五日立秋起至九月初三日霜降止陸續共長水四丈六尺一寸共消水三丈七寸除長落相抵外淨長水一丈五尺四寸一切埽壩工程俱加謹修防竭力搶護得保平穩又據開封府以通判管下南河同知事張廣居呈稱所屬祥符陳留蘭陽三縣

境內黃河南岸水勢自閏六月十五日立秋起至九月初三日霜降止陸續共長水四丈六尺四寸共消水三丈八寸除長落相抵外淨長水一丈五尺六寸一切堤埽工程加謹修防俱各保護平穩又據署河南儀考管河通判事山東東昌府上河通判高翹呈稱所屬儀封考城二縣境內黃河南岸水勢自閏六月十五日立秋起至九月初三日霜降止陸續共長水四丈六尺七寸共消水三丈九寸除長落相抵外淨長水一丈五尺八寸一切堤埽工程加謹修防搶護俱獲平穩又據署歸德

府商虞通判喬大賚呈稱所屬商邱虞城二縣境內黃河南岸水勢自閏六月十五日立秋起至九月初三日霜降止陸續共長水四丈七尺共消水三丈一尺除長落相抵外淨長水一丈六尺一切堤埽工程加謹修防搶護俱保平穩又據懷慶府沁河通判喻弘猷呈稱沁河水勢自閏六月十五日立秋起至九月初三日霜降止陸續共長水四丈五尺共消水二丈九尺九寸除長落相抵外淨長水一丈五尺一寸一切堤埽工程俱各搶修平穩又據署山東曹州府曹單同知郭有寧呈稱所

屬曹單二縣境內黃河北岸水勢自閏六月十五日立秋起至九月初三日霜降止陸續共長水四丈七尺共消水三丈一尺除長落相抵外淨長水一丈六尺一切堤埽工程俱各竭力修防獲保平穩又據山東運河道陳法詳報運河水勢深通回空糧船五千五百四十五隻隨到隨行已於八月二十一日全數催出山東黃林庄南下各等情到臣據此該臣會看得秋汛綿長正萬壑歸墟之候今歲桃汛水弱伏汛水發稍遲入秋以後水勢叠次長發前水未消後水踵至一時漲盛普面出漕

漫灘勢甚洶湧仰荷

皇上聖謨廣運

睿訓周詳

諭令預為防範黃河南北兩岸官弁兵夫星羅碁布處處有人守護在在料物充盈臣凜遵

聖訓敬謹修防上下往來調度督率道廳營汛等官亦皆倍加凜慎晝夜巡查凡有汕刷蟄陷之處俱即竭力搶護不逾頃刻乃當工程吃緊之時溜忽平緩人力得施而祥符柳園渡蘭陽朱家庄曹縣芝蘇庄皆迎溜頂冲險要之區轉因水長勢順引河

告成如荷

天賜此實由我

皇上大德精誠感孚默祐所以上眷

天心顯彰

神應垂

聖世平成之象昭萬年清晏之祥今時屆霜降水落歸
漕豫東兩省南北兩岸工長一千二百餘里一切
堤岸埽壩工程俱屬穩固據各廳呈報秋汛水勢
自閏六月十五日立秋起至九月初三日霜降止
黃河上自孟縣下至河南虞城山東單縣陸續淨

長水一丈五尺二寸至一丈六尺不等沁河陸續
淨長水一丈五尺一寸各處埽壩工程俱各修防
平穩並據山東運河道陳法詳報運河水勢深通
回空糧船五千五百四十五隻隨到隨行已於八
月二十一日全數催出山東黃林庄南下等情前
來所有秋汛水勢已過黃運兩河工程平穩情形
臣謹會同河南撫臣雅爾圖山東撫臣朱定元合
詞恭疏

題報伏乞

皇上睿鑒施行

請發大街人員

奏爲循例請

旨揀發人員以備差委以重河防事竊照河工同知通判所管黃運兩河爲運道民生攸繫保護修防責守綦重必得諳練勤慎之員方可委任尤必銜缺相當方爲合例臣查効力人員多係州同縣丞雜職並貢生監生此內惟州同職銜於例可以委署通判然非實在諳練勤勞出衆人地相宜者亦不敢輕爲委署至於同知員缺則向無州同署理之例其餘縣丞雜職貢監止可酌量委署汛閘等官

即其人明晰工程辦事勤慎亦不敢越銜委署同知通判此外如現任管河汛官內間有大銜求其能勝同知通判之任者殊難其人又如現任沿河州縣雖亦有一二留心河務之員而刑名錢穀叅罰頗多又例不准陞調是以遇有同知通判缺出再四斟酌或銜缺相當而人地不能相宜或人地相宜而銜缺又不相當轉輾調署甚費籌踴伏查會典開載候選候補人員內選取才具精明年力強壯身家殷實者

命往河工以備修防之用等語臣前因河工無銜大之

員遵例

奏請荷蒙

皇上俞允

勅下九卿保舉於乾隆元年六月內

命候選主事繆琬等十員來工交臣差委効力今經四載除丁憂病故外或經

題補或經

題署俱已用完至已

題准留工効力人員內現在並無大銜可以題署之人倘將來有同知通判缺出乏人署理而定

例應題之缺俱限一月題補題署不敢違延臣思
修防可以習練而能職銜難以遷就而用仰懇

皇上恩賜

勅部照例於候選候補同知通判知州知縣內揀選十
員令其來工習學俟熟悉河務遇有同知通判員
缺

題明委署則河工可幸得修防之人臣亦收臂指之
助矣再查河東効力人員臣已遵照部文酌量定
額六十員現在具疏

題覆如蒙

恩允則此次揀發人員即應作為額數止須收五十員
以符定額合併陳明臣謹循例

奏請伏乞

皇上聖鑒

酌定効力人員額數並缺額隨時錄補

題爲河工効用人員宜核實定額以慎河防以重名
器事該臣看得河工効力人員向係赴工具呈驗
看年力強壯取具旗籍身家殷實印結始行彙

題請

旨留工効力差委其無旗籍印結者例不

題留未經

題留者例不委用臣自任河東總河以來倍加慎重
凡有官生投効必先爲試看察其辦事勤謹心地
明白然後查取旗籍殷實印結結到之後復加察

試擇其用心習練河工不辭辛苦著有勞績者方敢彙疏

題請留工臣到任六年具

題三次每次不過二十餘員至三十員而止並未每年

題留亦無一本

題留百餘員之事今准部咨九卿議覆吏部左侍郎臣蔣溥條奏行令各就所在情形按員缺之多寡工程之多少酌量需用人數著爲定額具題存案等因臣查豫東二省黃河南北兩岸堤工共計一

千二百餘里運河亦綿長千有餘里廳汛關官共一百一十三缺汛遠工多冬春挑河疏泉監工查料在在需員差委至伏秋大汛黃河堤岸不論平險均須差員按工住宿巡防而三四五等月正值南漕重運北上運河以內催漕疏河監守蜀山等湖水啟閉涵洞斗門并遵定例每間各委需員責司啟閉稽查短絳人夫不得以一官而兼兩關黃運兩河均在喫緊之際需員差遣之處更多臣從前

題留每次雖止二三十員尚有取結未到未經

題留及陸續投工差遣試看者約三四十員共有六七十員僅足敷用今細加酌量應請以六十員之數著爲定額則可無差遣乏人之慮而亦不致有濫收壅滯之事查現有從前部發并已經

題留仍應留工者二十五員臣又因投効人員內並無可委同知通判大街之人恭摺具

奏請

旨揀發候選候補同知通判知州知縣十員來工効力差委共計已有三十五員尚需二十五員臣於陸續投工取到殷實印結人員內選擇年力精壯勤

慎小心差委無悞若有勞績之監生裴桐等二十五員理合照例

題請留工以足六十員之額臣更有請者効力人員額數既定額外固不得浮多而額內亦不可缺少查從前効力人員俱係彙疏

題留今既定有額數此外並無多人如額數內有丁憂等項事故及辦事怠惰不肯定心學習工程應行驅逐者去一員即少一員差遣若仍等付彙

題則缺額日久差遣乏人若收錄一員即行具題又不免繁瀆應請嗣後額設効力人員內遇有丁

憂等項事故缺額隨時錄補一面即造具履歷清冊咨部存案仍於年底彙疏具

題似覺妥便再奉部文令將從前已題准効力人員無論部發棟選悉行甄別去留造冊具題查核等因臣查從前部發并

題准効力及南河咨送人員臣平日不時稽察并飭行管河各道察報一有劣蹟或不堪驅策即行分別咨叅驅逐如部發候選知縣陳葆真在外

題留之候選州同張勵戚文爵武生續應仕監生米鎮等經臣先後叅處又如部發之候選州同楊政

極在外

題留之候選州同李棉侯珏李枚孔傳勲吉長裔黃孫輻陳文藻貢生李渭監生林育芝武生高于岬候選主簿沈鴻文候選州同劉養浩許允祐等俱經咨部撤回不准効力在案今復遵例細加甄別查有在外

題留之候選州同劉澄周衍劉澤黃軒馮天德經歷丁鈞從九品劉永勲等久不到工明係在籍怠惰偷安即將來到工亦不准其効力又部發同知降一級曹元夢在外

題留之候選縣丞苑林候選州同鮑中柱李福曜候
選未入流蘇士佐等俱已丁憂回籍已經服滿並
未來工亦應照例聽其赴部候補候選不准赴工
効力其餘甫經丁憂告假回籍俟到工日另行甄
別其才不堪驅策者即令各回旗籍應留工者俟
有缺額咨部留工現今在工人員內並無閒冗及
才不堪驅策之員均應留工臣遵照部文就所在
情形悉心的議秉公確查除留工各員履歷功績
照例造具清冊并取到旗籍殷實印結同甄別應
留不應留各員姓名履歷分造清冊一併送部查

核外臣謹恭疏具

題伏乞

皇上睿鑒勅部議覆施行

楊椿令河廳新舊交代

奏爲楊椿栽植漸多謹籌垂久之法以收實用以裕
要料事竊照黃河歲搶大工凡下大埽必密釘長
椿深入河底老土方有關束而資穩固此工料中
之最要者豫東兩省歷來係用楊椿遠赴產地購
買每株價值運脚自一兩以上至三四兩不等每
年本省並江南採買不下三四千株加以民間伐
作需用更不知其數歲歲採伐楊椿日見其少產
地州縣紛紛詳報匱乏甚難購辦臣深爲籌慮是
以於乾隆三年七月六

奏請勸諭官民捐栽酌量議叙經工部議覆奉

旨先行臣即欽遵轉飭管河廳汛並迤行附近沿河州縣復大張告示力行勸導自乾隆三年至今節據管河各道詳報共栽有五萬四千餘株臣恐此內或有枯損及將細小不堪者充數臣未敢遽爲

題請議叙現今各該道驗明造具切實冊結俟造送到日將應叙官民即照例具

題以示鼓勵臣查二年之內報栽小楊已有五萬四千餘株毋論從此年栽植處處繁茂椿木不可勝用且即此現栽小楊長養成椿約計豫東兩省河

工已足十餘年之用第椿木非長四五丈以上者不能簽釘着底所栽小楊非培養八九年不能長至四五丈此八九年中廳汛官役不無更易倘乘前後接任毀傷盜伐徇隱推諉則徒有捐栽之名究未得楊椿之實虛費數年心力殊爲可惜臣思物必期于有成事必圖之于始欲杜毀傷盜伐之弊必得專責廳員欲杜徇隱推諉之弊必得責令前任後任清查交代查州縣倉廩墩臺并

先農壇農具火具等項凡關

國計民生應垂久遠者定例俱令同倉庫錢糧新舊

交代清楚以免毀失此項楊椿爲河工最要之料
應循照州縣各項交代之例將河工各汛內報裁
成活楊株交與該管廳員不時稽察如廳員遇有
陞遷事故離任即與料物錢糧一并交代接任廳
員一一點驗接收出結送部如有短少即將前任
詳報叅處除着落照數購買賠補外仍令補栽小
楊完日詳

題開復倘接任廳員不能查出或徇情捏結察出即
將接任廳員叅處賠還補栽如此則前後遞相交
代不致毀失庶所栽楊株可望長成河工得有實

濟歲久踵行自可取之不盡既省採辦且節帑金
而工料已裕民用復饒實于河道地方永遠有益
臣因產地椿料漸少恐悞修防河工栽楊漸多慮
其荒廢是以鯁鯁籌計謹將愚昧之見恭摺具
奏是否有當伏乞

皇上睿鑒訓示遵行

請定清查柳園年限以漲補坍

奏為請定清查河工柳園年限及撥補坍缺之法以裕工料以慎河防事竊查黃河埽工椿柳稽蒿悉屬要料臣因豫東兩省素不產蒿楊椿亦漸告乏深為籌慮先後

奏請聽民捐栽議叙並令地方官實力勸栽定以議叙議處之例使崇責成期收實效俱經部覆奉

俞允欽遵在案至千柳株原定有兵夫應栽額數臣到任後即委員詳細查點現存柳株數目并柳園四至界址造冊備查每年督令及時多栽務令成

豫東宣慰司 卷六
活足額惟是黃河南北柳園地畝俱在河邊沙土
虛鬆一經水溜撞刷即坍塌入河柳株亦帶土隨
溜而去雍正五年間前副總河臣嵇曾筠條奏部
議豫省柳園地畝向有若干坍塌若干責令沿河
州縣等官逐一清查確丈立界如有隱占撥補還
額廣為栽植載在

會典其時副河臣尚未兼管山東河道山東柳園未
經一并查丈其豫省柳園塌去地畝據當時道廳
覆稱並未淤出無憑查丈如有新淤新塌另行呈
報等語咨部在案今閱十餘年雖屢經飭查而報

新塌者頗有並無報有新淤者臣思柳株為埽工
要料多多益善而園地本係淤灘逼臨大河波濤
洶湧勢必不能保其不塌但塌去之地若竟不撥
補任其懸額則柳地日削柳地既削則栽柳自少
栽柳既少則需用秫稻必多不但帑多糜費工不
堅固而且秫稻為民間炊爨之物需用既多購辦
亦殊不易查黃河灘地坍塌靡常即如南所之祥
符汛程家寨儀封汛十六堡北所儀封三家莊祥
封壩等處數年前堤根水深數丈者今皆淤長大
灘寬長數百丈其餘老灘外復長二層三層新灘

者尚多此皆河內所淤之地本無業戶若將柳園
坍缺地畝於此內按數撥補所淤之地有限而栽
植要料受益實多從前印河各官必欲俟原坍區
處仍復淤出始行丈撥是猶刻舟以求劍必不可
得也且從前查丈撥補並未定有年限查丈之後
印河各官亦復懸宕還額仍屬無期而日久年深
坍缺過多撥補愈難埽料亦且不繼不可不為慮
及者臣請嗣後豫東兩省黃河兩岸額設柳園地
畝如有新坍該廳汛官詳報到日該管河道即驗
看確實報部存案即於次年新淤灘地內民人未

經認糧領種以前擇其可以栽柳者即詳報官部
按數撥補交與河官栽植柳株不必等候原坍之
處淤復方行補栽如原坍之地年久淤出亦不必
仍歸柳園即聽民人認種并請以乾隆六年為始
每五年一次循照雍正五年前副河臣稽曾筠奏
准之例令印河各官公同查丈原有園地若干坍
塌若干已補若干一并分晰造冊送部查核如河
官將坍地以少報多印官查出詳報即將河官叅
處如印官不將新淤灘地據實報明撥補以致懸
宕缺額經管河道查出亦將印官叅處如此則以

黃河所淤之灘地補河水坍去之柳園不過置其固有並非增所本無而柳園原額永久無缺栽柳不患無地將見歲增日盛埽料無不足之虞不惟可積帑金更可以固工程兼可以減辦秫稽為民間多留柴薪實于工需民計兩有裨益而秫稽一項購辦維艱河防攸關重大料物又在所必需是公凡可以取資工料而減省秫稽者無不深思熟計以期少補于萬一臣愚昧之見是否有當伏乞皇上聖鑒訓示施行

豫東宣防錄者今

河東總督河道白公督河以來之

奏議也初公觀察淮揚弘謀方

出守邗上為公屬吏得悉公

之為政中正樂易所部中黃運淮

河連經異漲一時督河使者如齊

恪勤公孔溫僖公及今之宮保

尹公皆一時人傑後先經理斯時

河防稱極盛焉 公於其時左右
擘畫風雨經營所在底績於是督
河諸公皆深為推重交章薦 公
當宁之知 公蓋從此深矣嗣是屏藩
江左擢副南河未幾隨有總督河
東之

命蓋漕渠上關

天庾而豫充適當大河之衝

聖天子簡任賢能以為非 公不足以
當之也是豈偶然之遭遇哉 弘謀
遠宦滇南相距萬里每聞

恩旨之頒輒用額手為河防得人慶戊

午春

弘謀調任津門職司河防運

河數百里與東省繡壤相錯境地
雖分源流則一而利害亦復息息
相關 公一視同仁勤勤懇懇開

誠相告受益良多 公嘗為

弼謀

言曰治水以棄為取順水之性而不與水爭地又曰河防為

國家第一要務因循者隳事而更張則弊生守其成規而隨時振理斯為得之弼謀服膺斯言年來奔走河干竭蹶趨事奉以周旋幸無隕越益服其言之不易也今年夏承

乏三吳道出濟上因得盡讀 公之奏議愈有以知其規模之宏遠條理之精密如增培河堤而寓賑於工疏濬漕河而工歸實濟勸種葦柳而取材有資無非揆其體要籌其久遠而非同補苴罅漏苟且目前之計故自 公視事以來黃河順軌漕渠暢流糧艘利涉人慶

宣陽金府
安瀾 公之得以致此者周詳恪
慎早作夜思不知幾費經營矣讀
是集也不但欽 公經猷優裕且
以知

聖朝底績之隆得人之盛有度越前古
者矣謹颺言以志諸簡

乾隆五年八月中澣舊屬吏桂林

陳弘謀頓首拜撰

